





60  
D

60

F


38

60

E

50

9. 3. 8. 34







# PARS ALTERA ELENCHI

S. R. E. CARDINALIVM

Ab anno 1430. ad annum 1549.

EX BIBLIOTHECA EMINENTISSIMI

## FRANCISCI

### CARDINALIS BARBERINI

Episcopi Portuensis, ac S.R.E. Vicecancellarij.

A V C T O R E

## FELICE CONTELORIO

VTRIVSQ. SIGNATVRAE VOTANTE

*Ac Basilicae Principis Apostolorum de Vrbe Canonico.*

OPVS POSTHVMMVM.

*Biblioth. Secr.  
Loc.*



*Coll. Rom.  
Ses.*



R O M A E,

Typis Ignatij de Lazaris M. DC. LIX.

---

SVPERIORVM PERMISSV.

# PARS ALTERA

IN OMNIBUS

REPUBLICANIS

PRINCIPALIUM

REPUBLICANIS

IN OMNIBUS

REPUBLICANIS

REPUBLICANIS

REPUBLICANIS

REPUBLICANIS

REPUBLICANIS

REPUBLICANIS

REPUBLICANIS

REPUBLICANIS

REPUBLICANIS

REPUBLICANIS

REPUBLICANIS

REPUBLICANIS

Eminentissimo, & Reuerendissimo Principi  
**MARCELLO SANCTACRVCIO**

S. R. E. Cardinali Amplissimo.

IO: MARIA GONTELORIVS.



**P**OSTHVMVM hoc opus Felicis Con-  
telorij Auunculi mei tibi inscribere vo-  
lui, Eminentissime Princeps; tum ob ma-  
gna, & plurima, quæ in eum contulisti,  
dùm viueret, quorum memoriam exci-  
dere nolui, tùm quia in eo de re Cardinalitia agitur,  
cui dignitati ex tuis fulgoribus non parum accessit; At  
enim, & generis antiquitate, & maiorum splendore,  
qui per multa sæcula, & titulis, & fascibus, & non mi-  
nus gloriosissimis palmis, & Sacra ipsa purpura clarue-  
runt, & propria insuper Sapientia pietate, religione, &  
potissimum zelo in Sedis Apostolicæ dignitate, requè  
Romana tuenda nemini cedis. Quare ex tuo nomine,  
non solum his Purpuratis nouum ornamentum addi-  
dero, sed laboribus Patru mei in hoc posthumò opere  
lauream illam imponam, qua nullam aliam magis glo-  
riosum ambire potuisset, atque vltimam honoris me-  
ram attrigisse gloriabitur. Sed quemadmodum ea in re  
esse perspicimus, quæ omnes suscipiant, & magni emu-  
lentur, sicut enuè hoc munusculum minimè aspernando  
eam in te quoque esse humanitatem ad cumulum com-  
probabis, quam vniuersi mireantur.

# I N D E X.

<i>Alphonſus filius Petrucci.</i>	<i>Iulius 2. fol.</i>	112
<i>Amadeus de Sabaudia.</i>	<i>Nicolaus 5. fol.</i>	37
<i>Amadeus Dalbregius.</i>	<i>Alexander 6. fol.</i>	94
<i>Amicus Agniſſilius.</i>	<i>Paulus 2. fol.</i>	61
<i>Andreas Cornelius.</i>	<i>Paulus 3. fol.</i>	170
<i>Andreas Mattheius Palmerius.</i>	<i>Clemens 7. fol.</i>	138
<i>Andreas Spinay.</i>	<i>Innocentius 8. fol.</i>	79
<i>Andreas de Valle.</i>	<i>Leo 10. fol.</i>	121
<i>Angelus Capranica.</i>	<i>Pius 2. fol.</i>	49
<i>Angelotus Fuſcus.</i>	<i>Eugenius 4. fol.</i>	3
<i>Antonius Antonij.</i>	<i>Clemens 7. fol.</i>	138
<i>Antonius Boerius.</i>	<i>Leo 10. fol.</i>	119
<i>Antonius Cardanus.</i>	<i>Nicolaus 5. f.</i>	35
<i>Antonius Ferrerius.</i>	<i>Iulius 2. fol.</i>	107
<i>Antonius Gentilis Pallauicinus.</i>	<i>Innocentius 8. fol.</i>	80
<i>Antonius Martini de Clauibus.</i>	<i>Eugenius 4. fol.</i>	7
<i>Antonius de Monte S. Sabini.</i>	<i>Iulius 2. fol.</i>	111
<i>Antonius Puccius.</i>	<i>Clemens 7. fol.</i>	149
<i>Antonius de Sanguine de Medon.</i>	<i>Paulus 3. fol.</i>	163
<i>Antonius de Sancto Seuerino.</i>	<i>Leo 10. f. 129. &amp;</i>	137
<i>Antonius Triaultius.</i>	<i>Alexander 6. fol.</i>	96
<i>Ansonius Iacobus Venerius.</i>	<i>Sixtus 4. fol.</i>	70
<i>Ardicinus de la Porta.</i>	<i>Innocentius 8. f.</i>	80
<i>Aſtorgius Agnenſis.</i>	<i>Nicolaus 5. fol.</i>	35
<i>Aſcanius Pariſianus.</i>	<i>Paulus 3. fol.</i>	163
<i>Aſcanius Maria Sfortia de Vicecomi- tibus.</i>	<i>Sixtus 4. fol.</i>	77
<i>Bantineſlus Sacchus.</i>	<i>Iulius 2. fol.</i>	112
<i>Baptiſta, ſeu Io. Baptiſta de Vrſinis.</i>	<i>Sixtus 4. fol.</i>	77
<i>Bartholomeus de la Cueva.</i>	<i>Paulus 3. fol.</i>	169
<i>Bartholomeus Guidicionus.</i>	<i>Paulus 3. fol.</i>	164
<i>Bartholomeus Martini.</i>	<i>Alexander 6. fol.</i>	92
<i>Bartholomeus Rouerella.</i>	<i>Pius 2. fol.</i>	54
<i>Benedictus de Accoliis.</i>	<i>Clemens 7. fol.</i>	134
<i>Bernardus Cleſius.</i>	<i>Clemens 7. fol.</i>	146
	<i>Bernar.</i>	

# I N D E X.

<i>Bernardinus Carauial.</i>	<i>Alexander 6. fol.</i>	88
<i>Bernardinus de Lunate.</i>	<i>Alexander 6. fol.</i>	90
<i>Bernardinus Maffei.</i>	<i>Paulus 3. fol.</i>	174
<i>Bernardus Tarlatus, aliàs Diutius.</i>	<i>Leo 10. fol.</i>	170
<i>Berardus Herulus.</i>	<i>Pius 2. fol.</i>	49
<i>Bessarion Trapezuntius.</i>	<i>Eugenius 4. fol.</i>	61
<i>Bonifacius Ferrerius.</i>	<i>Leo 10. fol.</i>	121
<i>Burchardus à Vuespriach.</i>	<i>Pius 2. fol.</i>	50
<i>Casar Borgia.</i>	<i>Alexander 6. fol.</i>	88
<i>Carolus Borbanus.</i>	<i>Sixtus 4. fol.</i>	71
<i>Carolus de Borbonio.</i>	<i>Paulus 3. fol.</i>	172
<i>Carolus de Carreto.</i>	<i>Iulius 3. fol.</i>	106
<i>Carolus Emardus.</i>	<i>Paulus 3. fol.</i>	157
<i>Carolus Guisianus.</i>	<i>Paulus 3. fol.</i>	172
<i>Christophorus Anglus.</i>	<i>Iulius 2. fol.</i>	111
<i>Christophorus Iacobaccius.</i>	<i>Paulus 3. fol.</i>	157
<i>Christophorus Madrutius.</i>	<i>Paulus 3. fol.</i>	167
<i>Christophorus Humalins.</i>	<i>Leo 10. fol.</i>	124
<i>Christophorus de Ruere.</i>	<i>Sixtus 4. fol.</i>	72
<i>Clemens Grossus de Ruere.</i>	<i>Sixtus 4. fol.</i>	105
<i>Cosmas de Vrsinis.</i>	<i>Sixtus 4. fol.</i>	75
<i>David Betonius.</i>	<i>Paulus 3. fol.</i>	161
<i>Didacus Hurtado de Mendoza.</i>	<i>Alexander 6. fol.</i>	94
<i>Dominicus Grimanus.</i>	<i>Alexander 6. fol.</i>	89
<i>Dominicus Iacobaccius.</i>	<i>Leo 10. fol.</i>	122
<i>Dominicus de Ruere.</i>	<i>Sixtus 4. fol.</i>	75
<i>Durantes de Durantibus.</i>	<i>Paulus 3. fol.</i>	170
<i>Dyonisius Laureus.</i>	<i>Paulus 3. fol.</i>	165
<i>Dyonisius Zeckus.</i>	<i>Eugenius 4. fol.</i>	7
<i>Elias de Boodeillas.</i>	<i>Sixtus 4. fol.</i>	76
<i>Ennecus de Blinnica.</i>	<i>Clemens 7. fol.</i>	147
<i>Ennius Philonardus.</i>	<i>Paulus 3. fol.</i>	157
<i>Fatius Sancterius.</i>	<i>Iulius 2. fol.</i>	108
<i>Federicus Casius.</i>	<i>Paulus 3. fol.</i>	170
<i>Federicus Iagellonus.</i>	<i>Alex. 6. f. 82. &amp; 89</i>	

Fede-

# I N D E X

<i>Federicus Ponzettus.</i>	<i>Leo 10. fol.</i>	123
<i>Pedricus Sansuerinus.</i>	<i>Innocentius 8. f.</i>	81
<i>Franciscus Ursinus.</i>	<i>Leo 10. fol.</i>	125
<i>Franciscus Alidosius.</i>	<i>Iulius 2. fol.</i>	108
<i>Franciscus Argentinus.</i>	<i>Iulius 2. f. l.</i>	112
<i>Franciscus Armellinus.</i>	<i>Leo 10. fol.</i>	124
<i>Franciscus Borgia Cordado.</i>	<i>Alexander 6. fol.</i>	94
<i>Franciscus de Comitibus.</i>	<i>Leo 10. fol.</i>	120
<i>Franciscus Cornelius.</i>	<i>Clemens 7. fol.</i>	140
<i>Franciscus Condalmerus.</i>	<i>Eugenius 4. fol.</i>	3
<i>Franciscus Perricus.</i>	<i>Paulus 2. fol.</i>	63
<i>Franciscus Gonzaga.</i>	<i>Pius 2. fol.</i>	55
<i>Franciscus Guillelmus de Claramonte.</i>	<i>Iulius 2. fol.</i>	105
<i>Franciscus Iloris.</i>	<i>Alexander 6. fol.</i>	99
<i>Franciscus de Mendoza.</i>	<i>Paulus 3. fol.</i>	169
<i>Franciscus Piccolommineus.</i>	<i>Pius 2. fol.</i>	50
<i>Franciscus P. farus.</i>	<i>Leo 10. fol.</i>	127
<i>Franciscus Quignonus.</i>	<i>Clemens 7. fol.</i>	140
<i>Franciscus Remolinus.</i>	<i>Alexander 6. fol.</i>	98
<i>Franciscus de Ruere.</i>	<i>Paulus 2. fol.</i>	61
<i>Franciscus Sfondratus.</i>	<i>Paulus 3. fol.</i>	169
<i>Franciscus Soderinus.</i>	<i>Alexander 6. fol.</i>	98
<i>Franciscus de Sprats.</i>	<i>Alexander 6. fol.</i>	99
<i>Franciscus Turonius.</i>	<i>Clemens 7. fol.</i>	146
<i>Franciscus Ximenez.</i>	<i>Iulius 2. fol.</i>	110
<i>Fridericus Casimirus.</i>	<i>Alexander 6. fol.</i>	89
<i>Gabriel Acromonte.</i>	<i>Clemens 7. fol.</i>	148
<i>Gabriel de Gabriellibus.</i>	<i>Iulius 2. fol.</i>	108
<i>Gabriel ex Marchionibus Salutarum.</i>	<i>Clemens 7. fol.</i>	151
<i>Gabriel Rangonus.</i>	<i>Sixtus 4. fol.</i>	72
<i>Galeottus Franciscus de Ruere.</i>	<i>Iulius 2. fol.</i>	106
<i>Gaspar Aualos.</i>	<i>Paulus 3. fol.</i>	167
<i>Gaspar Contarenus.</i>	<i>Paulus 3. fol.</i>	155
<i>Georgius de Amboisa.</i>	<i>Paulus 3. fol.</i>	171
<i>Georgius de Amboisa.</i>	<i>Alexander 6. fol.</i>	93
	<i>Geor-</i>	

# E V G E N I V S I V.

*Gabriel Condolinerius Præsb. Card. Tit. Sancti Clementis die 3. Martij anno 1431. in Monasterio sanctæ Mariæ supra Mineruam Romæ in Summum Pontificem eligitur : die 11. eiusdem mensis ante fores Basilicæ Beati Petri coronatur : die 23. Februarij circa auroram anno 1447. in Palatio Vaticano migravit ad Dominum: Electionem suam denunciavit per Literas ; quarum exemplar recitatur.*



**E**VGENIVS, &c. Dilecto filio nobili Viro N. Saluator noster Dominus Iesus Christus, qui, vt ab æterna morte liberaret humanum genus, mortalitatem carnis assumpsit, sacrosanc- tam vniuersalem Ecclesiam sua sa- cratissima passione fundatam ità in terris vsque ad con- summationem sæculi perpetuari voluit, vt tamen illi, quos sponfos daret, perpetui esse non possent, dispo- nens gregis sui oues pascendas per variam successionem Pastorum, qui eas, & verbo, & opere ad æternam glo- riam inuitarent. Sanè cum fel. rec. Martinus Papa Quintus prædecessor noster, sicut Domino placuit, nu- per, videlicet 10. Calendas Martij ab hac mortali lacry- marum valle ad immortalem vitam migrauerit, post funeris ipsius, ac solemnum exequiarum, vt moris est, celebrationem Vener. Fratres nostri S. R. E. Cardinales, de quorum numero tunc eramus ; in Conclauì pro elec-

A

tio-

tione futuri Summi Pontificis celebranda modo, &  
 tempore congruis, & debitis in virtute Altissimi con-  
 uenerunt, vbi varijs consilijs, & deliberationibus ma-  
 turè præhabitis, prout tantæ rei, qua nulla maior agi-  
 tur in Terris grauitas postulabat, tandem Spiritus sancti  
 gratia eorum mentibus cælitus infusa, licet in alios ma-  
 ioribus meritis insignes conuenire potuissent; certo ta-  
 men Dei iudicio consilia sunt inscrutabilia, nos tunc  
 Tituli sancti Clementis Præbyterum Cardinalem in-  
 sponsum, Pastoremque Ecclesiæ suæ sanctæ vnanimi  
 voluntate, & concordia, elegerunt. Quoniam verò, si-  
 cut Deo placuit, ita factum est, quamuis habere nos  
 humeros imbecilles ad perferendum tantum onus, quan-  
 tum est Ecclesiæ Vniuersalis Sarcina, sentiremus; ta-  
 men, ne reluctari voluntati Dei videremur, colla sub-  
 iecimus iugo Apostolicæ seruitutis, sperantes in eo, qui  
 infirma elegit, vt confunderet fortia (cum Romanus  
 Pontifex, licet per ministerium hominum eligatur, ex  
 cœlesti inspiratione procedat,) quod fragilitati nostræ  
 robur suæ gratiæ inspirabit. Hanc ergò assumptionem  
 nostram ad tuam consolationem significandam duxi-  
 mus nobilitati tuæ, quem deuotum Ecclesiæ filium es-  
 se cognouimus, & quem fixum gerimus in visceribus  
 charitatis, exhortantes tuam Excellentiam in Domino  
 primum, vt porrigi facias præces solemnes ad Domi-  
 num Deum nostrum, vt nostræ paruitati gratiam tri-  
 buat, Ecclesiam suam sanctam ad laudem, & gloriam  
 eius, ac exaltationem fidei, pacem, & tranquillitatem  
 Christiani Populi gubernandi, tu autem, (quod præci-  
 pue decet Catholicum Principem,) vt piè colens chris-  
 tia.



3

tianam fidem , eius Antistites veneris, Nostrum , Se-  
disque Apostolicæ honorem , & auctoritatem defendas ,  
libertatem Ecclesiasticam tuearis , itaut & à nobis con-  
dignas gratias , & ab Altissimo , qui est solus bonorum  
operum retributor , æternam gloriam suscipere merca-  
ris , & cæteri exemplo tuo ad similia inuitentur. Da-  
tum Romæ apud S. Petrum 4, idus Martij Pontificatus  
nostri anno Primo .

## CREATIONES CARDINALIVM

*Die Mercurij 19. Septembris anno 1431. Romæ in  
cubiculo Pontificis, eodemque die rubro  
galero decorati.*

~~FRANCISVS CONDOLMERIVS~~ VENETVS Vicecamerarius ,  
nepos ex fratre, Præsb. Tit. Sancti Clementis, deindè  
Camerarius, ac Vicecancellarius S. R. E. vulgò Card.  
Venetiarum , Legatus ad Ducem Venetiarum , obiit  
Romæ Episcopus Portuensis die 30. Octobris anno  
1453. Ex libro Participat. Giacconius die 5. Sept.  
eique attribuit Titulum Sanctæ Cæcilie , quem non  
habuit . Hic , dum fuga sibi prospicit Eugenius ,  
Roma discedens Florentiam profecturus , à Populo  
Romano in Capitolio detinetur anno 1434.

ANGELOTTVS FVSCVS ROMANVS , Episcopus Cauensis  
Præsb. Tit. Sancti Marci , Romæ interemptus à famu-  
lo, die 11. Septembris anno 1444. expirauit .

## 4 SECUNDA CREATIO.

*Die 9. Augusti anno 1437. Florentie.*

IOANNES DE VITELLENSIBVS CORNETANVS , Patriarcha Alexandrinus , Tit. Sancti Laurentij in Lucina , Archiepiscopus Florentinus , Legatus bis ad Urbem missus , & in Marchiam Anconitanam , Romæ in Castro Sancti Angeli , ubi fuerat detentus , decessit veneno , seu ex vulneribus die 11. Aprilis anno 1440. Ex libro participat . Ciaccon. die 8. Aprilis 1439. Ioannis creationem Basileense Conciliabulum , uti factam contra Decreta Concilij , irritam declarauit die 26 Septembris 1447. ut in eius Actis.

## TERTIA CREATIO.

*Die Sabbati 18. Decembris anno 1439. Florentie decem , & septem creati sunt Cardinales , eisque tam presentibus , quàm absentibus assignati fuerunt Tituli die Veneris 8. Ianuarij 1440.*

REGINALDVS DE CARVARE Archiepiscopus Rhemenfis Præbyter Tit. S. Stephani in Cælio monte , obiit Turoni anno 1448. ut in Gallia Christiana Claudij Roberti . Ciacconius 1446.

IOANNES EX COMITIBVS TAGLIACOTII NEAPOLITANVS , Archiepiscopus Tarentinus , Præsb. Tit. SS. Nerei , & Achillei , maior Pœnitentiarius , legatus ad Regem Renatum , & Regem Aragonum pro pace inter eos fir-

5

firmanda, Episcopus Legionensis, & Auriensis. obiit  
Romæ Episcopus Prænестinus die 21. Ianuarij an-  
no 1449.

IOANNES KEMP, Archiepiscopus Eboracensis, Presb. Tit.  
Sanctæ Balbinæ, postea Episcopus SS. Rufinæ, & Se-  
cundæ, & Archiepiscopus Cantuariensis; obiit die  
22. Martij anno 1453. Legatus in Regno Angliæ.  
Ex Auctore de Antiquitate Ecclesiæ Britannicæ: Ciac-  
con. 1456. Sed ex Bullis Pij II. viuebat Ioannes die  
23. Iulij 1453.

NICOLAVS DE ACCAPACIO SVRENTINVS, Archiepisco-  
pus Capuanus, Præsb. Tit. Sancti Marcelli, missus ab  
eodem Pontifice in exilium, quo mortuo, Romam  
reuersus, honore maximo receptus est, omni populo  
obuiam effuso, tandem obiit Romæ die 3. Aprilis  
1447.

LVDOVICVS DE LVCEMBVRGO GALLVS, Archiepiscopus  
Rothomagensis, Præsbiter Tit. Sanctorum Quatuor  
Coronatorum, obiit in Anglia die 4. Octobris 1443.  
Ex Gallia Christiana. Hunc Ciacconius contendit  
vocandum Ludouicum de Bar, & falsò vocari Ludo-  
uicum de Lucemburgo. At in Bulla Eugenii Quarti  
anno 1442. vocatur Ludouicus de Lucemburgo.

GEORGIVS DE FLISCO CIVIS, & Archiepiscopus Genuen-  
sis Præbyter Tit. Sanctæ Anastasiæ, Episcopus Al-  
binganens, & Ostiensis, Legatus in Dominio Ge-  
nuensi ad sex menses, obiit Romæ die 8. Octobris  
1481. ex lib. particip. Ciacc. 1460.

ISIDORVS KYEMI CONSTANTINOPOLITANVS, vel, ( vt alij  
tradunt ) Patria Thessalonicensis, Archiepiscopus  
Ru-

Ruthenus, Præsb. Tit. SS. Marcellini, & Petri, Com-  
mendator Ecclesiæ Sanctæ Agathæ, Episcopus Sabin-  
nus, Episcopus Corphiensis, Nicasiensis, & Patriar-  
cha Constantinopolitanus, & Nigropontensis Lega-  
tus in Græciam sub Eugenio IV. ac ad Imperatorem  
Constantinopolitanum, Nicolao V. Pontifice, obiit  
Romæ die Mercurii 27. Aprilis 1463. Ex libro diuif.  
Ciaccon: die 8. Martii 1464.

BESSARION TRAPEZVNTIVS, Archiepiscopus Nicenus,  
Præsb. Tit. Basilicæ XII. Apostolorum, postea Episco-  
pus Sabinus, & Portuensis, & Tusculanus, Episcopus  
Pampilonensis, Patriarcha Constantinopolitanus,  
vnius noctis Pontifex, Legatus Bononiæ, & Exar-  
chatus. In Germaniam pro pace inter Federicum  
Imperatorem, & Sigismundum ipsius fratrem, ac  
Matthiam Regem Vngariæ incunda, ad Regem Gal-  
liæ, ad Regem Angliæ, Ducem Burgundiæ, & Du-  
cem Venetiarum pro defensione fidei Catholicæ con-  
tra Turcas; decessit Rauennæ die 18. Nouembris  
1472. Romæ ipsius exequiis in Basilica XII. Aposto-  
lorum Xistus Quartus interfuit.

GERARDVS LANDRIANVS MEDIOLANENSIS, Episcopus Co-  
mensis, Præsb. Tit. Sanctæ Mariæ in Transtiberim  
Legatus ad Principes Lombardiæ, obiit Viterbii die  
9. Octobris 1445.

SBIGNEVS OLESNICIVS, Episcopus Cracouiensis, Præsbi-  
ter Tit. S. Priscæ: hic certior factus à Branda Placen-  
tino, & Iuliano S. Angeli Cardinalibus, tunc Sedis  
Apostolicæ Legatis de eius ad Cardinalatum assump-  
tione per Eugenium, gratias agens respondit, quod  
non

non ægrè ferrent, si dignitatem non acceperet, cum id ageret, ne Ecclesiæ Vniuersalis auctoritas læderetur: creatus est anno 1440. anticardinalis à Felice V. & Nicolaus illi dignitatem postea confirmauit, & die 28. Iulij anno 1449. pileum rubrum transmissit: ex Bulla eiusdem Nicolai, & Actis Concilii Basileensis. Ciacconius asserit Cardinalatum sibi ab Eugenio IV. oblatum suscepisse. Die prima Aprilis 1455. Sandomiriz decessit. Die 20. Iunii 1455. eius obitus Romæ nuntiatus est.

**ANTONIUS MARTINI DE CLAVIBVS**, Episcopus Portu-  
gallensis, Præsb. Tit. S. Chrysogoni, decessit Romæ  
die 11. Iulii 1447.

**PETRVS**, Episcopus Augustanus, Præbiter Tit. Sancti  
Vitalis, Legatus in Vniuersa Germania pro expedi-  
tione contra Turcas, obiit Augustæ die 14. Aprilis  
1469. ex lib. Diuis. Ciaccon. die 12.

**IOANNES IUVENIS PICCARDVS**, Episcopus Morineñ, Præsb.  
Tit. S. Praxedis: ex lib. diuis. deinde S. Laurentii in  
Lucina: Hic distulit præstare consensum, donec Eu-  
genius declararet, an dignitatem concessisset cum re-  
tentione Episcopatus. Legatus pro pace componen-  
da inter Alphonsum Aragoniæ Regem, & Rempu-  
blicam Florentinam, Ducem Mediolani, Philippum  
Mariam Anglum, Ducem Venetorum, ac in eum-  
dem Alphonsum, & personas Ecclesiasticas in Regnis  
Valentiæ, Maioricarum, ac Comitatibus Rossilio-  
nis,

**DYONISIUS ZECHVS**, Episcopus Agriensis, Præsb. Tit. S.  
Cyriaci in Thermis, creatur Archiepiscopus Strigo-  
nien-

nienſis die 15. Februarii 1440. poſtea Legatus Sedis Apoſtolicæ pro concordia inter Ladiflaum Regem Hungariæ, ac Prælatos, & Barones ad ipſum Ladiflaum coronandum.

GVILLELMVS ESTOVTEVILLA, Electus Andegauenſis, Præſb. Tit. S. Martini in Montibus, diſtulit aſſenſum præbere oblata ſibi per Eugenium dignitati, donec declararetur, an Cardinalatus fuiſſet conſeſſus cum retentione Eccleſiæ Andegauenſis, Episcopus Portuenſis, & Oſtienſis. Episcopus Maurianenſis, Lodonanſis, Ebrendonenſis: Archiepiſcopus Rothomagenſis, Legatus in Regno Franciæ, S. R. E. Camerarius, obiit Romæ die 22. Ianuarij 1483.

FR. IOANNES DE TVRRECREMATA, Magiſter Sacri Palatii ex ordine Prædicatorum, Presbyt. Tit. Sancti Xixri, deindè S. Mariæ in Tranſtiberim, obiit Romæ Episcopus Sabinus die 26. Septembris anno 1468.

ALBERTVS DE ALBERTIS, electus Camerarienſis, Diac. S. Eufſtachij, deceſſit in Crypta Ferrata prope Urbem die 11. Auguſti 1445.

## QVARTA CREATIO.

*Die 1. Julij anno 1440. Florentiæ.*

LYDOVICVS SCARAMPVS MEDIAROTA, Patriarcha Aquileienſis, Præſbit. Tit. S. Laurentii in Damaso, deinde Episcopus Albanus, Legatus in Marchiam, ad Regem Aragonum, in exercitu contra Nicolaum Piccininum, in Claſſe Maritima contra Turcas, ac  
S. R.

9

S. R. E. Camerarius, obiit Romæ 22. Martii anno  
1465. Ex libro diuisionum Giaecon. die 27.

PETRVS BARBVS, Sedis Apostolicæ Notarius, Electus  
Ceruensis, Diac. S. Mariæ Nouæ, postea S. Mar-  
ci, & Commendator S. Cæcilie, Episcopus Vica-  
rinus, Parauinus, & deindè Paulus Secundus.

## QVINTA CREATIO.

*Die Sabbati 2. Maij anno 1444. Romæ.*

ALPHONSVS BORGIA; Archiepiscopus Valentinus, Presb.  
Tit. SS. Quatuor Coronatorum, postea Calistus Ter-  
tius. Ex libro Prouisionum Eugenii. Hanc crea-  
tionem Giaeconus locat sub die 12. Iulij anno 1444.  
eo scilicet die, quo primum in Urbem ingressus est.

## SEXTA CREATIO.

*Die 16. Decembris anno 1446 Romæ.*

HENRICVS DE ALLOSIO, Archiepiscopus Mediolanensis,  
Presb. Tit. S. Clementis, Legatus in Archiepiscopa-  
tu, obiit Romæ die 4. Iulij anno 1450.

THOMAS LVCATVS DE SARZANA, Episcopus Bononiensis  
Presb. Tit. S. Sufannæ, postea Nicolaus V.

IOANNES SICVLVS, Abbas S. Pauli extra moenia Urbis,  
Præsb. Tit. S. Sabinæ, obiit Neapoli die 21. Ianua-  
rii 1449.

IOANNES CARAYIAL HISPANVS, ex Sac. Palatii Aposto-  
lici

B

lici Auditore Episcopus Placentinus, Diac. S. Angeli, deinde Episcopus Portuensis, ac SS. Rufinæ, & Secundæ, legatus ad Federicum Imperatorem pro pace inter ipsum, Regnumque Hungariæ tractanda, & inter Theodaicum Archiepiscopum Coloniensem, Ducemque Cliuensem, rursus Legatus in Germaniam, Regna Hungariæ, Boemiæ, Poloniæ, & Dominia Turcis subiecta, ac Reipublicæ Venetorum, & in Anconam pro expeditione contra Turcas: decessit Romæ Episcopus Portuensis die 6. Decembris anno 1469. ex libro Diuis. Ciaccon ann.

1465.

ALANVS Episcopus Auenionensis se pro Cardinali ab Eugenio Quarto creato gerebat, ex quo idem Eugenius de eo in Cardinalem assumendo tractauerat in Consistorio secreto, eidemque scripserat, vt pro reuocanda pragmatica sanctione laboraret sub spe consequendi Cardinalatum; Quare Eugenius declarauit suæ intentionis non fuisse, vt illum in Cardinalem assumpserit, vt in Bulla die 30. Ianuarii 1446, postmodum vero idem Alanus creatus est Cardinalis à Nicolao V.

Scribit Ciacconius Cardinales Ioannem Casanouam, & Guillelmum Diuanum de Monte forti fuisse creatos à Martino V, & ab Eugenio publicatos, licet à Martino publicati fuerint, vt scripsi, sed ab eodem Cardinalatus insignia non recepisse. Quapropter quæsitum fuit, quomodo Eugenius potuerit publicare Cardinales, quos Martinus in pectore reseruauerat, cum reseruatio in pectore nil aliud sit, quàm  
men-



mentalis creatio, nulli, nisi Deo, nota quoad personam Reseruati in pectore in Cardinalem declarandi. Cui, ut morem gererem, respondebam Reservationes in pectore, quæ à Paulo Tertio adhuc usque tempora sunt in usu non redigi in scriptis, sed verbo tenus Pontificem declarare de consensu Sac. Collegii se Cardinalatus dignitatem deferre uni, vel pluribus, quos sibi reseruat in pectore alio tempore publicandos, ita ut Cardinales in secreto Consistorio præsentem ignorent omnino, qui sit creatus, & reseruatus in pectore, & Pontifex pro arbitrio possit declarare, qui nam sit ille, quem in pectore reseruauit. At reservationes huiusmodi tempore Martini V., & Successorum Pontificum in scripto redigantur, & pro earum vi, & validitate Bullæ, Breuia, aut decreta consistorialia emanabant, ac reservationem in pectore, nomina, & cognomina, immo & mores erant nota Cardinalibus, quorum vota in secreto Consistorio, ita exquirebantur, ut ipsis non consentientibus nullus ad dignitatem Cardinalatus assumeretur. Subiiciam exemplar reservationis in pectore sub Martino V. à Cardinalibus subscriptum, ut exinde Quæsitores intelligat potuisse ab Eugenio publicari Cardinales, quos Martinus creauerat, cum eorum nomina publicata in secreto Consistorio, & in scripta redacta ignorare non posset.

## RESERVATIO IN PECTORE.

Anno Domini 1426. Die Veneris nono Calendas Iunii Romæ in Palatio Sancti Petri, præsentibus omnibus Cardinalibus, qui erant in Cûria, excepto Cardinali Aquileiensi, qui tunc infirmabatur, ad quem fuerunt missi duo Cardinales, videlicet Placentinus, & de Comite pro eius voto sciendo, & ipsis consistorialiter congregatis in forma consueta, scrutinio præcedente secreto, publicè creauimus, assumpsimus, & pronunciauimus vltra Cardinales eadem die assumptos, & publicatos Dominicum Episcopum Illerdensem in Præsbyterum, Prosperum de Columna, Dominicum de Capranica electum Firmanum, Iulianum de Cæsarinis Auditorem Cameræ Diac. S. R. E. Cardinales, qui Illerdensis, & Firmans alias iuxta morem consuetum creati fuerunt, sed ex bonis causis tunc, & nunc vnà cum duobus aliis noluimus publicari, sed Dominico, Illerdeni reseruauimus locum suum, licet publicatus non sit.

Item volumus, statuimus; & ordinamus, quod si contingat nos mori ante publicationem dd. quatuor Cardinalium, habeantur statim pro publicatis solemniter, etiam quoad electionem Romani Pontificis, & ad omnia alia, etiam si Tituli ipsis quatuor assignati non essent.

Item volumus, statuimus, & de Apostolicæ potestatis plenitudine decreuimus, & mandamus omnibus, & singulis Cardinalibus sub pœna excommunicationis ipsa

ipso facto, & inhabilitationis vocis actiue scilicet, & passiuæ, quoad electionem Romani Pontificis, quod in casu scilicet mortis nostræ ante publicationem dd. quatuor Cardinalium, quod ipsi alii Cardinales teneantur, & debeant, immediatè scilicet infra diem naturalem, habita notitia mortis, publicare, prædicta, prædictosque Cardinales recipiant, & admittant in omnibus, ac si publicati, & admissi fuissent, sicut superius est expressum.

*Ita fuit A. Card. Episcopus Prenestinus Laudensis manu propria.*

*A. Cardinalis Bononiensis.*

*F. Episcopus Sabinus Card. Venetiarum.*

*A. Card. Aquileiensis.*

*G. Card. Senensis.*

*T. Card. Tricaricensis:*

*B. Card. Placentinus.*

*G. Card. S. Marci.*

*R. Card. de Brancaccijs.*

*A. Card. Sancti Eustachij.*

*L. Card. de Comite.*

## FELIX QVINTVS.

*Amodens Dux Sabaudie primus, ac militum in solitudine Ripallie degentium Decanus, & Auctor, die quinta Nouembris anno 1439. Basilea creatur Pseudopontifex votis viginti sex electorum ex triginta tribus, qui interfuerunt. Ex Cardinalibus solus adfuit Ludouicus Alamandus Archiepiscopus Arelatenfis ab Eugenio Quarto iam Cardinalatu prinatus, sed in Conciliabulo Basileensi habitus pro Cardinali. Ceteri triginta duo fuerunt selecti ex nationibus Italica, Germanica, Gallica, & Hispanica, octo scilicet ex qualibet natione.*

*Die Iouis 17. Decembris Amodens ab Oratoribus Conciliabuli missis, supplici precum instantia requisitus est, ut electioni de se factae vellet assentiri; At ille post multiplices seorsum cum grauibz personis consultationes ad laudem Dei flexis genibus electioni consensit, & humiliter acquieuit, restitutis prius Annatis, quas Patres Basileenses Eligendo Pontifici sustulerant, quapropter ab iisdem Oratoribus in Ecclesia sancti Mauritiij Ordinis Sancti Benedicti in solitudine Ripallie fuit (ut loquuntur) intronizatus.*

*Die 24. Iunij 1440. Basilicam ingressus est, ubi Die 24. Iulij ante valvas Ecclesie maioris in Platea, post consecrationem, coronatur; Cardinalis Arelatenfis munus Episcopi Ostiensis exercuit; Ludouicus autem de Palude Dominus de Varambone anticardinalis Presb; Tit.*

*S. S.*

*S. Susanna ab ipso Amodeo creatus primi Diaconi Officiū adimpleuit, capitique coronam imposuit.*

*Transactis annis nouem Lausana, ad quam Conciliabulum fuerat translatum, cessit Pontificatui anno 1449. die sepiima Aprilis, & à Synodo lausana die 25. fuit nominatus, & creatus Episcopus Sabinensis S. R. E. Cardinalis, Sedis Apostolica Legatus, Vicariusque perpetuus in ditione Ducis Sabaudie, & Principum Pedemontium, & Montis ferrati, ac Marchionum Salutarum, & in Comitatu, & Territorio Astensi, nec non in Prouincia Lugdunensi citra Sagonam, & in Augustensi, Lausanensi, Basileensi, Argentinensi, Constantiensi, & Sedunensi Ciuitatibus, ac Diæcesibus, decessit anno 1451. intra diem duodecimum post annum Iubilei ex Commentario Pij Secundi de Concilio Basileensi: electionem suam significauit Regi Alphonso, quem sibi auxilio futurum existimabat.*



ELIX electus seruus seruorum Dei carissimo filio Alphonso Regi Aragonum Illustri salutem, & Apostolicam benedictionem. Cognouit Vniuersus orbis quanto labore, quantaque sollicitudine vsque in hodiernum diem celebrata extitit sancta Synodus Basiliensis, quam omnes Reges Orthodoxi vniuersalem Ecclesiam representare confessi sunt, & oratores ad eandem transmiserunt, vt pro reformatione Ecclesiæ in capite, & in membris, quam admodum necessariam arbitrantur,

sa-

salute publica Christianæ Religionis, virtuose decerarent, In hoc ipsum concurrunt duorum prædecessorum nostrorum summorum Pontificum auctoritas, & totius Christianæ Religionis assensus. Et nos cum in minoribus essemus constituti Oratores nostros pariter cum ceteris Principibus orbis in eadem sancta Synodus habere curauimus, tantoque animo desiderauimus, ut illa sancta opera publicam salutem concernentia, in quæ adspirabat ipsius sanctæ Synodi desiderium, & in quorum prosecutione iam fere nouem annis cum multis laboribus, & anxietatibus occupata exitit felices progressus, & votiuam consumationem acciperent; Tandem vero diebus istis ad nos missi sunt per eandem sanctam Synodum Nuncii plurimi, & nouissime aduenerunt dilectus noster filius Ludouicus Tituli S. Cæcilie S. R. E. Cardinalis Arelatensis Legatus de Latere, & Venerabiles fratres nostri Episcopi septem, Abbates quatuor, alique in Theologia Magistri, ac vtriusque legis Doctores legati, & Oratores eiusdem sanctæ Synodi vsque ad numerum viginti, & duorum insignium Ecclesiasticorum Virorum, nec non Ioannes Comes de Dierstein Locum tenens Protectoris Imperialis ipsius sanctæ Synodi; Ludouicus de Lanfer Prouincialis per Elsatiam Ord. B. M. Theutonicorum, V Vilhelmus de Brunembergh miles, cum quibus erant Magistri Artium Ciuitatis Basileensis nouus, & antiquus alique ex parte eiusdem Ciuitatis ad nos destinati, qui necessitates Ecclesiæ diffusis sermonibus nobis exposuerunt recitantes labores magnos, tam diuturno tempore pro salute vniuersalis Ecclesiæ, & totius Christianæ Religio-

gio-

gionis impensos, necnon aduersitates plurimas in contrarium procuratas &c. Deinceps quoque vltiori expectatione quatuor mensium habita, eadem sancta Synodus considerans diuturnam vacationem Sedis Apostolicæ plenam esse periculis, & plurimis onustam dispendiis, ad vltius Pontificis electionem procedere decreuit, præmissis quampluribus solemnitatibus in hoc ipsum congruentibus, & aliis circa hoc necessariis, & opportunis, prout eandem sanctam Synodum Cardinalatus, Archiepiscopali, Episcopali, Abbatiali dignitatibus, variisque graduum, & scientiarum Titulis insignitis, & omni natione habita rerum diligenti, & matura discussione pro perquirenda salute Vniuersi orbis, factisque pluribus Scrutiniis per diuersos dies intra Conclauē, quod huiusmodi gratia more in talibus consuetudo subierant, Nos licet immeritos ad Summi Apostolatus apicem eiusdem sanctæ Synodi auctoritate vocarunt, & elegerunt, fuitque deinceps ipsa electio per eandem Synodum in suis deputationibus, ac generali Congregatione, ac sessione publica vnanimiter laudata, & approbata, atque etiam ex abundanti ratificata, & confirmata, super qua præfati Legati, & Oratores Nos multipliciter requisierunt, vt eandem electionem acceptaremus, & in ipsam nostrum præstaremus consensum; erat autem non parum graue nobis tantæ rei pondus assumere, qui iam à pluribus annis occupationes extrinsecas, & sollicitudines effugere decreueramus, solitariamque mansionem delegeramus ad quietem nostram grandioris ætatis, neque Nos vllatenus sufficere arbitrabamur in tantæ administrationis Vniuersæ



Ecclesiæ , curam ; gubernationemque gerendam ; allegarunt autem illi , quos Synodus transmiserat graue nobis fore peccatum , & non mediocrem diuinæ Maiestatis offensam , ex cuius largiflua bonitate multa gratiarum munera , multorumque bonorum copiam suscepimus , si vocationem hanc contemneremus , si Ecclesiæ in necessitatis tempore seruire recusaremus , cuius conculcabatur auctoritas , veritas , & Iustitiæ oppugnabantur , aut languoribus , & doloribus eius pro nostris viribus subuenire refugeremus , pro qua Christus Deus noster sanguinem suum preciosum fundere dignatus est , plurima quoque pericula vniuersæ Reipublicæ Christianorum imminere ferebant ex ipsa nostra recusatione , & pro necessitate orthodoxæ fidei ad euitationem schismatum , repressionem malorum imminuentium , promotionemque bonorum in gloriam Dei Creatoris , nostri Nos instantissimè orabant , & obsecrabant , & requirebant , quatenus Matri Ecclesiæ , ex qua spiritualiter nati sumus , nostra in afflictionibus suis non denegaremus obsequia , quibus plenè auditis , & intellectis leuauimus oculos nostros ad eum , qui habitat in Cælis , vt nostri miseretur , nobisque donaret facere voluntatem suam , tandem vero resistere non valuimus pietati Ecclesiæ Nos vocantis in opus ministerii huius , quin immo attendentes plurimas necessitates eiusdem Ecclesiæ corpus , & bona nostra pro salute , & honore ipsius offerre duximus , nec refugere sollicitudinem , & laborem , aut illius nostram præferre quietem , si bono communi Christianorum in aliquo auxiliari posse videbamus . Nec verò ad hoc capessendum



dum ministerium opes Ecclesiæ, quæ nullæ, vel pau-  
 cæ ex patrimonio, vel ex obuentionibus aderant Nos  
 impulerunt, nec mundana oblectatio, cum res plena  
 esset anxietatum, & laborum, satis quidem nobis ex  
 diuino munere rerum temporalium copia suppetebat,  
 & poteramus in tranquillitate grata reliquos vitæ dies  
 agere, verum non Nobis solis nati sumus, nec nostri  
 existimus; sed illius, qui nos redemit pretio magno,  
 cuius beneplacito obtemperare potius desiderantes,  
 quam nostræ voluntati consensum nostrum electioni  
 celebratæ per sanctam Synodum, prout fuimus re-  
 quisi, sub confidentia quoque superni auxilii, & di-  
 uinæ pietatis, gubernacula Sedis Apostolicæ suscepi-  
 mus, non parum sperantes tuam deuotionem in hoc  
 tantæ rei pondere nobis semper promptæ fore auxilia,  
 quæ pro ipsa auctoritate Conciliorum generalium mul-  
 tos labores impendit, atque sanctam ipsam Synodum  
 Basileensem in Spiritu Sancto legitimè congregatam, re-  
 præsentantem vniuersalem Ecclesiam assidue recogno-  
 uit, ut sic te, ac ceteris Principibus, atque Prælati-  
 bus adiuuantibus ministerium nobis iniunctum ad Sa-  
 lutem cunctorum exercere valeamus, quod vna cum  
 Zelo fidei Orthodoxæ, & bono communi Religionis  
 Christianæ, cui toto corde, & omni potestate à Do-  
 mino nobis concessa seruire intendimus singulariter  
 etiam pro tuendo Principum honore suscepimus in-  
 gloriam Diuinæ Maiestatis, quæ suam Ecclesiam vsque  
 ad consummationem sæculi seruire dignatur in terris.  
 Non mireris; quod Bulla exprimens nomen nostrum  
 non est appensa præsentibus; nam hi, qui fuerunt ha-

Genus electi in Romanos Pontifices, ante suæ consecrationis, & benedictionis solemnia in suis bullandis literis modum hunc observare consueverunt, Datum Tononii Gebennensis Diœcesis pridie Kal. Ianuarii suscepti à nobis Apostolatus Officii anno primo.

## CREATIONES ANTICARDINALIVM

Die 29. Ianuarij 1440. concessum est Felici à congregatis in Ciuitate Basileensi, ut priusquam Basileam veniret coronationis insignia recepturus, aliquos fama praclaros, ac scientia, seu magnæ nobilitatis generositate conspicuos iuxta exigentiam decreti sessionis XXIII. in S. R. E. Cardinales assumere, & publicare posset insignijs, & honoribus Cardinalatus, & emolumentis vsuros, fuit postea mense Septembris dispensatum, ut duos, vel tres, quamuis ex vna Diœcesi pro illa vice dumtaxat posset creare, ut ex actis Concilij.

Mense Aprilis anno 1440. apud Thononinm ante Coronationem creati sunt Anticardinales.

LVDÓVICVS DE PALVDE Comes, seu Dominus loci de Varambore, Lausanensis Episcopus, Præbiter Titulo S. Susannæ. Ciacconus in hac prima creatione retinet Ludouicum Episcopum Lausanensem; & in quarta creatione locat Ludouicum de Varambono, vti duos anticardinales, cum tamen vnus, idemque sit Cardinalis ex Bulla Nicolai V. ex Actis Concilij Basileensis, ex Commentario Pii II. de rebus

bus Basileæ, gestis stante, vel dissoluto concilio;  
creatus est iterum Cardinalis à Nicolao V. vbi  
Vide.

BARTHOLOMÆVS SCARAMVCCIA NOVARIENSIS Episcopus in familiam Vicecomitum adscitus, qui dignitatem Cardinalatus sibi à Felice delatam occulte, quidem suscepit, sed publicè se illam recusasse profitebatur, vt eam ab Eugenio Quarto consequeretur, vt in Actis Concilij. Pius Secundus affirmat illum in Romana Curia Florentiæ coram Eugenio dignitaci cessisse, quem audi loquentem in Commentario. Bartholomæus de Vicecomitibus, Episcopus Nouariensis Scaramucciæ frater iuuenis ad Episcopatum assumptus est, non sua tantum virtute, quam germani fauore. ~~Scaramuccia~~ namque, qui & Georgius dictus est, humili natus loco, puer admodum Gabrieli Vicecomiti seruiuit, quo apud Ianuam capite truncato ad Ioannem Vicecomitem Mediolani Ducem puer se contulit, cum eo quoque, dum is percuteretur fuit, eiusque occisioni interfuit, re-  
pertusque est lacrimans super cadauer, ac sic postea Philippo seruire cœpit melioribus auspicijs, à quo ditatus est, in tantumque dilectus, vt in numero quoque Vicecomitum reciperecur, & frater suus Bartholomæus Episcopus fieret, huic Episcopo ego quoque seruiui, dum is esset Basileæ, magnique nominis haberetur propter Ducem, & cum eo Mediolanum iui; & per Nouariam fideliter sibi tribus annis famulatus sum, postea cum in legatione ducali Florentiam missus secutus sum, sibi vir perditus



tus in malignitatem natus eum delusit, confingens se Eugenii inimicum &c. post narratam conspirationem de capiendo Eugenio Florentiæ subdit. Post inde paucos dies liberatus est Episcopus, Mediolanumque iuit cum D. Cardinale Sanctæ Crucis, qui non nihil negotii habebat cum Duce, ac ire Atrebatum ad tractandam pacem inter Regem Franciæ, & Ducem Burgundiæ debebat, quem ego secutus sum, & iussu eius iui in Scotiam, sed cum reuertissem, nolui esse apud Eugenium in Bononiâ, ne mihi imputaret facta Nouariensis; fui ergo Basileæ diu, interfuique omnibus, quæ acta sunt contra Eugenium, postea in secretarium acceptus sum à Felice nouo Papa creato, apud quem, dum Cardinales crearentur, operam dedi, quod is quoque Nouariensis fieret Cardinalis, idque factum est, sed postea (mutatis rebus) cum Felicem omnes relinquerent, nec eius Papatum amplecti vellent, ego ad Cæsarem Federicum me recepi, nec etiam volui statim de parte ad partem transire: Nouariensis vero Episcopus Cardinalatum renuntiavit non sine spe noui Cardinalatus ab Eugenio obtinendi, quæ spes adhuc eum tenet.

**VVALDRAMVS DE MORSA** Dominus de Baer, electus Traiectensis; hic recusauit dignitatem, scripsit tamen se venturum ad Concilium, cessit Ecclesiæ Traiectensi sub Nicolao V. Ciacconus vocat Urbanum. Ex Actis Concilii.

**ALPHONSVS DE CARILLO** Protonotarius Apostolicus: hic pariter recusauit dignitatem: Ex Actis Concilii  
tom. 2.

23

tom. 2. Cap. 16. , vbi legitur præfatos quatuor fuisse à Synodo approbatos .

Creatus est etiam à Felice Sbigneus Episcopus Cracouiensis , antequam Basileam ingrederetur , vt asserit Pius I I. in Commentario : hic licet fuisset creatus Cardinalis ab Eugenio IV. se tamen gessit pro Cardinali , vt creatus à Felice , cui per Nuntium gratias egit Basileæ die vltima Octobris 1441. , vt in Actis Concilii . Vide sub Eugenio .

## SECUNDA CREATIO .

*Die 12. Octobris anno 1440. Basileæ .*

ALEXANDER ZIAMOVITI MOSCOVIORVM Ducis filius , Patriarcha Aquileiensis , & Administrator Ecclesiæ Tridentinæ , Præsb. Tituli Sancti Laurentii in Damaso , abdicauit : hunc Nicolaus V. creauit , seu confirmauit in Episcopum Tridentinum sexto idus Nouembris 1448 .

OTHO DERTVSENSIS Episcopus Præbyter Sanctæ Pudentianæ : hic die 13. Aprilis anno 1445. coram Eugenio Quarto , & Cardinalibus cessit Cardinalatui . Ex Bulla Eugenii .

GEORGIUS HISPANVS VICEN. Episcopus Præsb. Tit. Sanctæ Anastasiæ , postea Sanctæ Mariæ Transiberim , priuatus est Cardinalatu ab Eugenio Quarto , qui etiam Episcopatum Vicensensem Iacobo de Cardo-

na

na concessit ex Bulla Eugenii die 22. Septembris  
1445.

FRANCISCVS GEBENNENSIS Episcopus, Præsb. Tit. Sancti Marcelli.

BERNARDVS, AQVENSIS Episcopus Præsb. Tit. SS. Nerei, & Achilei.

IOANNES, ARGENTINVS Episcopus, Præsb. Tit. Sancti Xisti.

IOANNES GRVNVALDER, Episcopus Frisingensis; notus Alberti Ducis Bauariæ, Præsb. Tit. Sancti Martini in Montibus, Viennæ 2. die Decembris decessit Episcopus.

IOANNES DE SEGOBIA HISPANVS, Archidiaconus de Villa Vizzosa in Ecclesia Metensi, Theologus Conciliabuli, Præsb. Tit. S. Callixti.

## P V B L I C A T I O .

Die 12. Nouembris anno 1440.

*Habitis litteris ex Francia, quod infra scripti essent accepturi dignitatem Cardinalatus Papa constitutus in medio Synodalis Congregationis, consultatione primo habita cum Cardinalibus, ex primo creatis per ipsum nominavit in Cardinales Præbyteros S. R. E. omnes absentes, ut legitur in Actis Concilij tom. 2. cap. lib. 16. cap. 36. hi sunt*

DIONYSIVS Patriarcha Antiochenus, Administrator Ecclesiæ Parisiensis.

AMO.

AMODEVS DE TALANI, Orator Regis Galliarum, Archiepiscopus Lugdunensis, obiit die 11. Februarii anno 1443.

PHILIPPVS DE COERQVIS, Turonensis Archiepiscopus.

NICOLAUS DE TODESCHIS, Archiepiscopus Panormitanus:

IOANNES DE MALESTROT, Nannetensis Episcopus, Tit. S. Honuphrii obiit apud Nantes die 14. Septembris 1443.

GERARDVS MARIETTVS CASTRENSIS Episcopus, Caroli Regis Franciæ Confessor: hunc Ciacconus vocat Ioannem, qui pariter fuit Regis Confessor.

## CREATIO.

*Die 6. Aprilis 1444. Gebennis, ut in Actis Concilij Ciacconus creationem refert ad annum 1443. creati sunt quinque Cardinales, quatuor Præsbyteri, & unus Diaconus ex quibus duos dumtaxat Felix publice nominavit, hi sunt*

IOANNES DE ARSIS GALLVS Archiepiscopus Tarantasiensis Præsbyter. Tit. Sancti Stephani in Coelio Monte, creatus postea, seu confirmatus à Nicolao V., vbi vide.

LYDOVICVS VISENSIS Episcopus Orator Regis Portugalliarum. Ciacconus in hac creatione recenset Ludovicum de Varambone, de quo superius locutus sum,

D &

& Vvilelmum Hugonum, & Vincentium, de quibus infra.

Reperiuntur in Actis Concilij Basileensis à Felice creati, seu nominati infraſcripti, ſed quo tempore, incertum.

**VVILLELMVS HVGONIS GALLVS** Archidiaconus Metenſis Iuris conſultus pro Concilio: hic primò recuſauit dignitatem; ex quo diceret ſe non habere redditus ſufficientes pro ea ſeruanda, ſed poſtea, obtentis beneficijs, dignitatem ſuſcepit cum Tit. Sancti Marcelli. Ciacconus illi attribuit Titul. Sanctæ Suſannæ: hic confirmatus eſt in Cardinalatu à Nicolao V. vbi vide.

**VINCENTIVS** Archiepiſcopus Gneznenſis; ſuſcepit hic dignitatem, cui poſtea ceſſit ſub Nicolao Quinto die 2. Oëtobris 1447. vt in Bulla Nicolai: obiit anno 1449.

**BARTHOLOMÆVS DE VITELLENSIBVS CORNETANVS** Præſb. Tit. Sancti Marci: hic Cardinalatum ſuſcepit, & interfuit Concilio Baſileenſi, Lauſariam translato contra Eugenium, vt in Bulla Concilij. Ciacconus affirmat eum recuſaſſe dignitatem.

**THOMAS DE CORCELLIS GALLVS** Canonicus Pariſienſis, Theologus pro Concilio, recuſauit dignitatem, ex quo redditus non haberet pro dignitate ſeruanda. Ciacconus non meminit.

**IOANNES DE RAGVSIO** ex Ordine Prædicatorum electus, vt diſputaret contra Boemos. Pius II. de Concilio Baſileenſi m. s. non meminit Ciacconus.

Quid actum ſit de Cardinalibus à Felice creatis excipite

ex



ex Pio II. in Commentarijs de Concilio Basileensi.  
 Inito pacis tractatu sic conuenit inter partes. Felix  
 Papatum resignet, Primusque Cardinalium esto, &  
 in suis dominiis legatus perpetuus; Ludouicus Car-  
 dinalis Arelatensis pristinam dignitatem habeto, &  
 Cathedram Pontificalem recuperato; Ludouicus de  
 Varambone; Hugo Merensis, Tarantasiisque in  
 Cardinalatu remaneant; cæteri, ut facultas esset,  
 promoueantur. Concilium, elapso Iubileo, ad an-  
 num in Regno Franciæ Nicolaus indicat, si Princi-  
 pes annuant cæteri &c. Sic finis schismati, modus-  
 que fuit, & Federici Cæsaris opera, & sapientia  
 Nicolai V.



## FELIX QUINTVS

Pontificatu se abdicat.



ELIX Episcopus seruus seruorum Dei.  
Ad perpetuam rei memoriam - Quas  
ob causas euocati, & emoti Curiam  
Apostolici Regiminis suscepimus, tori  
læpè numero manifestauimus Orbi.

Quamquam enim imparitatem nostrarum virium ad  
sustinendam huiusmodi oneris grauitatem sentiremus,  
nihilominus, vbi Vniuersalis Ecclesiæ Basileæ in Spi-  
ritu Sancto legitime congregatæ, pias exhortationes  
scilicet, & sanctas iussiones accepimus, quibus ad suc-  
currendum auctoritati Ecclesiæ suppressæ nimium in-  
stanter commouebamur, concaluit introrsus cor no-  
strum pietate, quæ ad omnia valet, & charitate, quæ  
omnia sustinet animum formidolosum congeminanti-  
bus, atque confidentes in illo, qui potest, & de cuius  
agebatur negotio, tranquillam solitudinem relinqui-  
mus, laboriosum, & immensum aggredientes opus,  
namque nihil immortalis Deo placentius offerre posse  
existimauius, quam conatus nostros in obsequium  
Ecclesiæ grandibus, & insuetis oppugnationibus con-  
turbatæ. Quid nempe condignum reddi potest ab ho-  
mine illi nostræ inclytæ matri, cuius in gremio fidelis  
quisque salutem consequitur, propter quam vnigeni-  
tus Dei Filius, & Dominus noster Iesus Christus de sinu  
Patris ad terras descendere, & Sanguinem proprium ef-

effundere dignatus est; Cumque ipsam videremus tantis perplexam anxietatibus, ut nullus mortalium ab exhibitione possibilis auxilii deberet excusari, profecto necessitate, deuotione suadente, spe denique in finem optimum ducendarum rerum freti personam, operas, facultatesque nostras ex integro deuouimus ei; aderat namque tempus, quo ab omnibus vehemens restingui debebat incendium &c. Proinde satagentes grauissimis, & ab horrendis periculis &c. obuiare, ac ostendere cunctis fidelibus rectitudinem nostræ, Deo inspirante, voluntatis, quod non caducorum, futiliumque bonorum, sed communis salutis causa, sedem Apostolicam teneremus non præesse, sed prodesse, cupientes, in sancta Synodo Basileensi personaliter comparere voluimus, subireque communes pro salute publica labores; Cumque in temporis processu loculenter exploratum foret dissensiones, & differentię materiam in Ecclesia sancta Dei magis, ac magis obdurari, dubitantes, ne à quouis hominum de scandalo notari possemus, oblationes multas, & pergrandes Regibus, & Principibus orbis destinare curauimus, ex quibus quidem animaduerrere potuerunt nos nostra propria non querere, sed quæ Iesu Christi, publicamque pacem, nec veri... à formis, modisque priscis à Patribus, dum schismata vigerent pro vnitatis, & pacis obtenta traditis, ac practicatis deuertere, liberari, apertoque animo semper acquieuimus omnibus, & singulis, quæ ad serenitatem, reintegrationemque Ecclesiæ iudicata fuerunt quomodolibet opportuna, atque longe seruentiore studio inuigilauius, per nostrarum cessionis, & renunciationis medium dis-

ser-

fertos, distantesque animos Christi fidelium cōnūre,  
 quam in Sede Petri manentes schisma diutius immora-  
 ri; non ignoramus enim schismatis incommoda mor-  
 tīfera; scimus è contra Christianam Religionem à pa-  
 cis auctore fundatam, sine pacis vinculo damnosæ con-  
 fusioni subiacere, cumque pax omnium rerum tran-  
 quillitas sit, & ea nihil gratius soleat audiri, nihil po-  
 stremò melius iuueniri, debito filialis adstringebamur  
 pietatis ipsi nostræ matri luctuosæ venustatem, incun-  
 ditatem, integritatem, vnionem, & pacem extrema  
 possibilitate procurare, quantumque pro huiusmodi  
 excelsi, & desideratissimi boni consequutione perseue-  
 ranter, & indefessè laborauerimus apud ipsos Reges, &  
 Princeps, cæterosque fideles ex nostris accuratissimis,  
 multiplicium quoque literarum tenoribus totus perco-  
 gnouit orbis, nunc igitur, vt semper constituti sub in-  
 effabili incompræhensibilique prouidentia Dei omnia  
 dirigentis, & disponentis, in melius post acerrimos,  
 continuoque labores, quos solius veritatis manifestan-  
 dæ, auctoritatisque sacrorum generalium Conciliorum  
 conseruandæ gratia voluimus amplecti: Post maximè  
 carissimorum in Christo filiorum Francorum, Angliæ,  
 & Sicilia Regum, necnon Delphini Viennensis primo-  
 geniti francorum Regis illustrium supplices, frequen-  
 tesque instantias, quorum saluberrimis suasionibus in-  
 tentas semper accomodauimus aures nostros omnes co-  
 gitatus per orbem dispersos in arcem vnicæ considera-  
 tionis reducimus desiderantes namque toto corde in  
 hoc dierum nostrorum residuo beatam pacem in Ec-  
 clesia Dei disseminari, quæ veluti à nostris egressa ma-  
 ni-

nibus in corda omnium fidelium dilabatur, sinceritatem nostræ intentionis per æuum testatura, exemplo Domini nostri Iesu Christi, qui sic dilexit Ecclesiam, ut pro ea non modo formam serui acciperet, sed traderet semet ipsum, sancta in hac Synodo Lausanenſi in Spiritu Sancto legitimè congregata vniuersalem Ecclesiam repræsentante purè, liberè, simpliciter, & sincerè, realiter, & cum effectu in nomine Patris, & Filij, & Spiritus Sancti Papatui, eiusque oneri, honori dignitati, titulo, & possessioni cedimus, & renunciamus per præſentes, sperantes, quod in futurum præſati, cæterique Reges, & Principes Prælati, & alij Catholici, quibus huiusmodi nostram renunciationem acceptissimam fore iudicamus auctori generalium Conciliorum assistent, eamque tuebuntur, & defendent, quodque vniuersalis Ecclesia, pro cuius dignitate, supereminentia, & auctoritate totis viribus pugnauimus, nos apud clementiam primi, & æterni Pastoris nostræ huiusmodi pacificè humilitatis contemplatu suis deuotis, iugibusque orationibus commendabit. Datum Lausani vij. Idus Aprilis anno à Natiuitate Domini 1449. Pontificatus nostri anno nono.

Io Marende.

## NICOLAVS QVINTVS.

*Thomas de Sarzana Episcopus Bononiensis Præsb. Card.  
 Tit. S. Susanne die Lune, sexta Martij anno 1447.  
 in Monasterio Beatae Mariæ supra Mineruam Romæ  
 creatur Summus Pontifex, eademque die ad Sanctum  
 Petrum perrexit. Die Dominica quarta quadragesimæ,  
 quæ fuit xix. Martij ad gradus Basilicæ Sancti Petri  
 coronatur, & inde albo vectus Equo, Rosam auream  
 deferens profectus est ad Basilicam Lateranensem, Car-  
 dinalibus Episcopis, Principibus, cæterisque Officialibus  
 solemnî ritu comitantibus, ut ex libris Sacri Collegij, &  
 Cameræ Apostolicæ. Die Lune 24. Martij anno 1454.  
 inter quintam, & sextam noctis horam migravit ad  
 Dominum. Ciacconus asserit Nicolaum Coronationis  
 insignia suscepisse tertio nonas Martij.*

Electio Nicolai ex Pio II. in Commentariolo de rebus  
 Basilicæ statutis, vel dissoluto Concilio  
 gestis: m. s.



**D**LACVIT omnibus apud Mineruam  
 in medio culturæ Urbis conclaue ha-  
 beri, sic enim minus est periculi;  
 quam si apud S. Petrum haberetur:  
 Populus in armis habitus est ad cus-  
 todiam conclauis, Aeneas, & Pro-  
 copius cum certis Regum, & Prin-  
 cipum oratoribus ad custodiam portæ Conclauis dele-  
 ctj

Et sunt : Cardinales postquam Conclauē intrauerunt, procedentes, vt moris est, ad electionem bifariam diuisi sunt. Erat enim factio Columnensis, & factio Vrsina; sed Columnensis validior erat, ideoque multi erant, qui Cardinalem de Columna eligebant virum probum, & nobilem, alij Dominicum de Capranica, alii Cardinalem Pampilonensem nominabant, atque in his tribus erat vocum multitudo: superabat tamen omnes Prosper de Columna, nullus autem iuxta Canonicas sanctiones duas partes vocum habebat; Cardinales Veneti, & Vrsinorum factio adirata erat contra Columnam; sperabatque octo Cardinales esse; qui numquam permetteret Columnam obtinere, cumque secundo Scrutinio inuentum esset, nullum voces habere sufficientes, sed Prosperum superare omnes, (decem enim Cardinales eum nominabant;) antequam . . . dissolueretur Quid (inquit Ioannes Morinensis) cum periculo tempus terimus? damnosa est nimis mora nostra, aduersarium habemus Amodeum, qui non dormit, & hoc tempus vacationis sibi aptissimum arbitrat. Regem Aragonum cum exercitu vicinum habemus nec quid moliat, scimus; Populus in armis est, tota Ciuitas trepidat, agite, finem rei imponamus. Prosperum, vt videtis, maior pars vocat, quin acceditis atque hunc Pontificem accipite, & quem nam potestis habere meliorem? Ciuis Romanus est nobilissimus, Martini quoniam Papæ nepos, qui Ecclesiam feliciter gubernauit, nolite timere quin sub hoc consultum sit optime Ecclesiæ; nunquid mansuetudinem vultis? quis eo benignior est? quis moribus facilior? Angeli vi-

E tam



tam in humano corpore videtis, nulla iactantia hic est,  
 nulla elatio; perliberalis est, & ocularis, omnes hunc  
 diligunt, nullum hic vnquam offendit, literæ in eo  
 sunt, omnes hic partes habet; quas Pontificis dignitas  
 requirit, ne, quæso, sistite ampliùs, periculosa est om-  
 nis mora, clausi sumus, & quid intrà Urbem agatur,  
 ignoramus. Mouerunt hæc verba Bononiensem, sur-  
 gebatque, vt qui vocem dare Columnensi vellet, tunc  
 Ioannes Tarentinus territus admodum, mane (inquit)  
 Bononiensis paulisper, nihil est in rebus humanis ma-  
 ius electione Papæ, festinatio cæca est, & inimica con-  
 silij; ponderate quid agatis, nolite præcipitè agere,  
 scitis huius Urbis diuisiones, partitæ discordijs, no-  
 lite reclusos gladios eximere, & sopitam diuisionem,  
 excitare: eligamus Papam, suo more, fiat suo tempo-  
 re vnum Scrutinium, quid est? nunquid diem crasti-  
 nam non possumus expectare? Tunc Ludouicus Aquil-  
 leiensis, Quid tu differs in Papatu tantum, quin po-  
 tiùs dicis, quem velis Papam: At ille, dicam, inquit,  
 hunc ego Bononiensem velim, & pacem sub eo spera-  
 rem, qui doctissimus est, & absque parte bonorum,  
 sanctorumque morum. Et ego, inquit Ludouicus,  
 & ego Morinensis, & successiuè omnes, eum elege-  
 runt, factusque est ex inspirato, sed de communi om-  
 nium voluntate Pontifex, ruptisque Conclauis repagu-  
 lis emissus, & acclamatus est Pontifex, vestitus Pontifi-  
 calibus, & intronizatus, omnesque ad osculum eius  
 admissi, vocatusque Nicolaus V., quod nomen accepit  
 ob memoriam Cardinalis Sanctæ Crucis, qui sibi dilec-  
 tissimus Dominus fuerat.



# PRIMA CREATIO.<sup>35</sup>

*Die Veneris 16. Februarij 1448. in quatuor temporibus anno Primo, ut in Bulla Nicolai, & libro Divisionum Ciaccon. refert creationem ad diem xxi. Martij anno secundo.*

ANTONIUS CORDANUS Archiepiscopus Messanensis Præsb. Cardinalis Tit. Sancti Chrysogoni, deinde Episcopus Illerdensis, & Administrator Ecclesiæ Iuuenacensis, legatus de latere pro componenda pace inter Alphonsum Regem Aragonum, & Florentinos: die 12. Septembris 1459. Romæ decessit. Ciaccon. refert obitum ad annum 1458.

# SECUNDA CREATIO.

*Die Veneris xx. Decembris anno 1448., ut in libris Pronuisionum, & Divisionum sacri Collegij, creati sunt Cardinales Romæ apud Sanctum Petram. Ciacconus refert creationem ad 1449.*

ASTORGIUS AGNENSIS Archiepiscopus Beneuentanus Præsb. Tit. S. Eusebij, decessit Romæ 1451. diex. Octobris.

LATINUS DE VRSINIS ab Eugenio IV. creatus, Episcopus Compsanus, deinde Archiepiscopus Tranensis, & Præbyt. Tit. SS. Ioannis, & Pauli, Archi-

E 2

præf-

præsbyter Ecclesiæ Lateranensis , Commendatarius Ecclesiæ Vrbinateſis , legatus in Marchia Anconitana , & Maſſa Trabaria , & Præſidatu Farſenſi , ac in Regno Siciliæ ad coronandum Ferdinandum Siciliæ Regem , deinde Episcopus Albanus , deceſſit Episcopus Tuſculanus S. R. E. Camerarius Romæ die xi. Auguſti anno 1477.

ALANVS COETIVVS GALLVS Episcopus Auenionenſis Præſb. Tit. Sanctæ Praxedis , poſtea Commendator Ecclesiæ ſanctorum Coſmæ , & Damiani ; Adminiſtrator Ecclesiæ Nemaufenſis , legatus in Regno Galliarum vſque ad Rhenum incluſiue pro colligenda decima contra Turcas , contra quos Cruciatam indixerat , & deinde ſub Pio II. legatus in Britannia , Sabaudia , & Delphinatu , ac Episcopus Præneſtinus , obiit Episcopus Sabinus Romæ die 3. Maij anno 1474. ex libro communium ſeruitiorum . Ciacconus aſſerit obiſſe die 22. Iulij . Hic quia aſfirmabat ſe in Cardinalem ab Eugenio Quarto fuiſſe receptum , idem Eugenius declarauit ſe eum in Cardinalem non elegiſſe . Vide ſub Eugenio .

IOANNES REOLINVS GALLVS Episcopus Aeduenſis Præſb. Tit. S. Stephani in Coelio Monte . Obijt in Gallijs die 22. Iunij anno 1483.

PHILIPPVS CALANDRINVS Frater Papæ , Episcopus Bononienſis Præſb. Tit. Sanctæ Suſannæ , poſtmodum Tit. S. Laurentij in Lucina , & Episcopus Albanus , & demum Portuenſis . In Marchia Anconitana , & Maſſa Trabaria , & præſidatu Farſenſi legatus : obiit Balneoregij die 22. Iulij anno 1476,

NICOLAVS DE CVSA Archidiaconus Brabantiae in Ecclesia Leodiensi Præsb. Sancti Petri ad Vincula, legatus in Germania pro morum correctione, item pro ineunda pace inter Theodoricum Archiepiscopum Coloniensem, & Ducem Cliuensem. Item in Bohemia pro reductione Boemorum. Item in Germania. Item ad Dietam in Oppido Viennensi pro submouendis dissensionibus occasione tutelæ Ladislai Regis inter Principes Regni Hungariæ, & Bohemiæ, & Federicum Imperatorem. Item ad hoc, ut nobiles Prusiæ, & fratres Hospitalis B. Mariæ Theutonicorum inducat ad pacem. Item pro pace procuranda inter Regem Franciæ, & Angliæ. Rursus ad Regnum Angliæ pro quærendis auxiliis contra Turcas: obiit Tuderti die XII. Augusti anno 1464.

## TERTIA CREATIO.

AMODEVS cessit Pontificatui die 7. Aprilis 1449., eademque die habitus est pro Cardinali ex literis Nicolai Quinti, qui præfatum Amodeum constituit Sedis Apostolicæ legatum, & Vicarium perpetuum in Prouincia, Ciuitatibus, Diocæsis, atque dominiis Duci Sabaudiae mediata, vel immediata subiectis, necnon in Terris Bernentium, quæ in Diocæsi Lausanensi consistunt, hoc addito, ut, si ultra tres dies extra legationis fines moram traxisset, legatio ex-

expiraret, vt in Bulla Data Fabriani anno Incarnationis Dominicæ 1449. quarto Calendas Septembris.

## QVARTA CREATIO.

*Die Veneris 19. Decembris creati sunt, & die sequenti publicati sunt anno 1449. S. R. E. Cardinales: ex Bulla Nicolai V.*


IOANNES DE ARSIIS Archiepiscopus Tarantasiensis à Felice Quinto olim creatus cum Titulo Sancti Stephani in Coelio Monte, Præsbyter Tituli Sanctorum Nerei, & Achillei, decessit die 12. Decembris 1453.

LVDOVICVS DE PALUDE COMES, seu Dominus de Varambone Episcopus Maurensis à Felice Quinto olim creatus cum Titulo Sanctæ Susanne, Præsbyter Tituli S. Anastasiæ, obiit Romæ 21. Decembris 1451.

VILLELMVS HVGONIS è Stagno Virdunensis, Archidiaconus Metensis à Felice V. creatus cum Titulo Sancti Marcelli Præsbyter Tit. Sanctæ Sabinæ Episcopus Sedunensis, cui cessit, & Administrator Ecclesiæ Foroliuensis in Prouincia Aquensi, obiit Romæ die 28. Octobris anno 1455.

Hi tres anticardinales à Felice Quinto creati, creati sunt etiam S. R. E. Cardinales à Nicolao V. ex concordia inter Felicem Quintum, & eundem Nicolaum

laum inira studio S. R. E. Cardinalium , & Ludouicus Cardinalis Arelatenſis à Martino V. creatus , reſtitutus eſt ad Cardinalatus dignitatem , qua fuerat ab Eugenio deiectus , eademque de cauſa factum eſt , vt Patres Concilii Baſileenſis Nicolaum V. pro vero Pontifice agnouerint , illique debitam obedientiam præſtiterint , vt ex literis , quæ ſubiiciuntur.



Sacrosancta generalis Synodus Lausanensis in Spiritu  
 Sancto legitime congregata Vniuersalem  
 Ecclesiam representans.



**A**D perpetuam rei memoriam. Multis ab annis circumspectantes Ecclesiam Catholicam grauissimis impedimentis, & conturbationibus infestari, tum consurgentibus erroribus, tum moribus deprauatis, tum, prohi, dolor, inualecente schismate, quo mentes Christi fidelium paruo momento huc, & illuc impulsæ nutantes, incertèque vagabantur, accuratissimis studiis inuigilauimus pro imminentibus periculis, grassantibusque malis in virtute Sancti Spiritus obuiare, & pro nostra possibilitate consulere publicæ saluti in idem tempus deueneramus, permittente Deo, quo non modo perniciosa erroris alicuius audacia, vel promulganda disciplina virtutum, vel inter dissidentes Principes, Populosque firmanda concordia videretur, verum operæ pretium fuit auctoritatem Ecclesiæ vniuersalis insolentiùs oppugnatam viribus accumularis, & extremis defensare, atque tanto fortius incumbere continuò, gloriosoque certamini, quanto ex tanta ostensa, suppressaque virtute iudicauimus populum Christianum in scandalum irreparabile collapsurum, nobis ipsis persuadentibus, nullo vnquam conuenientiore, fructuosioreque labore derineri posse, quam tanta in tempestate fluctuanti Ecclesiæ mitigatis fluctibus turbulentis succurrendo anchoram firmam  
 vnus

vnus veritatis, vnus Confessionis, vnus pacis in Domino iacentes, vt, quemadmodum vna fides est, vnum Baptisma, vnus Deus, & Dominus noster Iesus Christus, ita vnanimitatem, integritatem, & pacem vna sancta Catholica confiteretur Ecclesia, in hacque sua peregrinatione terrena, cuius finis est tranquilla æternitas, & æterna tranquillitas, persuaui serenitate frueretur, saluti cunctarum animarum, ac commoda. Is sanè finis à nostrorum laborum initio ante oculos versabatur, hoc nostrum perseveranter continuauimus propositum, ad id ipsum nostri semper effervere cogitatus, & actiones omnes vsquequaque direximus, prout ex decretis, responsionibus, epistolis, legationibus, mandatis, patientia, longanimitateque nostris nulli Christianæ nationi arbitramur incognitum, quantisque fuerit cum tunc sanctissimo Domino Felice Papa V. noster ad pacem affectus, quantisque congratulationibus oblata media vnionis, non solum suscepimus, verum etiam declarauerimus necessariam esse pacem, auctoritate tamen Ecclesiæ iuxta diffinitionem sacri Constantiensis Concilii illibata permanente, maxime percensuerunt carissimorum Ecclesiæ filiorum Francorum, Angliæ, & Siciliæ Regum, necnon Delphini Viennensis primogeniti Francorum Regis illustrium, complurimis in diebus solemnes Oratores; sed & nouissimè diebus istis sanctissimi Domini tunc Felicis Papæ V. præclaram, ingentemque sanctimoniam iidem ipsi perceperunt, dum pro Ecclesiæ Vniuersalis integra pacificatione, quieteque finali obtinenda, purè, libere, simpliciter, & sincerè, realiter, & cum effectu cessit,

& renunciauit Papatui, volens exemplo Domini nostri Iesu Christi, cuius vices gerebat in Terris, semet ipsum deiicere, vt Ecclesiam in summo tranquillitatis culmine collocaret, atque suæ humilitatis admirabili remedio Populum Christianum serenaret claritate pacis, insignis vtique pietate vir laudibus altissimis extollendus, cuius inclyta virtus, nec obliuione eorum, qui nunc sunt, neque reticentia futurorum poterit sepeliri, sed etiam excellentissimum è cælo dimissum munus suscipiendum, cum omni promptitudine, & alacritate animorum, propter quod in sempiternum agenda sunt, habendæque gratiæ clementissimo Domino Deo nostro, qui Ecclesiam suam sanctam tantam nostris temporibus felicitate donauit, vt, exterminata caligine, beata pax oriens ex alto corda omnium fidelium illustrando lætificet, sursum propterea nostræ mentis oculos pia deuotione subleuantes, attentaque meditatione pensantes, sapientiam illam æternam pertingentem à fine vsque ad fines, & disponentem omnia suauiter apertissimam viam ad abundantiam, plenitudinemque tranquillæ vnionis ostendisse boni quidem supereminentis, & incorporabilis, quod longa expectatione cupiuimus, nihil iam profecto nobis agendum superesse arbitramur, quam vt cum recta voluntate præfati D. Felicis concurrentes pacem ipsam desideratissimam, pro qua omne nostris temporis curriculum elaboratum est, in vna tandem animorum, atque Principatus consensione complectamur; fuit namque pax semper nostræ intentionis vnicus finis, & terminus nostræ sollicitudinis requies, & amenitas pacis existit, nostri porro

cer-



certaminis pacem esse præpotentem ; & opulentam  
 Victoriæ esse profiteamur , desiderantes itaque de  
 vñico Pastore vñi sanctæ Catholicæ , & Apostolicæ Ec-  
 clesiæ providere , cuius sollicito , sanctoque ministerio  
 populus Christianus feliciter gubernari , atque pacifi-  
 cis , & salutiferis semper adaugeri valeat incrementis ,  
 complurimis suadentibus , & vrgentibus causis , & præ-  
 fertim dilectione dandæ vñionis , & pacis in Ecclesia  
 sancta Dei in personam dilectissimi Ecclesiæ filii Tho-  
 mæ in sua obedientia Nicolai V. nominati nostra vota  
 contulimus , sperantes ipsum ea facturum , quæ Sum-  
 mus Pontifex facere tenebatur : Ad laudem Dei omni-  
 potentis salutem , pacem , & consolationem omnium  
 Christi fidelium , sancta hæc Synodus in Spiritu Sancto  
 legitimè congregata vniuersalem Ecclesiam repræsen-  
 tans , matura , vñanimi , concordique deliberatione ,  
 præhabitis in suis sacris deputationibus , votis dilectissi-  
 morum Ecclesiæ filiorum Ludouici Tit. Sanctæ Cecilie  
 Arelatensis , Ludouici Tit. Sanctæ Susannæ de Vvaram-  
 bone , Georgii Tit. S. Mariæ in Transtiberim Vicensis  
 vulgariter nuncupatorum , Ioannis Tituli Sancti Cal-  
 lixi , Ioannis Tit. S. Stephani in Cœlio Monte de Arsiis ,  
 Bartholomæi Tit. S. Marci Cornetani vulgariter nun-  
 cupatorum , & Guillelmi Tit. Sancti Marcelli S. R. E.  
 Præbyterorum Cardinalium , ac Venerabilium , nec-  
 non dilectorum Ecclesiæ filiorum Archiepiscoporum ,  
 Electorum , Abbatum , diuini , & humani iuris Magi-  
 strorum , & Doctorum , ac omnium , & singulorum  
 eidem S. Synodo incorporatorum præfatum dilectissi-  
 mum Ecclesiæ filium Thomam in Summum elegit .

Pontificem nomine, quo nunc appellatur, Nicolaum V. appellandum, utque pro Summo Pontifice habeatur præsentis decreti tenore ex certa scientia statuit, & ordinat, & decernit iuribus, decretis, & ordinationibus etiam sacri Basileensis Concilii quibuscumque non obstantibus, quibus, quoad huiusmodi actus celebrationem volumus esse derogatum, suppletes, omnes, & singulos defectus, si qui forsitan interuenerint in præmissis, etiam si tales forent, de quibus deberet præsentibus fieri mentio specialis, mandat propterea, iubet, atque præcipit hæc sancta Synodus omnibus, & singulis Catholicis, quatenus eidem, tanquam vnico vero, & indubitato Summo Pontifici obediant, pareant, & intendant. Datum Lansanæ in sessione nostra publica in maiori Ecclesia Lansanensi solemniter celebrata x i i i . Kal. Maii anno à Natiuitate Domini 1449.

P. Hemon.



# CALLIXTVS III.<sup>45</sup>

*Alphonſus Borgia Præſb. Card. Tit. Sanctorum Quatuor Coronatorum die Martis Octaua Marij circa horam XV. anno 1454. in Palatio apud Sanctum Petrum Summus Pontifex renunciatur. Die 20. eiusdem menſis ad gradus Sancti Petri coronatur. Die Dominico 6. Auguſti hora 23. anno 1458. migravit ad Dominum.*

## CREATIONES S. R. E. CARDINALIVM

*Die 20. Februarij anno 1456. Pontificatus ſecundo Romæ apud S. Petrum creauit tres Cardinales, quos non publicauit, ſed reſeruaui in pectore, eique Titulos attribuit, prout ex Bullis eiusdem Pontificis, quibus ſe Cardinales, qui præſentes aderant in Conſiſtorio ſubſcripſerunt, & die Veneris 17. Septembris anno 1456. apud Sanctam Mariam Maiorem publicauit. Ciaccornus recenſet hos Cardinales uti creatos die 18. Septembris 1456. hi ſunt.*

IOANNES LVDOVICVS MILANVS Nepos Pontificis ex ſore, electus Segobiensis, & B. Mariæ de Albariazino Eccleſiarum inuicem vnitarum Præſb. Tit. Sanctorum quatuor Coronatorum, deinde Episcopus Illerdenſis, legatus Bononiæ, & Commiſſarius, vt diſcordias in Principatu Catalonia, & Comitatu Barchinonenſi inter Ioannem Regem Aragonum, &

& Communicates illarum partium ; obiit, Iulio Secundo Pontifice . Ciacconus refert obitum ad diem decimum Septembris anno 1507. at ipse viuebat die prima Nouembris eodem anno 1507. teste Paride de Grassis in Diario ; qui etiam die 22. Decembris anno 1508. , dum recenset Cardinales , qui sub Iulio II. vsque ad eam diem obierant, Ludouici non meminit .

IACOBVS DE PORTVGALLIA electus Vlisibonensis Diaconus Sancti Eustachij, vt in Bulla eiusdem Pontificis . Ciacconus vocat Diaconum Sanctæ Mariæ in Porticu : fuit Commendator Ecclesiæ Paphensis , decessit Florentiæ die 27. Augusti anno 1459. , vt in libro Participationum . Ciacconius die 16. Aprilis 1419 Impressoris errore .

RODERICVS LENZOLIVS DE BORGIA Nepos ex Sorore Pontificis, Sacrista in Ecclesia Valentina, Diaconus S. Nicolai in Carcere Tulliano, Commendator Ecclesiæ B. Mariæ in Via lata . Episcopus, & deindè Archiepiscopus Ecclesiæ Valentiniæ, Commendator Ecclesiæ Cathaginensis, ac Maioricensis, Episcopus Albanus, deindè Portuensis, legatus in Marchia Anconitana . Item ad Regna Hispaniarum ad Henricum Regem Castellæ, & Legionis ad Alphonsum Regem Portugalliæ, quibus nomine Sixti IV. , & Sacri Collegij Cardinalium pollicitus est, quod Sixtus duos promouebit ad Cardinalatus apicem ad præces Henrici, & vnum ad præces Alphonsi . Item legatus ad Ferdinandum Regem Siciliæ ad interfesendum Solemnitatibus matrimonij inter Regem Fer-

Ferdinandum, & Ioannam Ioannis Regis Aragoniæ  
filiam, & ad benedicendam ipsam Ioannam, eius-  
que capiti imponendam coronam; quam idem  
Sixtus consecrauerat, Dux, & Commissarius exerci-  
tus Sedis Apostolicæ sub Callixto, ac S. R. E. Vice-  
cancellarius, & demum Alexander Sextus.

## SECUNDA CREATIO.

*Die Veneris 18. Decembris anno 1456. ex Bulla eiusdem  
Pontificis. Ciacconius die 17. Romæ apud  
S. Petrum.*

RAINALDVS PISCITELLVS Archiepiscopus Neapolitanus  
Præsb. Tit. Sanctæ Cæciliæ, decessit die prima Iulij  
anno 1457. Ex libro Participat. Ciaccon. 3. Idus Iu-  
lij anno 1458.

IOANNES DE MELA Rotæ Auditor à Martino V. crea-  
tus anno 1423., Episcopus Zamorensis Præsb. Tit.  
S. Priscæ, postea Episcopus Seguntinus, obiit Præsb.  
Tit. S. Laurentij. in Damaso die 13. Decembris no-  
cte antecedenti 1467.

IOANNES CASTELLIO MEDIOLANENSIS Episcopus Pa-  
piensis Præsb. Tit. Sancti Clementis, Legatus in  
Marchia Anconitana, ac in Germania obiit die 14.  
Aprilis 1460.

AENEAS DE PICCOLOMINIBVS SENENSIS Episcopus Præf-  
byr. Tit. Sanctæ Sabinæ, vt in Bulla eiusdem Ponti-  
ficis. Ex libro diuisionum, postea Pius Secundus.  
Ciac-

Ciacconius credidit creatum Diaconum S Eustachii, quam tamen Diaconiam duobus mensibus antè obtinuerat Iacobus de Portugallia, & hoc eodem tempore obtinebat.

IACOBVS THEBALDVS MONTISFERETRI Episcopus Præsb. sanctæ Anastasiæ; deindè Archiepiscopus Neapolitanus, obiit die 3. Septembris 1466.

RICCARDVS OLIVERIVS DE AVGIO Constantiensis Episcopus Præsb. Tit. S. Eusebii die 15. Martii 1462. in publico Consistorio receptus, Legatus Perusii, & Ducatus Spoletrani, Tuderti, & Ciuitatis Castellæ, obiit Episcopus Portuensis die 19. Augusti 1470.



# PIVS SECVNDVS.<sup>49</sup>

*Aeneas Silvius Piccolomineus Præsb. Card. Tit. Sanctæ Sabinae die Sabbati 19. Augusti anno 1458. Romæ apud S. Petrum Summus Pontifex renuntiatur: die 3. Septembris sequentis in gradibus Basilicæ Vaticanæ coronatur. Die 14. Augusti hora noctis tertia anno 1464. in Ciuitate Anconitana migravit ad Dominum.*

## CREATIONES CARDINALIVM

*Die Mercurij 5. Martij anno 1460. in quatuor temporibus in Palatio Episcopali Senis post habitum Cardinalium assensum, ea lege adiecta, ut unus nepos esset, creati sunt, ac publicati præter morem eadem die.*

ANGELVS CAPRANICA ROMANVS Episcopus Reatinus Præsb. Tit. Sanctæ Crucis in Hierusalem, postea Episcopus Prænестinus, cum retentione denominationis, seu Tit. Sanctæ Crucis, Legatus Bononiæ, Exarchatus Rauennæ, ac Prouinciæ Romandiolæ cum facultate prædicandi Cruciatam contra Turcas, decessit Romæ die 3. Iulij 1478.

BERARDVS HERVLVS NARNIENSIS ex Rotæ Auditore, Episcopus Spoletanus, Præsb. Tit. Sanctæ Sabinæ, postea Episcopus Sabinus, ac Perusij legatus, obiit Romæ die 3. Aprilis anno 1479.

NICOLAVS FORTIGVERRA PISTORIENSIS, Theanensis Episcopus Præsb. Tit. Sanctæ Cæcilie, Commissarius

rius Generalis pro Sede Apostolica contra Sigismundum Pandulphum Arimini Vicarium , ac in omnibus exercitiis pro Romana Ecclesia militantibus, etiam Francisci Sfortiæ Ducis Mediolani , & Federici Comitis Montisferetri; legatus in Regno Siciliae , Marchia Anconitana , & Romandiola , legatus in Classe trafuehenda è Ciuitate Pisana in Anconitanam , decessit Viterbij die 21. Decembris 1473.

BYRCKARDVS A VVEISPRIACH GERMANVS Archiepiscopus Salisburgensis reseruatus in pectore , & die 31. Maij anno 1462. in Arce Viterbij publicatus Præsb. Tit. Sanctorum Nerei , & Achillei , obiit Salisburgi die 16. Februarii anno 1466.

ALEXANDER OLIVA DE SAXOFERRATO Generalis Ordinis Sancti Augustini Præsb. Tit. Sanctæ Susannæ , Episcopus Ecclesiæ Camerinenfis , Piceni legatus , obiit Tibure 21. Augusti 1463. ex lib. Diuision.

FRANCISCVS PICCOLOMINEVS PROTONOTARIVS nepos ex sorore , Administrator Ecclesiæ Senensis , Diaconus S. Eustachii ad Pantheon , legatus in Marchia Anconitana, Massa Trabaria , & Præsidatu Farsensi , legatus ad Carolum Octauum venientem in Italiam , à quo non fuit receptus , legatus in Germaniam , ac in Vrbe , dum Pius Anconam proficisceretur ; demùm Pius Tertius .

De his Cardinalibus loquutus est Pius ad Sacrum Collegium in publico Consistorio antequàm pileum rubrum traderet , vt scribitur lib. 4. Commentariorum , sed quia Oratio Pij non refertur ; ideò eam accipere ex altero eiusdem Pij manuscripto .

PIVS



51.

PIVS SECVNDVS  
Ad Cardinales in Concistorio pu-  
blico de Cardinalibus noui-  
ter promotis .



VAMVIS non dubitamus, Vene-  
rabiles in Christo fratres, ac dilecti  
filii, notissimas Vobis etiam per-  
sonas eorum, quos feria quarta pro-  
ximè decursa in S. R. E. Cardinales  
assumpsimus, pro veteri tamen  
consuetudine de meritis ipsorum  
pauca dicemus. Quinque viri sunt, quos & Nos, &  
Sacrum Collegium fratrum nostrorum ad Cardinalatus  
honorem hoc tempore duximus assumendos. Primus  
est Angelus Reatinus Episcopus, verè Angelus, & vita, &  
morum honestate conspicuus: huic frater fuit Domini-  
cus Tit. Sanctæ Crucis in Hierusalem quondam magni  
nominis Cardinalis, non minor hic germano: & multa  
eius extant, quæ possumus commemorare: Vita om-  
nis sua mundissima. Præfuit Ecclesiæ sibi commissæ,  
non sine magna subditorum utilitate; prædicauit Euan-  
gelium multis annis plebi suæ, correxit mores, refor-  
mauit quæcumque inuenit malè disposita. In legatio-  
nibus, quas sedes sibi Apostolica mandauit, diligentis-  
simus, & fidelissimus exitit. Et nunc Bononiæ cum  
maxima Ciuum gratia, legationis munus exercet. Be-

rardus Episcopus Spoletanus apud Narniam non ignobili loco natus, qui cum per schoias Italiæ, Cathedras magna cum Auditorum dilectione, atque utilitate rexisset, tandemque Romanam Curiam accessisset, à Nicolao prædecessore nostro, qui eius doctrinæ culmen admirabatur in Palatium receptus, Referendarjatus officium accepit, in quo ità se gessit, vt omnia sibi crederet. Nam verbum eius, verbum veritatis fuit. Et iam tum dignus Cardinalatu iudicatus fuit. Apud Calixtum quidem carissimus fuit, nec ad promotionem eius aliud obstitit, quàm inuidia paucorum. In nostra verò familia receptus, ob famæ singularis odorem, & nostram gratiam, & aulicorum omnium beneuolentiam meruit, primusque semper apud nos habitus est, cum & prudentiam eius, & fidem, & doctrinam, & admiraremur; & diligeremus. Tertius est Nicolaus electus Theanensis vtroque iure consultus, qui sub Eugenio Pontifice Viterbium, ac Prouinciã Patrimonij pro gubernatione aliquandiũ summa cum laude administravit. Fuit hic cum ageremus in Cardinalatu, Curjæ nostræ Magister, domumque nostram, & prouidè, & pacificè rexit, in Apostolicatu verò nostro Thesaurarius exercuit officium, quod fidem, & dexteritatem ingenij maximam requirit, neque audiuius aliquandò alium fuisse Thesaurarium, qui eius, vel bonitatem, vel circumspeditionem superauerit: Misimus cum ad Reges, & Principes, nihil ei commisimus, quod non prudenter absoluerit. Quartus est Alexander Ordinis Augustinensium Magister Generalis summus Theologiæ Sapientiæ Doctor, atque interpret, qui annos

nos duos, & quadraginta in Religione versatus, eximius  
 cultor, & paupertatis, & humilitatis exitit. Huic Pa-  
 tria est Saxum ferratum. Parentes eius quinquennem, aut  
 paulò maiorem Deo dicauerunt. Cum in fontem cadens  
 mortuo similis extraheretur, locus, in quo primò re-  
 ceptus est Beatæ Mariæ professionem emisit, & reuolu-  
 tis annis eadem festiuitate, & Missam primam celebra-  
 uit, & Magisterium Theologiæ adeptus est, & in Ci-  
 uitate Beatæ Mariæ ad Cardinalatum per Nos assumptus  
 est. Vir omni ex parte perfectus vocatus à Deo, tan-  
 quàm Aaron, nescius, nil petens, & dignitates pror-  
 sus effugiens, receptus est in Consilium nostrum: tra-  
 xit Nos odor boni nominis, & vita exemplarissima.  
 Nam etsi animus eius honorem quemuis horreret, Vir-  
 tutes tamen eius petebant, ne inhonoratus relinquere-  
 tur. Postremus est Franciscus Administrator Ecclesiæ  
 Senensis, noster secundum carnem nepos, Pontificii iuris  
 interpret, de quo non est cur verba faciamus, tum quod  
 suspecta esset commendatio nostra, tum quod non mo-  
 do nostro, sed Cardinalium iudicio dignus hoc munere  
 putatus est. Rogati ab eis promotionem eius feci-  
 mus, ipsi an benè consuluerint, videbunt; hic in Dia-  
 conum, cæteri in Præbyteros Cardinales vocati sunt:  
 Spes nobis est, vilem hanc promotionem futuram;  
 nam (excepto nepote nostro,) reliqui omnes matura-  
 ætate sunt. Nemo infra quadragesimum agit, doctri-  
 na singulari excellunt, prudentia, & experientia ingenij  
 in omnibus. Nullæ in his sordes, non arrogantia, non  
 avaritia, quæ hominem excæcat, & idolatriam facit,  
 non libido, quæ hominum vires effeminat, non crapu-  
 la,

la, non ebrietas, dominatur, vicerunt hi viri quævis vitia, & mundæ omnibus manus, sinceræ mentes videntes, & solertes animi aptissimi profecto, qui Vicario Iesu Christi, & assistant, & consulant. Audistis qui sint, quos promouimus. Hunc, ut eorum tres, qui ad sunt videatis oportet. Ite vos Diaconi Cardinales, atque eos adducite, ut in Collegio vestro consedeant.

## SECUNDA CREATIO.

*In quadragesima anni 1461. Pius verba fecit de creandis nouis Cardinalibus, præsertim Ultramontanis: non assensere Cardinales, ideò conueniuntum est, ut in natalitio Saluatoris si videretur Pontifici necessaria creatio Cardinalium, gererent omnes eius sententiæ morem. Post multos dies antè Comitia. Pius rem cum Cardinalibus tractat, & cum maiorem partem Cardinalium in suam sententiam venisse cognosceret, die lunæ 18. Decembris 1461. in quatuor temporibus Aduentus sex Cardinales, cunctis laudantibus, pronuntiauit, iussitque in diem, quæ propè aderat eiusmodi solemnitati statutam, silentio tegi. Publicatio Cardinalium in Consistorio, absente Pontefice, ob chiragram vexato, facta est.*

**BARTHOLOMÆVS ROVERELLA CIVIS, & Archiepiscopus** Rauennatensis Præsb. Tit. S. Clementis legatus in Marchia, & in Vmbria, ac in Regno Siciliæ, ve Cruciatam prædicaret contra Turcas, & decimam exigeret; obiit Romæ die 2. Maii anno 1476.

IOAN-

**IOANNES IOFFRIDIVS GALLVS** Episcopus Attrebatensis Præsb. Tit. SS. Martini, & Siluestri in Montibus, ad preces Regis Francorum postea Episcopus Albien-  
sis; obiit in Galliis die 11. Decembris 1477. teste Ciaccono: ipsius obitus nuntiatus est Romæ die 7. Decembris ex libro Princip., ideoque multis antea diebus obiisse credendum est.

**IACOBVS CARDONA** Episcopus Vrgellensis Præsb. sine Titulo, cum nunquam Romam aduenerit: obiit in oppido Ceruare in Catalonia die prima Decembris 1466.

**LVDOVICVS DE ALBERTO GALLVS** Protonotarius Apostolicus ad præces Regis Francorum Præsb. Tit. SS. Marcellini, & Petri, Episcopus Cadurcensis, Cardomien-  
sis, Adurensis, & Mirapicensis, Romæ decessit die 4. Septembris 1465.

**IACOBVS AMANATVS LVCENSIS**, in familiam Piccolominiæ adscitus, Episcopus Papiensis, Præsb. Tit. Sancti Gryfogni, deinde Episcopus Tusculanus, ac Lucanus, legatus Perusii, & arbiter inter Florentinos, & Senenses de Confinibus dissidentes, obiit in oppido Sancti Laurentij ad Cryptas propè Vulsineum die Veneris 10. Septembris anno 1479.

**FRANCISCVS GONZAGA** Francisci Mantuæ Principis filius, Protonotarius Sedis Apostolicæ, Diaconus Sanctæ Mariæ Nouæ, postea Commendatarius Ecclesiæ Sanctæ Agathæ, cum retentione Ecclesiæ S. Mariæ Nouæ, legatus Bononiæ, & Sedis Apostolicæ Commissarius in Dominijs Ludouici Marchionis Mantuæ cum facultate prædicandi Cruciatam contra Turcas.

Deceſſit Bononiæ die martis 21. Octobris anno 1483.  
ex libro Particip.

Ciacconus inſuper addit creatum fuiſſe Cardinalem N.  
Epiſcopum Eiſtatenſem, qui tamen gratias agens re-  
cuſauerit dignitatem, de quo nihil hucusque reperi:  
fides ſit penes Ciacconum.



# PAVLVS SECVNDVS.<sup>57</sup>

*Petrus Barbus Presb. Card. Tit. S. Marci die 30. Augusti anno 1464. Summus Pontifex in Vaticano renuntiatur : Die dominica 19. Septembris eiusdem anni in gradibus Basilicæ Sancti Petri coronatur ; post coronationem solemniter equitavit ad Ecclesiam Lateranensem ex lib. Divisionum Sacri Collegij. Ciacconus refert coronationem ad diem nonam . Anno 1471. die Veneris 26. Iulij circa secundam noctis horam migravit ad Dominum .*



PAVLVS Episcopus servus servorum Dei. Dilecto filio nobili Viro Federico Comiti Montis Feretri, Urbini in temporalibus Vicario Generali salutem, & Apostolicam benedictionem ; fundamentum aliud nemo ponere potest , præter id, quod positum est ; quod est Iesus Christus Saluator noster , qui pretioso suo sanguine sanctam Catholicam fundans Ecclesiam in montibus sanctis iuxta Prophetam eius fundamenta constituit, quæ tanquàm de optimo Architectore locata , Ità altè bases suas egerint, ut diuturnitate temporis, aut tempestate prosterni nullo modo possint , sed , ipso Domino disponente, per Vicarios suos Beatum Petrum, & successores vsque ad finem sæculi sint duratura . Cum igitur fel. rec. Pius Papa Secundus prædecessor noster, summus dictæ Ecclesiæ Pontifex,

H

tifex,

tifex, ac verus Iesu Christi Vicarius in sede Patri hactenus sedens in Ciuitate nostra Anconitana, ad quam pro expeditione in Turcas supra vires ætatis, & valetudinis suæ personaliter se contulerat, decimo octauo Kal. Septembris ex hac peregrinatione ad cælestem Patriam migravit, post solemnem exequiarum celebrationem, Nos vna cum Ven. fratribus nostris S. R. E. Cardinalibus, de quorum numero tunc eramus, Romæ in Palatio Apostolico apud Basilicam Sancti Petri Apostolorum Principis, loco ad id consueto, & per eosdem Cardinales concorditer electo, modo, & tempore congruis pro electione futuri Pontificis, in Conclauē ingressi sumus, vbi in primo Scrutinio missa sancti Spiritus celebrata, Deus, qui concordiam in sublimibus operatur; itā eosdem Cardinales vnanimes in tanta hac Sedis Apostolicæ prouisione effecit, vt miro, & nobis stupendo Dei consilio ad imbecillitatem nostram oculos dirigentes, Nos tunc Tituli S. Marci Præbyterum Cardinalem ad hanc supremam honoris, atque auctoritatis sedem concorditer erexerint. Nos verò non de vobis, sed solo illo concepta fiducia, qui infirma elegit, vt fortia quæque confundant, debiles manus nostras ad fortia, Humeros nostros summo superhumerali munuimus, colla nostra humiliter subijcientes Apostolicæ seruituti, Redemptorem nostrum Iesum Christum, cuius immeritò vices gerimus, suppliciter exorantes, vt, qui per hanc vocationem in maris mundo huius altitudinem Nos deduxit, non patiaturs ab ipsius tempestate demergi, Præsertim cum omnes conatus nostros pro tutela fidei Christianæ con-



tra eiusdem inimicos, & maxime ad riprimendam Turcharum rabiem dirigamus, sed illam nobis sue potentie dexteram porrigat, quæ Apostolorum Principem in fluctibus ambulantem erexit, & Paulum die, ac nocte in profundo maris positum liberauit. Hanc vero assumptionem nostram ad tuam consolationem significandam duximus nobilitati tuæ, quem uti peculiarem nostrum, & Ecclesiæ filium singulari complectimur charitate, hortantes eandem in Domino primum, ut porrigi facias præces solemnes ad D. Deum nostrum, ut nobis sua gratia assistat, & gressus nostros dirigat, ut Ecclesiam suam sanctam ad gloriam, & honorem eius, extirpationem hæresum, defensionem, exaltationem fidei, pacem, & quietem Populi Christiani feliciter in Domino gubernare valeamus. Tua autem nobilitas, quod maxime Catholicos Principes decet, à quibus ceteri bene viuendi exempla debent assumere, fidem Catholicam nostram, & Apostolicæ Sedis auctoritatem, honorem, & libertatem Ecclesiasticam protegere, & defensare velit. Cæterum Bullam plumbeam sine nostri nominis impressione esse præsentibus appensam tua nobilitas non miretur; nam antè accepta Coronationis insignia perfectæ Bullæ usus cum Impressione nominis Pontificis de consuetudine non habetur. Datum Romæ apud Sanctum Petrum, anno Incarnationis Dominicæ 1464. tertio idus Septembris Assumptionis nostræ anno primo.

L. Therunda.

H 2

A

Atergo .

Dilecto filio nobili Viro Federico Comiti Montisfe-  
rettri Urbini in temporalibus Vicario nostro.  
Marcellus .

Notificatio obitus Papæ Pij Secundi , & assumptio-  
nis Pauli Papæ Secundi ad Pötificalem Dignitatem fac-  
ta per eundem Dominum Paulum Illustri , & Excel-  
lenti D. Federico Montisfetetri Urbini &c. Comiti &c.

## CREATIONES CARDINALIVM.

*Anno 1467. die Veneris 18. Septembris in quatuor tem-  
poribus creati sunt, & die sequenti publicati in Pa-  
latio Sancti Marci . Ex libro Diuision. Ciaccon. anno  
1464*

THOMAS BOVRCHERIVS Archiepiscopus Cantuariensis  
Præsbyt. Tit. Sancti Cyriaci in Thermis : decessit  
in Anglia die 22. Martij 1486. ex lib. Diuif. , & Dia-  
rio. Ciaccon. huic insignia adscribit longè à veris  
diuersa , si credimus Auctori de antiquitate Britan-  
niæ .

STEPHANVS VARADA Archiepiscopus Collocensis Præs-  
b. Tit. SS. Nerei , & Achillei . obiit in Hungaria circa  
Mensem Iunij 1471. ex libro Diuif. , Ciaccon. anno  
1473.

OLIVERIVS CARAFFA Archiepiscopus Neapolitanus  
Præs- b. Tit. SS. Petri , & Marcellini , deindè Sancti  
Eusebij, Episcopus Theatinus , Caiacensis, Albanus,

Sa-

Sabinus, Ostiensis, bis legatus ad Regem Neapolitanum, semel ad Regem Galliarum, ac in Classe Christiana contra Turcas legatus in Regnis, Insulis, Prouincijs, Ciuitatibus, & locis Asiæ minoris, & totius Plagæ orientalis Vltamarinæ: obiit Romæ die 20. Ianuarij 1511.

AMICVS AGNIFILVS Aquilanus Episcopus Præsb. Tit. Sanctæ Balbinæ, & deindè Sanctæ Mariæ in Transiberim, obiit in Ciuitate Aquilana die 9. Nouembris 1476.

IOANNES BALVVS Gallus Episcopus Andegauensis, Præsb. Tit. Sanctæ Sufannæ, legatus de latere apud Regem Francorum, ac in Marchia Anconitana die 3. Februarij 1482. primo venit ad Urbem. ex Gallijs, vbi decem, & amplius annis fuerat detentus: obiit in oppido Ripæ Transonis die 5. Octobris 1491. ex Diario, fuit postea translatus in Urbem, ideoque Ciacconus in ea credidit obiisse.

MARCVS BARBVS VENETVS Patruelis Papæ, Episcopus Vicentinus Præsb. Tit. S. Marci, Episcopus Prænestinus, Patriarcha Aquileiensis, legatus ad Imperatorem, Regemque Hungariæ: obiit Romæ die XI. Martij 1490.

FR. FRANCISCVS DE RVVERE DE SAONA Magister in sacra pagina, & Generalis Ordinis minorum Præsb. Tit. S. Petri ad vincula, & paulò post Sixtus Quartus.

THEODORVS EX MARCHIONIBVS MONTISFERRATI Secdis Apostolicæ Protonotarius Diac. S. Theodori: decessit.

cessit in Civitate Astenſi 21. Ianuarij 1484. Ciac-  
conus ſecundo Calendas Februarij.

## SECUNDA CREATIO.

*Die Lune 21. Nouembris 1468. in Vaticano creati ſunt  
Cardinales, & die Martis ſequenti feſto. Sanctæ Cæ-  
cilie publicati, & recepti fuerunt in publico Conſiſto-  
rio.*

IOANNES BAPTISTA ZENO VENETVS Protonotarius,  
Nepos ex Sorore Pontificis Diac. Sanctæ Mariæ in  
Porticu, deindè Præſb. Sanctæ Anaſtaſiæ Episcopus  
Vicentinus, & Tuſculanus, legatus in Piceno, &  
Vmbria, ac in Tuſciam, Venetias, & Lombardiam  
miſſus: obiit Patauij die 8. Maij 1501.

IOANNES MICHAELIVS VENETVS Protonotarius Nepos  
alter ex ſorore, Diac. Sanctæ Luciæ in ſeptem ſo-  
lijs, ac Sancti Angeli in foro Piſcium, deindè Præſb.  
Sancti Marcelli, Episcopus Veronenſis, Patauinus,  
Præneltinus, Portuenſis, & demùm Patriarcha  
Constantinopolitanus, legatus in Caſtris contrà Fer-  
dinandum Regem ſub Innocentio Octauo; deceſſit  
Romæ die 10. Aprilis 1503. veneno ſublatus.

Creati ſunt alij quatuor Cardinales in ſecreto Conci-  
ſtorio, ea conditione, vt, eueniente obitu Pauli,  
ſtatim Cardinales intelligerentur publicati, darique  
fuerunt eiſdem Tituli Cardinalatus: ſed à Xixto

Quar-

Quarto, qui Paulo successit non fuerunt habiti, nèque recepti, nec Cardinalatus insignibus decorati, prout cauetur in Constitutione Eugenii Quarti, cui fuisse per clausulas generales derogatum consuluit Alex. conf. 3. lib. 6. Corn. conf. 278. lib. 3. refertur etiam Iason. in conf. 145. lib. 2., sed cum in alio casu consuluisse putabam, quia in parte Bullæ, quam refert Constitutioni Eugenii Quarti expressè derogatur, quod factum non fuit in literis creationis dictorum quatuor Cardinalium. hi sunt.

**IOANNES VRATISLAVIA ORIVNDVS**, Archiepiscopus Strigoniensis.

**PETRVS FOSCARVS VENETVS.**

**IOANNES BAPTISTA SABELLVS ROMANVS.**

**FRANCISCVS FERRICVS BVRGVNDVS** de Cluniaco:

Ex quibus tres posteriores Sixtus Quartus in Cardinalium numerum diuerso tempore retulit: Strigoniensis auxilio Federici Tertii Imperatoris Archiepiscopatum Salisburgensem adeptus anno 1364.

**THEODORVM LÆLIVM** Episcopum Taruifinum asserit Ciacconus, & decessisse antequam pileum rubrum fuisset adeptus: hic de albo Cardinalium delendus est, tum quia in libris Sacri Collegii, & literis Pontificiis non reperitur descriptus, tum quia decessit cum esset solummodò Episcopus Taruifinus, nam die 17. Aprilis anno 1466. in Consistorio Franciscus de Perrosis Canonicus Pergamensis promouus est ad Ecclesiam Taruifinam, vti vacantem per obitum Theodori Episcopi, ideoque cum Theodo-

**rus**

rus post decem, & nouem menses à créatione; quam ponit Ciaconus, numerandus, enuntietur simplex Episcopus, nec vlla afferatur causa priuata, vel publica, ob quam tot mensibus non fuerit habitus pro Cardinali, hinc est, vt illum inter Cardinales numerare non possim.



# SIXTVS QVARTVS. <sup>65</sup>

*Franciscus Tit. Sancti Petri ad Vincula Præsb. Cardinalis die x. Augusti anno 1471. in Vaticano summus Pontifex renunciatur; die 25. Augusti coronatur in gradibus Basilica Sancti Petri, undè ascendens in Sedem ritu solemniprofectus est ad Ecclesiam Lateranensem. Die Iouis 12. Augusti circa quintam horam noctis sequentis, anno 1484. in Vaticano migravit ad Dominum.*



**SIXTVS** Episcopus Seruus Seruorum Dei. Dilectis filiis Prioribus, & Communi nostræ Ciuitatis Interamnen. salutem, & apostolicam benedictionem. Creator noster, & Redemptor Dominus Iesus Christus cum mundum ex nihilo condens, cætera omnia miro quodam ordine, incompræhensibilique ratione disposuerit, atque firmauerit, sanctam tamen Romanam Ecclesiam Corpus suum mysticum figurantem ea prosequutus est charitate, ea pietate fundauit, & stabiliiuit, vt agitari quidem, & fluctibus, tempestatibusque, quasi posset, mergi autem, & omninò naufragium facere non posset. sed vt potius, quo videretur aliquandò extremæ sorti proximorum, eo in salutis, tranquillitati que portum per successionem Vicariorum eius, vel aliam quamuis diuinitus factam rerum commutationem reductam.

I

con-

consolaretur, sicut nuper fel. record. Paulo Secundo Romano Pontifice Prædecessore nostro de mortalibus huius vitæ ærumnis ad cælestem Patriam septimo Calendâs Augusti, sicut Domino placuit, euocato, afflictâ talis Pastoris amissione mærebat Sancta Mater Ecclesia, cum Venerabiles, de quorum numero tunc eramus, eius funere, & exequiis de more solemniter celebratis, solliciti, prout grauitas rei exigebat de futuri Romani Pontificis electione, modo, & tempore congruis, in Palatio Apostolico apud Basilicam Principis Apostolorum de Vrbe Conclaue ingressi nobiscum in vnam conuenientes, & super tanti negotii deliberatione aliquandiû consultantes, tandem Sancti Spiritus, à quo Ecclesia ipsa Christi sponsa regitur, infusione eorum animorum sic afflante, licet in alios, maiorum longè meritorum consentire potuissent; tamen ad personam nostram vota sua vnanimiter dirigentes quinto idus Augusti, Nos tunc Tituli sancti Petri ad vincula, Præbyterum Cardinalem, nescimus quò occulto, sed certè nobis tremendo Dei Iudicio, in Apostolicæ celsitudinis fastigio concorditer collocarunt, super qua re, licet ipsi de nostra imbecillitate conscii virium nostrarum tenuitatem ad digne præferendum tantæ Sarcinæ onus animo merientes, aliquandiû quid nobis esset agendum dubii deleberauimus, tandem considerato, quod huiusmodi electio non ab hominibus, sed ab inspiratione diuinitus facta, cui resistere non licet prouenisset, Cupientes benè agere, & prodesse potiùs, quam præesse in spiritus humilitate Apostolicæ seruitutis iugo collû submissimus sperantes illum, qui ab ipsa suæ Eccle.



clesiæ fundatione infirma mundi eligit, vt confunderet fortia, & qui electionis ipsius auctor fuit, vires suas in tanta necessitate nobis subministraturum. Quapropter deuotiones vestras in Domino requirimus, cohortamur, vt tanquam fideles, & obediens filii in nostra, & sanctæ Romanæ Ecclesiæ deuotione, ac solita subiectione fideliter, constanterque persistatis, & pium, ac misericordem Deum nostrum instanter oretis, vt operi manuum suarum dexteram ipse auxiliarem porrigat, ne tanti oneris mole opprimantur, sed in beneplacito filii sui dirigantur actus nostri, vt Ecclesiæ suæ sanctæ ad sui nominis laudem, & gloriam & commissi nobis, populi animarum salutem præsideamus. Nos autem vos tanquam speciales, peculiareque nostros, & dictæ Ecclesiæ filios fouere intendimus, & in cunctis nostris necessitatibus adiuuare. Datum Laterani Anno Incarnationis Dominicæ MCCCCLXXI. octauo calen. Septembris Pontificatus nostri anno Primo.

Bauderus &c.

Loco ✚ Plumbi appensi

A tergo. Dilectis filiis Prioribus, & Communi nostræ Ciuitatis Interamnen. &c.

## CREATIONES CARDINALIVM.

*Die Luna 15. Decembris anno 1471. creati sunt, & die sequenti publicati fuerunt in Consistorio, in quo papi-ter receperunt Titulos, fuit apertum os, & votum de-derunt.*

**PETRVS RIARIVS** Episcopus Taruifinus Tituli S. Sixti Præsb., Commendator Basilicæ xii. Apostolorum Episcopus Hispalensis, Valentiniensis; & Diensis, Mimatensis, Archiepiscopus Spalatensis, Florentinus, ac Patriarcha Constantinopolitanus: obiit Romæ die Mercurii 5. Ianuarii 1474.

**IVLIANVS DE RVVERE** nepos ex Fratre Pontificis, Episcopus Carpentoratenfis Tit. Sancti Petri ad Vincula, Primus Archiepiscopus Auenionensis, Episcopus Verdunensis, Lausanensis, Constantiensis, Viuariensis, Mimoriensis, & Catanienfis, legatus in Marchia Anconitana, iterumque in eadem Marchia, Patrimonio B. Petri, Ducatu Spoletano, Roman-diola, Massa Trabaria, Præsidatu Farsensi, item in Ciuitate Auenionensi, Comitatu Venaisino, & Prouincijs adiacentibus, legatus ad Regnum Franciæ, Prouinciâ Prouinciæ; secundo legatus ad Regnum Franciæ, Angliæ, & Scotiæ. Tertiò legatus ad Regnum Franciæ à Rheno flumine vsque ad Garumnam, & ab Oceano vsque ad Alpes Italiæ pro concordia incunda inter Regem, & Maximilianum.

Du-

Ducem Austriæ; Episcopus Sabinus, Ostiensis, maior Pœnitentiarius, & demum Summus Pontifex Iulius Secundus.

## SECUNDA CREATIO.

*Die Veneris 7. Maij 1473. apud S. Mariam Maiorem.*

PHILIPPVS DE LEVIS Archiepiscopus Arelatenfis, Tit. sanctorum Petri, & Marcellini. Romæ decessit die **xi. Nouembris 1475.**, vt in libro *Diuisionum sacri Collegii*. In tumulo asseritur obiisse die **4. Nouembris**. Ciacconus affirmat obiisse die **13. Ianuarii 1476.**

STEPHANVS NARDINVS Archiepiscopus Mediolanensis Præsb. Sancti Hadriani, postea Sanctæ Mariæ Transthyberim obiit Romæ die **Veneris xi. Octobris** antè primam noctis horam anno **1484.**, vt in *Diario Burchardi*. Ciacconus die **21. Septembris**.

AVXIAS DE PODIÒ Valentinus, Archiepiscopus Montis regalis, Præsb. Tit. Sancti Vitalis, deindè sanctæ Sabinæ, Episcopus Caputaquensis Commendator Ecclesiæ Cæsaraugustanæ legatus in Germania, Hungaria, Boemia, & Polonia pro prædicanda Crucciata contra Turcas; obiit Romæ die **7. Septembris 1483.**

PETRVS DE MENDOZZA, Episcopus Seguntinus Diaconus sanctæ Mariæ in Dominica, ac sanctæ Mariæ in Porticu, deindè Præsb. sanctæ Crucis in Hierusalem,  
Epi-

Episcopus Oxomen : Archiepiscopus Hispalensis ,  
ac Toleranus : obiit in Hispaniis die xi. Ianuarii  
1497.

ANTONIVS IACOBVS VENEREVS Episcopus Conchen-  
sis Præsb. Tit. sanctorum Viti, & Modesti in macel-  
lo Martyrum, deindè sancti Clementis vulgo dictus  
Recanatenfis : obiit Recineti die 3. Augusti 1479.

IOANNES BAPTISTA CIBO, Episcopus Melphienfis Præs.  
Tit. sanctæ Balbinæ, deindè Sanctæ Cæcilie, de-  
mum Innocentius Octauus.

IOANNES ARCIMBOLDVS, Episcopus Nouariensis Præsb.  
Tit. SS. Nerei, & Achillei, deindè sanctæ Praxedis,  
ac sanctæ Mariæ nouæ, Archiepiscopus Mediola-  
nensis, legatus Perusii, item in Germania, & Hun-  
garia, ac Bohemia : obiit Romæ 2. Octobris 1488.  
vt in Diario, & Bulla Innocentii VII. Ciacconus  
1491.

PHILIBERTVS, SEV PHILIPPVS DE VGONETTI, Episcopus  
Matifconensis Præsb. Tit. sanctæ Lucie in Silice,  
deindè sanctorum Ioannis, & Pauli, legatus in Pro-  
uincia Patrimonii B. Petri in Tuscia, Episcopus  
Andegauensis, ac Aeduensis obiit Romæ die xi.  
Septembris 1484.



# TERTIA CREATIO.

*Die Mercurij 18. Decembris anno 1476. In Vaticano creauit Cardinales, quos publicauit die xx. Decembris. hi sunt*

**GEORGIUS COSTA**, Archiepiscopus Vlixbonensis Præsb. Tit. sanctorum Marcellini, & Petri, deindè sanctæ Mariæ in Transiberim, ac Commendator Ecclesiæ sancti Laurentij in Lucina, Administrator Ecclesiæ Bracharensis; legatus ad Venetos, & alios pro pace Italiæ procuranda: Obijt Romæ die 19. Septembris anno 1508.

**CAROLVS BORBONIVS**, Archiepiscopus Lugdunensis Præsb. Tit. sancti Martini in montibus, Episcopus Burdigalensis; Administrator Ecclesiæ Claramontanæ, legatus Auenionensis: obiit in Galliis die 13. Septembris anno 1488. ex Diario, & Gallia Christiana Ciaccon. refert obitum ad annum 1489.

**PETRVS FERRICI**, Archiepiscopus Ciraſonensis, Præsb. Tit. sancti Xixti: obiit Romæ die xxv. Septembris 1478.

**IOANNES BARTISTA DE MILLINIS**, Episcopus Urbinateſis, Præsb. Tit. sanctorum Nerei, & Achillei, postea sancti Xixti, vt in libro diuif., legatus in Prouinciam Mediolanensem ad sedandas discordias obortas ob inopinatum Galeatii Mariæ Ducis Mediolori obitum: decessit Romæ die 24. Iulij 1478., vt in libro Participationum. Ciaccon. die xx1. Iulij.

PE.

PETRVS DEI FYXO, Episcopus Venerensis Præsb. sancti Xixti ex Bullis Sixti IV. Administrator Ecclesiæ Auduren. Obiit Romæ 10. Augusti 1490. Ciacconus appellat Episcopum Oueregem: attribuit Diaconiam SS. Cosmæ, & Damiani per errorem, ac credidit fuisse professum in ordine Minorum; ex quo alter Fuxo Cardinalis senior fuit ex ordine minorum, sed non hic.

## QVARTA CREATIO.

*Die Mercurij x. Decembris anno 1477. in Vaticano.*

CHRISTOPHORVS DE RVVERE, Archiepiscopus Tarrantasiensis Præbyter Tit. sancti Vitalis: obiit Romæ die prima Februarii anno 1478. nonnulli male hunc appellant Tarentinum.

HIERONYMVS BASSVS DE RVVERE ex sorore Xixti Quarti nepos, Episcopus Ecclesiarum Recanatensis, & Maceratensis vnitarum, Præsb. sanctæ Balbinæ, deinde sancti Chrysogoni, Episcopus Eugubinus, ac Prænestinus, ac Sabinensis, obiit in oppido fabricæ, vt in Diario die prima Septembris 1507. translatum est Corpus in Vrbem, ideoque Ciacconus credidit obiisse in Vrbe.

GEORGIVS HOSLER Protonotarius Apostolicus, Præsb. Tit. S. Lucie in Silice, obiit in Germania mense Septembris anno 1482.

FR. GABRIEL RANGONVS ex ordine Minorum Episcopus

pus Agriensis Præsb. Tit. Sanctorum Sergij, & Bacchi, legatus in Regnum Neapolitanum contra Turcas: obiit Romæ die 27. Septembris anno 1486., vt in Diario. Ciacconus asserit obiisse in mense Octobris, eumque vocat Gabrielem Mutinensem, ac Episcopum Albensensem, & Regiensem: in Bullis tamen Innocentij VIII. enuntiatur Episcopus Agriensis ex ordine Minorum sacre Theologiæ Magister.

PETRVS FOSCARVS Primicerius S. Marci Præsb. Tit. S. Nicolai inter imagines, Episcopus Paduanus: hic fuerat à Paulo Secundo in sacrum cætum Cardinalium assumptus, sed quia non fuerat publicatus, non fuit habitus pro Cardinali: obiit ad Balnea Viterbij die 15. Augusti anno 1485. Ex Diario: sed in libro diuisionum enuntiatur obiisse die xx. Augusti, Cadauer Romam delatum est. Ciacconus refert obitum ad mensem Iulij, & affirmat in Vrbe decessisse.

IOANNES DE ARAGONIA filius Ferdinandi Regis Siciliæ, Protonotarius Apostolicus, Diaconus sancti Hadriani, postea Præbit. Titolo Sanctæ Sabinæ, ac Sancti Laurentij in Lucina, legatus primo ad Regem Hungariæ, Boemiæ, ac Poloniæ: Rursus ad Regem Hungariæ, & in Germaniâ, Archiepiscopus Tarentinus, ac Administrator Ecclesiæ Strigoniensis, & quod, si decessisset Ioannes Archiepiscopus Salzburgenfis, creatur ab Innocentio Octauo, Administrator pariter Ecclesiæ Salzburgenfis anno 1484. obiit Romæ die 17. Octobris no-

ſte antecedenti anno 1485.

**RAPAHEL GALEOTTVS DE RIARIO**, Protonotarius Apoſtolicus S. Georgij ad velum aureum, ac Sancti Laurentij in Damaso Præbyter, Episcopus Albanus, Sabinus, Portuenſis, ac demùm Oſtienſis, Præſul Eccleſiæ Conchen. Salamantinæ, Oxomenſis, Cammerinenſis Lucanæ, ac Piſanæ, legatus Peruſij, ac Marchiæ S. R. E. Camerarius: die 20. Iunij fuit priuatus etiam Cardinalitia dignitate à Leone Decimo, à quo die 25. Iulij 1517. reſtitutus eſt ad dignitatem, non tamen ad vocem actiuam, & paſſiuam in Pontificatu, quam poſtea obtinuit die x. Ianuarij anno 1519. mortalitatem exiit Neapoli die 7. Iulij 1521. cadauer Romam translatus eſt.

## QVINTA CREATIO.

*Die Mercurij x. Februarij anno 1478. in Vaticano.*

**DOMINICVS DE RVVERE**, Papæ Cubicularius, frater Chriſtophori Archiepiſcopi Tarantaſienſis, qui die prima Februarij obierat Præſb. Tit. Sancti Vitalis, deinde Sancti Clementis, Episcopus Taurinenſis, Montisſaſconis, & Cornetanus, Archiepiſcopus Tarantaſienſis, legatus in Partibus Pedemontium, ac Ducatu Sabaudia, obiit Romæ die 22. Aprilis anno 1501.



# SEXTA CREATIO<sup>75</sup>.

*Die lune quinta Maij anno 1480. in Vaticano :*

PAVLVS DE CAMPOFREGOSO , Archiepiscopus Ianuen-  
sis , Præsb. Tit. S. Anastasiæ , legatus in Classe Pon-  
tificia contrà Turcas ; decessit Romæ die Iouis 22.  
Martii 1498.

COSMAS DE VRSINIS , Abbas Farsensis , Archiepiscopus  
Tranensis , Præsb. Tit. S. Xisti , deinde SS. Nerei ,  
& Achillei decessit in Terra Bracchiani die 21. No-  
uembbris 1481. corpus delatum est ad Monasterium  
Pharsense . Ciacconus vocat Cosmum de Melioratis  
Vrsinum .

FERRICVS , SEV FEDERICVS DE CLVNIACO , Episcopus  
Tomacensis Præsb. Tit. Sancti Vitalis , mox S. Ma-  
riæ in Dominica : Obiit Romæ die 7. Octobris  
1483.

IOANNES BAPTISTA DE SABELLIS , Sedis Apostolicæ Pro-  
ronotarius , Diac. Sanctorum Viti , & Modesti in  
Macello Martyrum , postea Sancti Nicolai in Car-  
cere Tulliano , Legatus Perusii , ac Vmbriæ , ac  
etiam Commissarius contrà ciues Perusinos ; Item  
legatus ad Ianuenses pro sedanda discordia inter Do-  
minos de Fregosis , & de Adurnis , ac in Bononiæ  
Urbe , exharcatu Rauennæ , & Romandiola : detentus  
fuit à Xisto Quarto in Castro S. Angeli anno 1483.  
die 26. Martii , & die quintadecima Nouembbris  
eiusdem anni libertati restitutus : Alexander Sextus

K 2 cum

eum Cardinalatus dignitate priuauit, ad quam eum restituit die prima Februarii 1495. obiit in Castro Candulphi die 18. Septembris 1498.

IOANNES DE COLVMNA, Sedis Apostolicæ Protonotarius, Episcopus Reatinus, Diaconus Sanctæ Mariæ in Aquiro; detentus est in Castro Sancti Angeli à Xisto Quarto, & priuatus ab Alexandro Sexto, & liberatus, & restitutus est vna cum Cardinali Ioanne Baptista de Sabellis; obiit Romæ die 26. noctis sequentis mense Septembris 1508.

## SEPTIMA CREATIO.

*Die Sabbati 15. Nouembris anno 1483. in Vaticano in Congregatione: Ex libro Participat. Giasconus die 25. Decembris.*

IOANNES DE COMITIBVS, Archiepiscopus Compsanus Præsb. SS. Nerei, & Achillei deindè S. Vitalis, Commendator Ecclesiæ Sancti Hadriani; obiit Romæ die 20. Octobris 1493.

FR. ELIAS DE BOODEILLAS ex Ordine Minorum, Archiepiscopus Turonensis, Præsb. S. Lucie in Silice, qui Titulus ei licet absenti fuerat datus, obiit Turo ni die 5. Iulii, & die 19. Iulii 1484. allatus est Romam Nuntius de ipsius obitu.

IOANNES MOLES A MARGARITIS, Episcopus Gerundensis, Regis Hispaniarum Orator, Præsb. Tit. S. Vitalis, deindè Sanctæ Balbinæ, Commendator Oscen-

ensis, & Paëtensis, legatus in Prouinciis Campaniæ, ac Maritimæ: obiit Romæ die XXI. Nouembris 1484. ex lib. Diuis. Ciaconus die 5. Nouembris.

IOANNES IACOBVS SCLASENATVS, Episcopus Parmensis, Papæ Cubicularius, Præbyter Tituli Sancti Stephani in Coelio Monte, postea Sanctæ Cæciliæ, decessit Romæ die 8. Decembris 1497.

BAPTISTA, SEV IOANNES BAPTISTA DE VRSINIS, Sedis Apostolicæ Protonotarius, Diaconus Sanctæ Mariæ in Dominica, deindè, Sanctæ Mariæ Nouæ, Præbyter Sanctorum Ioannis, & Pauli, Administrator Ecclesiæ Carthaginensis, cuius tamen possessionem non fuit adeptus, ac Tarentinæ, legatus in Marchia Anconitana, Bononia, Exarchatu Rauennæ, ac Romandiolæ. Die 3. anuarii 1503. detentus fuit in Palatio Apostolico iussu Alexandri Sexti, ex quo in Arcem Sancti Angeli ductus est, vbi die 22. Februarij eiusdem anni expirauit, vt aliqui tradunt veneno.

## OCTAVA CREATIO.

*Die Mercurij sexta Martij anno 1484. in secreto Confistorio, & die 17. fuit publicatus.*

ASCANIVS MARIA SFORTIA DE VICECOMITIBVS, Episcopus Papiensis, Diac. SS. Viti, & Modesti in macello Martyrum, Episc. Nouariensis, ac Cremonensis,  
le-

legatus in Prouincia Patrimonii B. Petri in Tusciā ,  
Ciuitate Bononiæ , exarchatu Rauennæ , ac Roman-  
diola , & ad Regem Galliæ in Italia commorantem,  
quo Rege Romam adueniente anno 1494. detentus  
est in Palatio Apostolico; anno 1500. captus à Gal-  
lis , & ductus in Galliam à Rege; anno 1501. liber-  
tatem adeptus est . Alexander Sextus eum Cardi-  
nalatu priuauit , quem die vltima Ianuarii 1495. illi  
restituit , decessit Romæ die 28. Maii 1505. defun-  
cto Xisto Quarto fuit dubitatum an Ascanius Maria  
vocem haberet in eligendo summo Pontifice cum  
Cardinalatus insignia non suscepisset iuxtà Bullam  
Eugenij Quarti , & fuit decisum vocem habere, quia  
illi non fuerat clausum os à Xisto .

In secunda Ciaceoni editione asseritur Thebaldus de  
Luxemburgo ex Monacho Ordinis Cisterciensis Epi-  
scopus Cenomanensis circà annum 1474. designatus  
Cardinalis , sed non publicatus : de hoc non memi-  
nit liber S.R.E. Cardinalium , nec in Pontificio Re-  
gistro extat memoria : fides erit penès Auctorem ,



# INNOCENTIVS OCTAVVS.

*Ioannes Baptista Cibo Præsb. Cardinalis Tit. S. Cæcilie die Dominica 29. Augusti inter horas x i . , & x i v . anno 1484. in Vaticano Summus Pontifex renuntiatur : Die Dominica x i i . mensis Septembris sequentis ad gradus Basilica B. Petri coronatur : obiit die 25. Iulij inter sextam , & septimam noctis horam anno 1492.*

## CREATIONES CARDINALIVM.

*Die Lune 9. Martij anno 1489. creati sunt Cardinales : Ex Diario. Ciacconus refert creationem ad diem 14. Martij.*

LAVRENTIVS CIBO IANVENSIS nepos ex fratre Pontificis, Archiepiscopus Beneventanus Castellanus Sancti Angeli, Præsb. Tituli Sancti Susannæ, deinde Sanctæ Cæcilie, ac Sancti Marci, Episcopus Venerensis, Albanus, Sabinus, Tusculanus, & demum Prænестinus : obiit Romæ 22. Decembris nocte antecedenti anno 1503.

ANDREAS SPINAY, Archiepiscopus Lugdunensis, & Burdigalensis, Præsb. Tit. SS. Silvestri, & Martini in Montibus : obiit Lateriæ Parisiorum die x. Nouembris 1507. Ciacconus hunc vocat Ludouicum : in Bullis Innocentii vocatur Andreas ; fortè binominis erat.

AN.

**ANTONIOTTVS GENTILIS PALLAVICINVS**, Episcopus Auriensis, Datarius, Præsb. Tit. Sanctæ Anastasiæ, deindè Sanctæ Praxedis, ac Sancti Stephani in Coelio Monte, Archiepiscopus Ianuensis, Episcopus Lectenensis, Pampilonensis, Tornacensis, Cumanus Lamacensis, Albanus, Sabinus, ac Prænettinus, legatus de Latere ad Regem Galliarum Genuæ commorantem, ac in Vrbe Roma, eiusque districtu: obiit Romæ die x. Septembris 1567. hic se inscripsit Præbyterum Cardinalem Sanctæ Anastasiæ octo diebus antequam illi Titulus fuisset assignatus, sed de licentia Summi Pontificis.

**ARDICINVS DE LA PORTA** junior, Episcopus Aleriensis Presbyter Tituli Sanctorum Ioannis, & Pauli, Episcopus Olomucensis: obiit Romæ 4. Februarii 1493.

**PETRVS AVBVSSONVS**, Rhodiensium militum Magister, Diaconus Sancti Hadriani, in Insulis, Prouinciis, & Regnis Plagæ Orientalis, & Ultramarinis Sedis Apostolicæ legatus. & Magni Magistri Titulo primum ab Innocentio inter Pontifices appellatus: obiit Rhodi die Lunæ 30. Iulii 1503. Ciacconus die 3. 1502.

**IOANNES MEDICES FLORENTINVS** Protonotarius Apostolicus, Diaconus Sanctæ Mariæ in Dominica, postea Leo X. hic in ætate inter decimum quartum, & decimum quintum annum ea conditione creatus est Cardinalis, ut per triennium se Cardinalem nominare non posset, nec se pro Cardinali haberi præsumeret, lapsa autem tempore, etiam propria auctorita-

ritate posset Cardinalatus insignia sumere : perman-  
sit itaque Protònotarius vsque ad diem nonam  
Martii, quo die in Monasterio Fesulano Cardinala-  
tus insignia suscepit, & die 23. Martii eiusdem anni  
receptus fuit in Consistorio ab Innocentio Octauo.

FEDERICVS SANSEVERINVS, electus Melcacensis Sancti  
Theodori Diaconus, postea Sancti Angeli in foro pi-  
scium, Episcopus Viennensis, Nouariensis, Mori-  
nensis, & Archiepiscopus Rothomagensis : die nona  
Decembris 1494. detentus fuit in Palatio Vaticano,  
eodem mense die 14. fuit liberatus, mense Octo-  
bris 1510. vnà cum aliis quatuor Cardinalibus, in-  
salutato Pontifice, Genuam versùs abiit : die 30. Ia-  
nuarii 1512. à Iulio Secundo priuatur Cardinalatu,  
cum die 17. Iunii 1513. in Concilio Lateranensi,  
errorem suum, fassus esset, absoluitur à Censuris, &  
in pristinum statum restituitur : die 25. Iunii 1515.  
iterùm in Palatio Apostolico detinetur, & sequenti  
die dimittitur : die 13. Decembris 1515. ad omnia  
bona, & Cardinalatus dignitatem per literas specia-  
les à Leone restituitur : legatus in Prouincia Patri-  
monii B. Petri in Tuscia : decessit Romæ die Iouis  
7. Augusti 1516. Ex Diario. Ciacconus anno 1517.  
Hic cum ab Innocentio rubrum Pileum obtinere  
nequisset, die 26. Iulii 1492., sede vacante venit  
ad Urbem, & à Sacro Collegio Cardinalium obti-  
nuit Cardinalatus insignia, & locum in Consistorio  
virtute literarum Innocentii VIII. quæ vsque in  
illam diem cælatæ fuerant.

MAPHEVS GERARDVS, aliàs Matthæus ex ordine Camal-

L

du-

dulensium, Patriarcha Venetiarum, Præb. Tit. Sanctorum Sergii, & Bacchi, obiit Interamnæ die 14. Septembris 1492. incertum est an hic sciret se creatum fuisse Cardinalem ab Innocentio: sed vacante vocatus est ad Conclauē, in quod ingressus est die prima Augusti 1492. & inter Cardinales receptus est virtute literarum Innocentii, quæ tunc primum publicatæ fuerunt.

De præfatis octo Cardinalibus meminit Ciaccōnius in Vitis Pontificum; Alii scriptores mentionem fecerunt de subsequētib; vti Cardinalibus ab Innocentio creatis, qui tamen, viuentē Innocentio, vel non fuerunt publicati, vel non fuerunt habiti pro Cardinalibus, si ab Innocentio fuerunt creati. hi sunt.

**FEDERICVS IAGELLONIVS**, Episcopus Cracouiensis Casimiri Regis Poloniae filius, deindē Archiepiscopus Gnesensis: hunc creatum fuisse ab Innocentio affirmat Franciscus Maria Vialardus in vita Innocentii Octauī: Ab Alexandro Sexto inter Cardinales adnumeratus est, supplicante Rege Poloniae ipsius fratre germano. vbi Vide.

**N. Archiepiscopus Strigoniensis** (teste eodem Vialardo) creatus est Cardinalis ab Innocentio: Archiepiscopum Strigonensem nomine Thomam in numerum Cardinalium retulit Alexander Sextus.

**PANTALEO CIBO** filius Christophori, qui erat frater Consobrinus Innocentii, huic datum esse Breue ad Cardinalatum videtur asserere idem Vialardus; quomodo res peracta sit, non explicat auctor, nec ego possum declarare, cum nihil de his Cardinalibus in

au-



authenticis documentis inuenerim .

Præter hos numeratur Nicolaus Cibò, Archiepiscopus Arelatensis: magnus Turcarum Tyrannus institit per literas ad Alexandrum Sextum, ut illum publicaret, & faceret perfectum Cardinalem, ut ipse loquitur, si tamen veræ sunt literæ Magni Turci ad Alexandrum Sextum, quas Bruccardus Magister Cæremoniarum inseruit in Diario .

HERMOLAVS BARBARVS Orator Reipublicæ Venetorum creatus ab Innocentio Octauo contra patrias leges, quæ vetant legatos accipere à Principibus, ad quos missi sunt, dignitates, aut munera, ut refert Petrus Frizon in Gallia purpurata in Ioanne Cardinale sanctæ Sabinæ creato ab Alexandro Sexto.

## ALEXANDER SEXTVS.

*Rodericus Lenxolius Borgia Cardinalis Episcopus Portuens; ac sanctæ Ruffinæ, sacri Collegij Decanus die Sabbati 11. Augusti 1492. Pontifex apud S. Petrum salutatur. Die 26. eiusdem mensis ad gradus Basilica B. Petri coronatur. Ex manuscr. Migravit ad Dominum die 18. Augusti circa horam Vesperarum anno 1503. Alij Coronationis insignia suscepisse scribunt die 12. Septembris.*



**A**LEXANDER Episcopus Seruus Seruorum Dei. Dilectis filiis Prioribus, & Comuni Ciuitatis nostræ Interamnenfis salutem, & Apostolicam benedictionem. Saluator noster Dominus noster Iesus Christus, vt ab æterna morte liberaret humanum genus, mortalitatem nostræ Carnis assumpsit, sacrosanctamque Vniuersalem Ecclesiam, suâ passione fundatam in Terris, vsque ad consummationem sæculi perpetuari voluit, & gregis sui oues pascendas per variam successionem Pastorum, qui eas verbo, & opere ad æternam gloriam inuitarent, disposuit. Sanè cum fel. record. Innocentius Papa Octauus prædecessor noster septimo Calendas Augusti, sicut Domino placuit, ex hac mortali vita ad immortalem migrasset, post funeris ipsius, ac solemniū Exequiarum, vt moris est, celebrationem, Venerabiles Fratres

no.

nostri sanctæ Romanæ Ecclesiæ Cardinales , de quorum numero tunc eramus , Romæ in Palatio Apostolico apud Basilicam Beati Petri Apostolorum Principis , in quo idem Prædecessor noster , dum viueret , habitabat , & cursum præsentis vitæ finierat , in Conclau pro electione futuri Pontificis celebranda , modo , & tempore congruis in virtute Altissimi conuenerunt , vb variis consiliis , & maturis deliberationibus præhabitis facta celebratione missæ in honorem Spiritus Sancti , post diligentem Tractatum pro vt tanta rei , quod nulla magis in Terris agitur , grauitas exigebat , tandem , prædicti Fratres , eius , qui inuocatus fuit , gratia , cordibus eorum infusa in alios maioribus meritis insignes conuenire potuissent certo tamen de iudicio , cuius consilia inscrutabilia sunt ; Nos tunc Episcopum Portuensem , sanctæ Romanæ Ecclesiæ Vicecancellarium in sponsum , Pastoremque Ecclesiæ suæ Sanctæ tertio idus Augusti vnanimi voluntate , & concordia elegerunt . Quoniam verò , sicut Domino placuit , ita factum est , quamuis nos habere humeros imbecilles ad præferendum tantum onus , quantum est Vniuersalis Ecclesiæ Sarcina , sentiremus ; tamen , ne reluctari voluntati diuinæ videretur , colla subiicimus , iugo Apostolicæ seruitutis , sperantes in eo , qui infirma eligit mundi , vt confundat fortia , cum Romanus Pontifex , licet ad ministerium hominum eligatur , ex cœlesti tamen inspiratione procedit , quod fragilitati nostræ robur suæ gratiæ inspirabit , & vires contrà hostes fidei suggeret , vt perfidi Turci non solum à suis ausibus retrahantur , sed ope diuini auxilii præsidio nostro , ac Catholicorum Regum ,

gum, & Principum penitus conculcentur. Hanc autem assumptionem nostram ob vestram consolationem significandam duximus, deuotioni vestræ, quam pro sua in eandem sanctam Romanam Ecclesiam fide, & obedientia inter peculiare Sedis Apostolicæ filios singulari charitate amplectimur, hortantes eandem in Domino primò porrigi faciat preces solemnes ad Dominum Deum nostrum, ut nobis sua gratia assistat, ut nostræ humilitati gratiam tribuat, ut Ecclesiam suam ad gloriam, & honorem eius; & exaltationem fidei, & extirpationem hæresum, pacem, & quietem Populi Christiani feliciter in Domino gubernare valeamus. Datum Romæ apud Sanctum Petrum anno Incarnationis Dominicæ millesimo quadringentesimo nonagesimo secundo septimo Calendas Septembris Pontificatus nostri anno Primo.

F. de Castilione.

Visa R. Cabuso. Loco ✕ plumbi appensi.  
A tergo. Dilectis filiis Prioribus, & Communi Ciuitatis nostræ Interamnæ.

CREA,

# CREATIONES CARDINALIVM. PRIMA CREATIO.

*Die ultima Augusti anno 1492. Roma.*

IOANNES BORGIA VALENTINVS, Archiepiscopus Montis regalis, Nepos Pontificis ex Sorore Præsb Tit. Sanctæ Sufannæ, Administrator Ecclesiarum Olumucensis, Baiocensis, Lombariensis, Ferrariensis, Cauriensis, ac Patriarcha Constantinopolitanus, Legatus Neapolim ad coronandum Alphonsum Regem, illumque de Regno inuestiendum, decessit Romæ die prima Augusti 1503. Ex Bulla Iulii Secundi.

# SECUNDA CREATIO.

*Die Veneris 20. Septembris anno 1493. Roma.*

IOANNES MORTONIS ANGLICVS, Archiepiscopus Cantuariensis, Præsb. Tit. S. Anastasiæ obiit extrâ Curiam 1500.

IOANNES ANTONIVS DE SANCTO GEORGIO, Episcopus Alexandrinus, Præsb. Sanctorum Nerei, & Achillei, Episcopus Parmensis, Tusculanus, Prænestinus, & demum Sabinus, bis legatus in Vrbe, secunda vice creatus est à Iulio Secundo ea conditione, vt Cruce non

non vteretur : decessit Romæ die Veneris 28. Martii 1509:

IOANNES DE LA GROLAYA GALLVS , Abbas Sancti Dionysii Parisiensis , orator Regis Francorum , Præsb. Tit. Sanctæ Sabinæ , Episcopus Lombardiensis , Condomiensis , Viuariensis , obiit Romæ die Martis 6. Augusti 1499.

BERNARDINVS CARAVAIAL HISPANVS , Episcopus Carthaginensis , Orator Regis Hispaniarum , Præsb. Tit. SS. Marcellini , & Petri , deindè Sanctæ Crucis in Hierusalem , Commendator Ecclesiæ Sancti Marcelli , Episcopus Seguntinus , Fulginas , Albanus , Tusculanus , Prænестinus , Sabinus , Ostiensis , sacri Collegii Decanus , & Patriarcha Hierosolymitanus , legatus in Prouinciis Campaniæ , & Maritimæ , & ad Ferdinandum Regem Neapolis venientem ad Urbem , legatus ad Maximilianum Regem Romanorum , & in Germaniam , & loca quæcumque , ad quæ proficisceretur ; iterùm legatus ad eundem Regem , dum Romam pro suscipienda Imperii corona venturus dicebatur .

AIMVNDVS PERAVLDI GALLVS , Episcopus Gurcensis , Præsb. Tit. Sanctæ Mariæ in Cosmedin , postea Sancti Vitalis , ac Sanctæ Mariæ Nouæ , Episcopus Xantonensis , Coadiutor Episcopi Tullensis , eidem referuata fuit , dum vacaret Ecclesia Bissuntina , & Metensis , legatus in Prouincia Patrimonii , & Vmbriæ , decessit Viterbii die 3. Septembris 1505.

CÆSAR BORGIA Pontificis filius , electus Archiepiscopus Valentinus , Diaconus Sanctæ Mariæ Nouæ ,  
Ad-

**Administrator Ecclesiæ Castrensis, Nannetensis, & Elnensis, legatus in Vrbeueteri, & ad coronandum Federicum Regem Neapolitanum, cessit Cardinalui, vt Vxorem duceret die vltima Iulij 1498., concidit in Vasconia die 13. Aprilis 1507.**

**HIPPOLYTUS ESTENSIS, filius Ducis Ferrariæ, electus Agriensis, Diaconus tit. S. Luciæ in Silice, Administrator Ecclesiæ Strigonienfis, Agriensis, Mediolanienfis, Capuanæ, & Ferrariensis, obiit Ferrariæ die 3. Septembris anno 1520.**

**FRIDERICVS CASIMIRVS, Regis Poloniæ filius, electus Cracouiensis Diaconus Sanctæ Luciæ in septem solijs, Archiepiscopus Gnesnensis, obiit in Polonia, die 21. Martij 1503. Auctor Vitæ Innocentij Octauui affirmat fuisse creatum Cardinalem ab Innocentio. Si fuit creatus, non tamen fuit publicatus, & in manuscripto legitur fuisse ab Alexandro Sexto creatus die prima Augusti, & forte hac die 20. Septembris fuit publicatus, quo die Matthias de Michouia tunc viuens creatum affirmat in Chronico Rerum Polonicorum lib.4. cap.77.**

**IULIANVS CÆSARINVS ROMANVS Protonotarius Apostolicus Diaconus Sanctorum Sergij, & Bacchi, postea Sancti Angeli, Episcopus Aſculanus, obiit Romæ die prima Maij 1510.**

**DOMINICVS GRIMANVS, Ducis Venetiarum filius, Protonotarius Apostolicus Diaconus S. Nicolai inter Imagines, postea Presbyter eiusdem Ecclesiæ, ac S. Marci, Episcopus Albanus, ac Portuensis, & Patriarcha Aquileiensis, obiit Romæ die 27. Augusti 1523**

M

ALE-

**ALEXANDER FARNESIUS ROMANVS** Protonotarius Apostolicus, Diaconus SS. Cosmæ, & Damiani, postea Commendator Ecclesiæ S. Eustachij, Episcopus Parmensis Montisfalconensis, ac Cornetanus, Tusculanus, Prænestinus, Sabinus, Ostiensis, & demùm Pontifex Maximus, legatus in Marchia, in Patrimonio, ad Cæsarem 1518, ad quem ob aduersam valetudinem proficisci non potuit, iterumque legatus ad Cæsarem venientem in Italiam anno 1529., & ad Hadrianum Sextum venientem ad Urbem.

**BERNARDINVS DE LVNATE PAPIENSIS**, Protonotarius Apostolicus, Diaconus Sancti Cyriaci in Thermis Administrator Ecclesiæ Aquinatis, legatus in Exercitu Ecclesiastico contra Vrsinos: cum anno 1494. fuisset retentus in Palatio Apostolico paulò post anno sequenti recessit ab Urbe cum Cardinali Ascanio Maria Sfortia, Pontifice non salutato, obiit Romæ die 8. Augusti 1497.

**ALOYSIVS, SEV LVDOVICVS DE ARAGONIA**, filius Regis Ferdinandi primi, Marchio Hieracensis (licet matrimonium contraxisset cum Baptistina Cibò sub Innocentio VIII.) creatur, & reseruatur in pectore, charactere clericali insignitur, & deindè publicatur anno 1497. Diaconus Sanctæ Mariæ in Cosmedin, ut in Diario: obiit Romæ Episcopus Auerfanus, & Legionensis die 22. Ianuarii 1519. Ciacconus vocat Diaconum Sanctæ Mariæ in Aquiro, & asserit publicatum 1496., & obiisse anno 1518.



# 91 TERTIA CREATIO.

*Die Veneris 16. Ianuarij 1495. Rome.*

GVILLELMVS BRISSONETTA GALLVS , Episcopus Maclo-  
uicnsis , Præsb. Sanctæ Pudencianæ , presente Caro-  
lo Rege Francorum , Archiepiscopus Remensis , &  
Harborensis Episcopus, Nemaufensis, Albanus , Tus-  
culanus , Prænестinus , priuatus Cardinalarū die 24.  
Octobris anno 1511., ex quo post recessum à Pontifi-  
ce, cum Conciliabulum Pisanum indixisset: restitutus  
est à Leone X. die 7. Aprilis 1514., obiit in Gallia die  
14. Decembris 1515. in manuscriptis . Ciacconus  
mense Ianuarij 1515.

# QVARTA CREATIO.

*Die 21. Ianuarij 1495. in festo S. Agnetis Rome.*

PHILIPPVS DE LVCEMBVRGO , Gallus , Episcopus Ceno-  
manensis frater Consobrinus Caroli Regis Franciæ ,  
quo instante , creatus est Præbyter Tit. SS. Petri , &  
Marcellini . Ex Bulla eiusdem Alexandri , & Diario:  
Episcopus Morinensis , Albanus , & Tusculanus.  
Decessit Cenomani die 2. Iunii 1519. Hunc Ciac-  
conus asserit creatum die 27. Decembris 1497.

# QVINTA CREATIO

*Die 19. Februarij anno 1496. apud Sanctum Petrum:  
Ex Bulla Alexandri:*

*Creati sunt quatuor infra scripti Cardinales, quos Pontifex reservauit in pectore, & decreuit sub excommunicationis pœna, ac priuatione vocis actiue, & passiuæ ad electionem Romani Pontificis, ut, si ipsum mori contingeret, antequam prefati Cardinalis nouissimè creati insignia Cardinalatus recepissent, Cardinales tenerentur eos recipere, & admittere, uti Cardinales possent auctoritate propria Cardinalatus insignia suscipere; eaque exercere, & tenere sine alia noui Pontificis concessione, & mandat Episcopis &c. ut hæc publicent, & exequantur &c. die 24. Februarij quatuor Cardinales recepti sunt in publico Concistorio, hi sunt.*

**BARTHOLOMÆVS MARTINI HISPANVS**, Episcopus Segobienensis, Magister Domus Sac. Palatii Præsb. Tit. S. Agathæ, administrator Ecclesiæ Balneoregiensis, & Coepiscopus Tullensis. Obiit Romæ die 25. Aprilis 1500. ut in Diario. Ciacconus die 25. Ianuarii.

**IOANNES DE CASTRO HISPANVS**, Præfectus Arcis Sancti Angeli, Episcopus Agrigentinus Præsb. Tit. Sanctæ Priscæ, Administrator Ecclesiæ Sleuicensis: mortuus est Romæ die 2. Octobris 1506., ut in manuscriptis. Ciacconus in prima Impressione vocat Iordanum de Castro, & scribit obiisse die 29. Septem-

tembris eiusdem anni.

IOANNES LOPEZ HISPANVS , Episcopus Perusinus , Pontificis Datarius , Præsb. Tit. S. Mariæ Transtiberim , Administrator Ecclesiæ Capuanæ , Carcaffonensis , & Cauriensis , obiit Romæ die 5. Augusti anno 1501.

IOANNES BORGIA VALENTINVS , Protonotarius Apostolicus , Nepos Pontificis , Diac. Sanctæ Mariæ in Via lata , Archiepiscopus Capuanus , legatus in Umbria , in Ciuitate Bononiæ , Exarchatu Rauennæ , & Romandiolæ : Ad Ducem Venetorum , & totius Christianitatis , obiit Forosempionii ex morbillis , vel , ut alii tradunt , veneno die 17. Ianuarij 1500.

## SEXTA CREATIO.

*Die Mercurij 12. Septembris anno 1498.*

GEORGIUS DE AMBOSIA GALLVS , Archiepiscopus Rothomagensis , Præbyter Tit. Sancti Xixti ; legatus Auenionensis , ac in Gallia , & ad Reges Francorum , Castellæ , & Legionis , decessit Lugduni die 25. Maij 1511.

94  
SEPTIMA CREATIO.

*Die Lune 16. Martij anno 1500. Rome. Ex Diario:  
Ciacconus die 20. Martij creati sunt Cardinales, sed  
non publicati, nisi in proxima creatione die 28. Sep-  
tembris.*

**DIDACVS HVRTADO DE MENDOZA** Archiepiscopus Hi-  
palensis, & Patriarcha Alexandrinus, Præsb. Tit. San-  
ctæ Sabinæ, decessit die 14. Octobris 1502.

**AMANEVS DALBRETIVS** Sororis Cæsaris Ducis Valentini  
filius Diaconus S. Nicolai in Carcere Tulliano, Epi-  
scopus Conuenarum, administrator Ecclesiarum  
Pampilonensis, Condonicensis, Olorensis, Apamea-  
rum, Venetensis, Vafatensis, & Lascurenensis, mor-  
uus est in Castro Belgioioso die x. Decembris  
1520.

**LYDOVICVS, SEV PETRVS LYDOVICVS BORGIA**, Proto-  
notarius Apostolicus, & electus Valentinus Diaco-  
nus sanctæ Mariæ in Via lata, postea Præsb. Tit. San-  
cti Marcelli, decessit ex equo præceps Romam adue-  
niens ex Ciuitate Neapolitana, ad quam se contule-  
rat initio Pontificatus Iulii, Iulio inscio, die 4. Octo-  
bris 1511.

OCTA-

# OCTAVA CREATIO<sup>95</sup>

*Die 28 Septembris anno 1500.*

**IACOBVS SERRA CATALANVS**, Archiepiscopus Arborensis, Papæ Vicarius, Presb. Tit. Sancti Vitalis, postea Sancti Clementis; Administrator Ecclesiæ Elnensis, & Licopiensis, legatus in Vmbria, Episcopus Albanus, Tusculanus, & Prænестinus. Nuntiatum est Romæ vitam cum morte commutasse die 15. Martii 1517. Hunc Ciacconus vocat Iacobum Casanouam; qui tamen Iacobus Casanoua creatus est in vltima creatione, vt infra subiiciam.

**THOMAS BACOCIVS HVNGARVS**, Archiepiscopus Strigoniensis, Constantinopolitanus legatus ad Hungariæ, Boemiæ, Poloniæ, Daciæ, Noruergię, & Scotiæ Regna, necnon in Prussiam, Russiam, Liuoniam, Lithuaniam Valachiam, Slesiam, Lusatiam, Morauiam, Transiluaniam, Sclauoniam, Dalmatiam, Croatiam, & Moschouiam, Obiit in Hungaria die 11. Iunii 1521. ex manuscr. Ciaccon. 1523.

**PETRVS ISVALLIA SICVLVS**, Archiepiscopus Reginus Gubernator Urbis, Præsb. Tit. Sancti Cyriaci in Thermis, Commendator Ecclesiæ sanctæ Pudentianæ, legatus Bononiæ, ac Romandiolæ, & ad Regna Hungariæ, Boemiæ, ac Poloniæ, obiit die 23. Septembris 1511.

**FRANCISCVS BORGIA CORDADOR**, Archiepiscopus Cusentinus, Papæ Thesaurarius, Præsb. Tit. Sanctæ Lucię,

ciz, postea Sanctorum Nerei, & Achillei, Episcopus Theanensis, legatus in Campania, & maritima, & pro associanda Lucretia Pontificis filia proficiscente Ferrariam, priuatur Cardinalitia dignitate à Iulio Secundo vnà cum aliis Cardinalibus, qui, insalutato Pontifice, recesserant vt Conciliabulum Pisanum indicerent die 24. Octobris 1511. obiit in Regis lepidio eodem anno 1511: post obitum à Leone X. absolutus est à Censuris: in Diario non apponitur dies obitus: in manuscripto de Cardinalibus asseritur obiisse die 11. Nouembris: apud Ciacconum die 4. Nouembris.

IOANNES VERA, Archiepiscopus Salernitanus Præsb. Tit. Sanctæ Balbinæ, legatus in Marchia, & in Gallia, decessit Romæ die Martis 4. Maii 1507. in eodem M. S. alibi tamen legitur die 21. Iulii 1506 fortè per errorem Amanuensis.

LYDOVICVS PODACHATARVS, Episcopus Caputaquensis Cyprius, Papæ Secretarius Præsb. Tit. Sanctæ Agathæ, postea Beneuentanus, obiit Romæ die 25. Augusti 1504. circa horam 12. Ex Diario. Ciacconus die 25. Iulii.

ANTONIUS TRIVULTIVS MEDIOLANENSIS, Episcopus Cumanus, Rotæ Locumtenens, Præsb. Tit. Sanctæ Anastasiæ, postea Sancti Stephani in monte coelio; obiit Romæ die Veneris 16. Martii hora quarta noctis sequentis anno 1508.

IOANNES BAPTISTA DE FERRARIIS, Episcopus Mutinensis, Papæ Datarius, Præsb. Tit. S. Chrysogoni, Archiepiscopus Capuanus, decessit Romæ ex veneno die

die 20. Iulij circa horam duodecimam 1502. ex  
Diario, Ciacconus die 27. Iulij.

MARCUS CORNELIVS VENETVS, Protonotarius Aposto-  
licus, Diaconus Sanctæ Mariæ in Porticu, deinde  
Sanctæ Mariæ in Via lata, Administrator Ecclesiæ  
Constantinopolitanæ Episcopus Veronensis, & Pa-  
rauinus, legatus in Patrimonio Beati Petri in Tuscia;  
obiit Venetijs die 26. Iulij ante diem 1524. Ex  
Diario. Ciacconus modo 1523. modo die 20.  
Iulij.

IOANNES STEPHANVS FERRERIUS ex oppido Biella Ver-  
cellensis Diœcesis, Episcopus Bononiensis, Rotæ  
Locumtenens, reservatus in pectore, quem Ponti-  
fex extrâ Consistorium die 28. Junii 1502., vocatis  
ad se Cardinalibus, antequam in publicum exiret  
ad Vesperas publicavit Presbyterum Tit. Sancti Vi-  
talis. Ex Diario: postea Sanctorum Sergij, & Bac-  
chi; Episcopus Vercellensis, & Hipporeliensis, de-  
cessit Romæ die Martis XI II. Octobris anno 1510.  
Ciacconus publicationem ponit pro creatione, nec  
meminit diei, quo fuit creatus, seu publicatus.

## NONA CREATIO.

*Die xxx. Majj anno 1503. Roma.*

IOANNES CASTELLAR, HISPANVS, Archiepiscopus Tra-  
nensis, Præsb. Tit. Sanctæ Mariæ Transiberim,  
Episcopus Olorensis, Archiepiscopus Montisregalis,  
obiit Valentia die prima Ianuarij 1505.

FRANCISCVS REMOLINVS VALENTINVS, Archiepiscopus  
Surrentinus, Gubernator Urbis, vxore viuente, crea-  
tus Præsb. Tit. Sanctorum Ioannis, & Pauli, postea  
Sancti Marcelli, Episcopus Firmanus, & Albanus,  
administrator Ecclesiæ Perusinae, Archiepiscopus  
Panormitanus, decessit Romæ die Veneris 5. Fe-  
bruarij 1518.

FRANCISCVS SODERINVS FLORENTINVS, Episcopus Vo-  
laterranus, Præsb. Tit. Sanctæ Susannæ, deinde Ba-  
silicæ duodecim Sanctorum Apostolorum, Episco-  
pus Anagninus, Xantonensis, Vicentinus, Nar-  
niensis, Sabinus, Albanus, Prænестinus, Portuen-  
sis, & Ostiensis, legatus in Vrbe, obiit Romæ die  
17. Majj 1524.

MELCHIOR COPIS GERMANVS, Episcopus Brixinensis,  
Præsb. Tit. Sancti Nicolai inter Imagines, deinde  
Sancti Stephani in Cœlio monte, obiit Romæ die  
Sabbati secunda mensis Majj 1509.

NICOLAUS DE FLISCO IANVENSIS, Episcopus Foroiu-  
liensis, Præsb. Tit. Sanctæ Luciae in septem folijs,  
deinde Sanctæ Priscæ; Ex Bulla Iulii Secundi, Ar-  
chie-



chiepiscopus Ebredunensis, & Rauennas, Episcopus Albanus Portuensis, & Ostiensis; Ciacconus affirmat fuisse creatum cum Tit. Sancti Nicolai inter Imagines, & deinde translatum ad Basilicam XII. Apostolorum, ac fuisse Episcopum Sabinum: obiit Romæ die Martis 14. Iunii ante diem 1524. Ex Diario.

FRANCISCVS DE SPRATS HISPANVS, Episcopus Legionensis, Præsb. Tit. SS. Sergii, & Bacchi, obiit Romæ die 9. Septembris 1504. ex Diario.

HADRIANVS CASTELLENSIS CORNETANVS, Episcopus Bathonenfis, Præsb. Tit. Sancti Chrysogoni die Dominica 21. Iulii 1517. recessit ab Vrbe, venia non petita, sicut bis recesserat Iulio Secundo Pontifice; à Leone Decimo post aliquos menses priuatur Cardinalatu, ex quo vocatus ad Vrbem non venit, & ob maledicta, & conspiracyem in ipsum Leonem die sexta Iulii 1508, quo tempore obierit incertum. die 16. Ianuarii 1526. iam fato cesserat:

IACOBVS CASANOVA VALENTINVS, Protonotarius Apostolicus, & Papæ Cubicularius, Præsb. Tit. Sancti Stephani in Coelio Monte, obiit Romæ die 4. Iunii 1504.

FRANCISCVS ILORIS VALENTINVS, electus Eluens, Diaconus Sanctæ Mariæ Nouæ: Episcopus Valentinus; & Diensis, ac Patriarcha Constantinopolitanus; obiit Romæ die 22. Iulii 1506. ex Diario. Ciacconus 1505.

In secunda editione Ciacconi Ioannes è Saxoniz Ducibus missus orator ad Rom. Pontificem Cardinalitia di-

gnitate donatus affectur cum Titulo Sanctæ Crucis,  
& paulo post decessisse: Mentio huius Cardinalis  
non reperitur in Diariis, ac aliis documentis, fides  
erit penes Auctorem.

**Ins**uper Petrus Ciera Venetus ab eodem Alexandro per  
litteras in Cardinalem approbatus enuntiatur; cum  
literæ fuerint secretæ, & in iis enuntietur in Cardi-  
nalem approbatus; cum non dicatur creatus, aut  
publicatus, expectabo, donec creetur, & publicetur,  
quia nullum extat ex approbatis pro huiusmodi Pe-  
tro documentum.



# PIVS TERTIVS.

1011

*Franciscus Piccolomineus, Prior Diaconorum Cardinalis Sancti Eustachij ad Pantheon creatur Summus Pontifex die Veneris 22. Septembris anno 1503. in Vaticano: coronatur in Lateranensi Basilica die 8. Octobris circa horam decimam noctis sequentis eodem anno: regnavit diebus viginti sex, Cardinales non creavit.*



## IVLIVS SECVNDVS.

*Iulianus de Ruuere Tit. Sancti Petri ad Vincula, Episcopus Ostiensis renuntiatur Summus Pontifex die prima Nouembris anno 1503. die 26. eiusdem mensis, eodem anno ad Basilicam Beati Petri coronatur: migravit ad Dominum die 20. nocte sequenti hora decima mense Februario anno 1513.*

De electione sua ad Regem Poloniæ  
Alexandrum.



VLIVS Episcopus servus servorum Dei. Charissimo in Christo filio Alexandro Poloniæ Regi Illustri salutem, & Apostolicam benedictionem. Saluator noster Dominus Iesus Christus, ut ab æterna morte liberaret humanum genus mortalitatem nostræ carnis assumpsit, sacrosanctamque vniuersalem Ecclesiam sua passione fundatam in Terris vsque ad consummationem sæculi perpetuari voluit, & gregis sui oves pascendas per variam successionem Pastorum, qui eas verbo, & opere ad æternam gloriam inuitarent, disposuit: sanè cum sel. recordat: Pius Tertius prædecessor noster quinto decimo Kal. Nouembris, sicut Domino placuit, ex hac mortali vita ad immortalitatem migrasset, post funeris ipsius, ac solemniū exequiarum, ut moris est, celebrationem, Venerabiles fratres Nostri San-

At

Etæ Romanæ Ecclesiæ Cardinales, de quorum numero  
 tunc eramus, Romæ in Palatio Apostolico apud Basili-  
 cam Beati Petri Apostolorum Principis, in quo idem  
 prædecessor, dum viueret habitabat, & Cursum præ-  
 sentis vitæ finierat, in Conclau pro electione futuri  
 Pontificis celebranda modo, & tempore congruis in-  
 virtute Altissimi conuenirent, vbi variis consiliis, &  
 maturis deliberationibus præhabitis, facta celebratione  
 missæ in honorem Spiritus Sancti, post diligentem trac-  
 tatum, prout tantæ rei, quæ nulla maior in terris  
 agitur, grauitas exigebat, tandem eius, qui inuocatus  
 fuit gratia cordibus eorum infusa, licet in alios maio-  
 ribus meritis insignis conuenire potuissent, certo ta-  
 men Dei iudicio, cuius consilia inscrutabilia sunt, Nos  
 tunc Episcopum Ostiensem Sanctæ Romanæ Ecclesiæ  
 Cardinalem in sponsum, Pastoremque Ecclesiæ suæ  
 Sanctæ die prima Nouembris 1503. vnanimi volunta-  
 te, & concordia elegerunt; quoniam verò, sicut Do-  
 mino placuit, ita factum est, quamuis nos habere  
 humeros imbecilles ad perferendum tantum onus,  
 quantum est vniuersalis Ecclesiæ sarcina, sentiremus,  
 ne tamen reluctare voluntati Dei videremur, colla-  
 subicimus iugo Apostolicæ seruitutis, sperantes in eo,  
 qui infirma eligit mundi, vt confundat fortia; cum  
 Romanus Pontifex, licet per ministerium hominum  
 eligatur, ex cœlesti tamen inspiratione procedat, quod  
 fragilitati nostræ robur suæ gratiæ inspirabit, & vires  
 contrà hostes fidei suggeret, vt perfidi Turci, non so-  
 lùm à suis ausibus retrahantem, sed ope diuini auxilii,  
 & præsidio nostro, ac Catholicorum Regum, & Prin-  
 cipum

cupum penitus conculcentur; Hanc autem assumptionem nostram ad tuam consolationem tibi significandam duximus, quem, ut nostrum, & Ecclesiæ filium singulari caritate complectimur, hortantes Maiestatem tuam in Domino ut porrigi facias præces solemnes ad Dominum Deum nostrum, ut nobis sua gratia assistat, & nostræ humilitati gratiam tribuat, ut Ecclesiam suam sanctam ad gloriam, & honorem eius, ac exaltationem fidei, extirpationem hæresum, pacem, & quietem Populi Christiani feliciter in Domino gubernare valeamus; Datum Romæ apud Sanctum Petrum anno Incarnationis Dominicæ millesimo quingentesimo tertio, sexto Kalen. Decembris Pontificatus nostri anno Primo.

Ioannes de Fulgino .

In eundem modum scripserunt Cardinales Episcopi, Præbyteri, & Diaconi, & eorum nomine capitulum ordinum. Datum Romæ sub sigillo trium in ordine Priorum Kalendas Ianuarii 1504.

Hen. Tarentinus

Episcopi.

Præbyteri.

Diaconi.

} S. R. E. Cardinales

In

In eundem modum Iulius Secundus scripsit ad Erasmus Episcopum Ploren: D. Romæ apud S. Petrum anno Incarnationis Dominicæ 1503. sexto Calendas Decembris, Pontificatus anno primo.

## CREATIONES CARDINALIVM PRIMA CREATIO.

*Die Mercurij 29. Nouembris anno 1503. apud Vaticanum.*

FRANCISCVS GVILHELMVS DE CLARAMONTE GALLVS, Archiepiscopus Narbonensis, Præsb. Tit. Sancti Hadriani, quem die 8. Decembris 1503. crexit in Præsbyteralem, deindè Sancti Stephani in Monte Coelio, Archiepiscopus Auxitanus, Administrator Ecclesiæ Senecensis, & Episcopus Tūculanus, Legatus Auenionensis; detentus in Castro Sancti Angeli, cum denegata licentia recederet in Galliam. obiit Auenione anno 1541. Nuntius de ipsius morte allatus est Romam die 13. Martii.

IOANNES DE ESTVNICA HISPANVS, Archiepiscopus Hispalensis, Præsb. SS. Nerei, & Achillei, decessit in oppido Guadalupæ die 27. Iulij 1504. die 21. nuntiatus est Romæ ipsius obitus ex Diario. Ciaccon affirmat obiisse die 14. Augusti.

CLEMENS GROSSVS DE RYVERE Nepos Iulij ex Sorore, Episcopus Mimarensis, Præsb. Basilicæ xii. Apost.

tolorum, obiit Romæ die 13. Augusti nocte antecedente 1504. vt in Breui Iulij II., & Diario. In Ciaccono legitur die 15. Augusti, qui pariter eidem attribuit Titulum Sancti Clementis: in Diario tamen attribuitur illi pro primo Titulo Basilica XII. Apostolorum, & cum hac denominatione decessisse affirmatur, non sine suspitione veneni.

GALLEOTTVS FRANCIOTTVS DE RVVERE LVCENSIS Nepos Pontificis ex Sorore, Præsb. Tit. Sancti Petri ad vincula, Episcopus Lucanus, Administrator Ecclesiæ Cremonensis, & Vicentinæ, Archiepiscopus Beneuentanus, Legatus Bononiæ, & Vicecancellarius, obiit Romæ die 21. Septembris 1508.

## SECUNDA CREATIO.

*Die Luna prima Decembris anno 1505. creati, sed publicati die Veneris 21. ex Bullis, & Breuib., & Diario; Ciacconus asserit creatos mense Februario 1505. & diem creationis omittit.*

CAROLVS DE CARRETO EX MARCHIONIBVS DE FINALI, electus Trebanus, Præsb. Tit. SS. Viti, & Modesti in Macello Martyrum, Archiepiscopus Rhemensis, Turonensis, deindè Præsb. Tit. S. Cæciliæ, obiit Romæ die Martis 15. Augusti 1514. hic in Bulla Iulij enuntiatur Diaconus SS. Viti, & Modesti. At in Breui eiusdem Iulij, quo Cardinalium creatio Regi Francorum significatur, primo loco ponitur Ca-



rolus, vti Archiepiscopus Thebanus, ex quo licet arguere illum fuisse inter Cardinales Præbyteros adscriptam, cum primo loco inter Præbyteros collocetur. Fateor tamen potuisse Pontificem in creatione illum inter Præbyteros adscripsisse, & deinde præstituisse, & collocasse inter Diaconos, quia in Bullis anno 1507., & 1509. expeditis Diaconus enunciat.

FR. MARCVS VIGERIVS SAONENSIS ex ordine Minorum Episcopus Senogalliensis, Præfectus Castri Sancti Angeli in Vrbe, Præbyter Tituli Sanctæ Mariæ Transtiberim, Episcopus Prænestinus, Legatus Exercitus Ecclesiastici pro recuperatione Ducatus Ferrariæ, obiit Romæ die 18. Iulij 1516.

LEONARDVS GROSSVS DE RVVERE SAONENSIS Iulij II. ex Sorore Nepos, Episcopus Agennensis, Præsb. Basilicæ x11. Apostolorum, deinde Sancti Petri ad Vincula, maior Pœnitentiarius, Legatus in Patrimonio B. Petri in Tuscia, obiit Romæ die Iouis 27. Septembris anno 1520. Ciacconus attribuit eidem Titulum Sanctæ Susannæ pro Basilica x11. Apostolorum.

ROBERTVS DE CHALANCH GALLVS, Episcopus Redonensis, Orator Regis Francorum, Præsb. Tit. Sanctæ Anastasiæ, obiit Romæ die 9. Nouembris 1513. ex manuscr. Ciaccon. die 9. Septembris.

ANTONIVS FERRERIVS SAONENSIS, Magister Domus Pontificiæ, Episcopus Eugubinus, Præsb. Tit. S. Vitalis, Episcopus, & Legatus Perusii, Legatus insuper Bononiæ, obiit Romæ 23. Iulij 1508., & de

mandato Pontificis omni funeris honore caruit .

FRANCISCVS ALIDOSIVS, Episcopus Papiensis, & The-  
saurarius generalis, Præsb. Tituli Sanctorum Nerei,  
& Achillei, deindè Sanctæ Cæciliæ, Episcopus Bo-  
noniensis, Legatus Bononiæ, & Patrimonii, ac ad  
Regem Galliarum in Italia commorantem, inter-  
emptus est Rauennæ die 24. Maii 1511.

GABRIEL DE GABRIELIBVS DE FANO, Episcopus Vr-  
beuetanus Secretarius Pontificis, Præsb. Tit. Sanctæ  
Agathæ, deindè Commendator Ecclesiæ Sanctæ  
Praxedis, obiit Romæ die Mercurii 5. Nouembris  
1511.

FATIVS SANCTORIVS DE VITERBO, Episcopus Cæfena-  
rensis, Datarius Papæ, Præsb. Tit. Sanctæ Sabinæ,  
& Episcopus Pampilonensis, obiit Romæ die Vene-  
ris 22. Martii 1510.

SIGISMVNDVS GONZAGA Germanus Marchionis Man-  
tuæ, Protonotarius Apostolicus Diaconus Sanctæ  
Mariænouæ, Legatus in Prouincia Marchiæ, ac in  
Marchionatu Mantuæ, obiit Mantuæ die 4. Octo-  
bris 1525.

# TERTIA CREATIO.

*Die Lune 4. Ianuarij anno 1507. Bononię secreto ad-  
scripsit quatuor inter Sanctę Romane Ecclesię Car-  
dinales, tres Gallos, & unum Hispanum, quos Ro-  
ma publicauit eodem anno die 17. Maij. Ciaccon. crea-  
tos asserit anno 1506.*

IOANNES FRANCISCUS DELLA TREMOGLIA GALLVS, Epif-  
copus Pictauiensis, Archiepiscopus Auxitanus, obiit  
Mediolani 20. Iulij 1507. Hic in Diario vocatur  
Franciscus; In Bulla verò Iulij II. Ioannes: erat for-  
te binominis.

REGINALDVS, SEV RENATVS DE PRIE, Episcopus Baio-  
censis, Præsb. Tit. Sanctę Lucię in septem solis, de-  
inde Sancti Vitalis, Cardinalitia dignitate priuatus à  
Iulio die 24. Octobris 1511. inter causas priuationis  
recensetur, discessus à Curia sine licentia Pontificis;  
promiserat enim Renatus, seque iuramento obstrin-  
xerat de non recedendo sub pœna priuationis om-  
nium dignitatum etiam Cardinalatus: restitutus fuit  
à Leone X. ad Cardinalatum: obiit in Galliis die 9.  
Septembris anno 1516. vt in Gallia Christiana le-  
gitur. Ciacconus refert obitum ad mensem Augusti  
Huic attributus fuit in creatione Titulus Sanctę Lu-  
cię, sed in aperitione oris datus est Titulus Sancti  
Vitalis.

LYDOVICVS DE AMBOSIA, Episcopus Albiensis, Præsb.  
Sanctorum Petri, & Marcellini, obiit Anconę die

17. Septembris 1510. Hic cum venisset Viterbium, ubi Iulius morabatur mense Octobris 1509. iamque paratum esset publicum Consistorium pro eo recipiendo, superuenit Nuntius, quod Rex Galliarum nonnullos redditus Ecclesiasticos qui ad S. R. E. Cardinales spectabant, posuerat sub sequestro, ideoque Pontifex noluit illum recipere, nec recepit, nisi prius accepto Nuntio de reuocatione sequestri.

FR. FRANCISCUS XIMENEZ HISPANVS ex ordine Minorum, Archiepiscopus Toletanus, Præbyter Tit. Sanctæ Sabinæ; obiit in Haranda die 8. Nouembris 1510.

## QVARTA CREATIO.

*Die Lunæ 1. Septembris anno 1508, eo scilicet die, quo Galeottus Cardinalis ipsius ex matre frater mortalitatem exuit, creatus est, & die 15. in secreto Consistorio publicatus, & post secretum receptus est in publico Consistorio.*

SIXTVS DE RVVERE Pontificis nepos ex Luchina Sorore, Prior Urbis, Ordinis Sancti Ioannis Hierosolymitani, Præsb. Tit. Sancti Petri ad Vincula, inter Cardinales Præbyteros receptus est in publico Consistorio, licet sacris ordinibus non esset initiatus; Episcopus Lucensis Archiepiscopus Beneuentanus S. R. E. Vicecancellarius. obiit Romæ die Dominica

8. Mar-

111

8. Martii 1517. Ciacconus de publicatione non meminit.

## QVINTA CREATIO.

*Die X. Martij anno 1511. Ravenna; de die Ciacconus non meminit.*

CHRISTOPHORVS ANGLVS, Archiepiscopus Eboracensis Orator Regis Angliæ, Præsb. Tit. Sanctorum Petri, & Marcellini, deinde Sanctæ Praxedis, legatus in Angliam, ac in exercitu Pontificio contra Regem Galliarum, Obiit, ut ipse aiebat veneno Romæ die Iouis 14. Iulij nocte subsequenti anno 1514. Hunc licet tempore posteriorem Archiepiscopum prætulit Iulius Sipontino in gratiam Regis Angliæ.

ANTONIUS DE MONTE SANCTI SABINI, Archiepiscopus Sipontinus, Auditor Camera Apostolicæ, ac Romæ, Præsb. Tit. Sancti Vitalis, Episcopus Papiensis, & Nouariensis legatus in Umbria, ac in Vrbe, Episcopus Albanus, Prænестinus Tusculanus, ac Portuensis: obiit Romæ die 20. Septembris 1533.

MATTHEVS SCHINER HELVETIVS, Episcopus Sedunensis, Præsb. Tit. S. Pudencianæ legatus ad Maximilianum Imperatorem, vniuersamque Germaniam, ac in exercitu Pontificio contra Gallos, obiit Romæ die Iouis 2. Decembris 1522.

PETRVS DE ACCOLTIS TVSCVS, Episcopus Anconitanus,  
Au-

Auditor Rotæ, ac Papæ Vicarius, signator supplicationum, Præsb. Tit. S. Eusebii, Episcopus Gadicensis, Albanus, Sabinus, ac etiam (teste Ciaccono) Maleacensis, Attrebatensis, Cremonensis, & Prænestinus, obiit Romæ die xii. Decembris

1532.

ACHILLES DE GRASSIS BONONIENSIS ex Auditore Rotæ, Episcopus Ciuitatis Castellæ, ac Assistens, Præsb. Tit. Sancti Xisti, deinde Sanctæ Mariæ Transtiberim Episcopus Bononiensis: hic anno 1507. legatus fuit ad Regem Galliarum, ne Bentiuolos Ciues Bononienses sub regia protectione susceperet: Obiit Romæ die Dominica 22. Nouembris 1523.

BANTINELLVS SACCHVS electus. Ianuensis, Secretarius Papæ Præsb. Tit. Sancti Hadriani, postea S. Sabinæ, priuatus à Leone die 20. Iunii 1517., vti conscius conspirationis in Pontificem, & ab eodem restitutus ad Cardinaliciam dignitatem, & beneficia, aliis non collata die vltima Iulii eodem anno, obiit Romæ die 29. Martii 1518. ex Diario. Ciacconus die 24. Martii hic à Iulio II. fuit nominatus, vti de consensu Cardinalium eligeretur Cardinalis in secundæ creatione, sed sacrum Collegium tunc assensum præstare recusauit.

ALPHONSVS FILIUS PETRVCCHII Primatis Senensis electus Suanensis, Diac. sancti Theodori, priuatus à Leone Decimo, vti conspirationis in ipsum Pontificem Author die 20. Iunii, & die sexta Iulii interemptus in Castro sancti Angeli.

FRANCISCVS ARGENTINVS Episcopus Concordiensis,  
&

& Papæ Datarius, Præsb. Tit. S. Clementis. decessit die Sabbati 23. Augusti 1511. Ciacconus illi attribuit Titulum sancti Vitalis, vti datum initio suæ creationis. in Diario vnicus Sancti Clementis Titulus vsque ad obitum eidem attribuitur.

## SEXTA CREATIO.

MATTHÆVS LANGIVS GERMANVS, Gurcensis Episcopus, & Cæsaris orator, & Locumtenens Bononiæ, secreto adscriptus fuit inter Cardinales anno 1511. Die Iouis 18. Decembris eodem anno in secreto Consistorio fuit publicatus cum Titulo sancti Angeli, & eidem dictum, vt posset deferre birettum rubrum, sed ipse noluit tunc publicari, nec vestes Cardinalitias deferre. Regnante Leone Decimo die 20. Nouembris 1513. reuersus est in Vrbern: recubabat à Leone recipere pileum, cum diceret illud à Iulio sibi missum recepisse, quod tamen solemnî ritui non fuerat eius. Capiti impositum Magister Cæremoniarum se opposuit, conclusum fuit, vt capiti ipsius. Pileus imponeretur, prout fuit impositus coram duodecim Cardinalibus nocte antecedenti ad publicum Consistorium, in quo die sequenti receptus fuit. Cardinalibus ab eodem Leone creatis, & publicatis præferri petiit; Magister Cæremoniarum petitioni se opponebat: in serie Cardinalium Matthæus inter Diaconos adnumeratur: decessit in Germania Archiepiscopus Salisburgensis die 30. Martii 1540.

## LEO DECIMVS.

*Ioannes de Medicis Sancta Maria in Dominica Diaconus renuntiatus est Summus Pontifex die Veneris x1. Martij anno 1513. coronatur ad gradus Basilicæ B. Petri die 19. eiusdem mensis, die x1. Aprilis ( eadem, scilicet die, qua fuerat captus à Gallis ) ad Basilicam Lateranensem solemnè Pompa equitauit: migravit ad Dominum Roma die prima Decembris anno 1521. circa quartam noctis horam. Ex Diario, & manuscr. Ciaccon. scribit creatum die 19. Martij, & coronatum post mensẽ Laterani die x1. Aprilis.*



IO Episcopus Seruus Seruorum Dei. Dilectis Filiis Communitati Ciuitatis nostræ Interamnen. salutem, & Apostolicam benedictionem.

Saluator noster Dominus Iesus Christus, vt ab æterna morte liberaret humanum genus, mortalitatem nostræ carnis assumpsit, Sacrosanctamque vniuersalem Ecclesiam sua passione fundatam in Terris vsque ad consumationem sæculi perpetuari voluit, & gregis sui oues pascendas per variam successionem Pastorum, qui eas verbo, & opere ad æternam gloriam immitterent disposuit. Sane cum sel. rec. Iulius Papa Secundus Prædecessor noster 11. Februarii, sicut Domino placuit ex hac mortali vita migrasset ad immortalem, post funeri. ipsius,

ac



ac solemnum essequiarum, ut mōris est celebrationem. Venerabiles fratres nostri S. R. E. Cardinales, de quorum numero tunc eramus Romæ in Palatio Apostolico apud Basilicam Beati Petri Apostolorum Principis, in quo idem Prædecessor noster, dum viueret habitabat, & præsentis vitæ cursum finierat, in Conclauis pro electione futuri Pontificis celebrando modo, & tempore congruis in virtute Altissimi conuenerunt, vbi variis consiliis, & maturis deliberationibus præhabitis facta celebratione Missæ in honorem Spiritus Sancti, post diligentem tractatum, prout tantæ rei, qua nulla maior in terris agitur, grauitas, exigebat, tandem prædicti fratres eius, qui inuocatus fuit gratia cordibus eorum infusa, licet in alios maioribus meritis insignes conuenire potuissent, certo tamen Dei iudicio cuius consilia inscrutabilia sunt, Nos tunc Sanctæ Mariæ in Domnica S. R. E. Diaconum Cardinalem in Sponsum, Pastoremque Ecclesiæ suæ Sanctæ quinto Kalendas Martij vnanimi, voluntate, & concordia elegerunt. Quoniam ergo, sicut Domino placuit, ita factum fuit, quamuis nos habere humeros imbecilles ad preferendum tantum onus, quantum est vniuersalis Ecclesiæ sarcina, sentiremus, tamen ne reluctari videremur Diuinæ voluntati, collum subicimus iugo Apostolicæ seruitutis, sperantes in eo, qui infima elegit mundi, ut confundat fortia (cum Romanus Pontifex, dicit per Ministerium hominum eligatur ex cœlesti tamen inspiratione procedit) quod fragilitati nostræ robur suæ gratiæ inspirabit, & vires contra hostes fidei suggeret, ut & perfidi Turcæ non solum à suis auribus retrahantur.

hantur, sed spe Diuini auxilii, & præsidio nostro, ac Catholicorum Regum, & Principum penitus conculcentur. Idcirco exhortamur in Domino vestram deuotionem, vt solemnî Processione præhabita, vna cum celebratione Missæ Sancti Spiritus porrigatis Altissimo vestras preces, humiliter supplicando, vt nobis vberem gratiam largiatur, quæ Nos sufficientes reddat ad regendam Ecclesiam suam Sanctam. Nos enim erga deuotionem vestram dispositi sumus, vt omnia, quæ cum Deo, & huius Sanctæ Sedis honore pro vestris commodis facere poterimus à nobis sperare possitis. Datum Romæ apud Sanctum Petrum anno Incarnationis Dominicæ Millesimo quingentesimo duodecimo, quarto decimo Kalendas Aprilis Pontificatus nostri Anno primo.

## CREATIONES CARDINALIVM

*Die 23. Septembris anno 1513. Romæ creati sunt infra scripti; consenserunt Cardinales presentes in Consistorio, absentes autem datis literis, vt ex Diario Ciacconus refert creationem ad diem primam Octobris.*

**LAURENTIVS PVGGIVS FLORENTINVS**, Protonotarius Apostolicus, ac Papæ Datarivs, Præbyter Tit. Sanctorum Quatuor coronatorum, postea Sancti Clementis, ac Sancti Laurentii in Damaso, maior Pœnitentiarius vt in ipsius Laurentii vita, Episcopus Venetensis, Amalphitanus, Montis fiasconis, & Cornetanus obiit Romæ die 19. Septembris nocte ante-

ce-

cedenti anno 1531, vt in manuſcr. Ciaccon. die  
15. Septembris.

**IULIUS MEDICES** Papæ Patruelis, Archiep. Florentinus  
Diac. S. Mariæ in Dominica, ac Præſb. S. Clementis &  
poſtea S. Laurentii in Damaso, Archiepiſcopus Nar-  
bonenſis, Epiſcopus Gerundenſis, Agrienſis, Brito-  
tonorienſis, Aſculanus, Albinganenſis, Ciuitatis Caſ-  
tellanæ, Vauten. Albiæ., Potentinus, & Ebrebu-  
nenſis: legatus in Bononia, Exharchatu Rauennæ,  
Tufcia, Italia, & ad quæcumque alia loca, ad quæ  
proficiſceretur; rurfus legatus ad Vexelliſerum Iuſ-  
titia, & Prioris libertatis Populi Florentini, S. R. E.  
Vice Cancellarius, & demum Clemens Septimus.  
hunc Leo, præmiſſis probationibus ex legitimo ma-  
trimonio natum, conſultorialiter declarauit anno  
1533.

**BERNARDVS TARLATVS**, aliàs Diutius de Bibiena, Pro-  
tonotarius, & Theſaurarius, Diac. Sanctæ Mariæ in  
Porticu, Epiſcopus Conſtantiænſis, Caurienſis, Pu-  
teolanus, legatus Vmbriæ, legatus ad Maximilia-  
num Imperatorem ad partes Italiæ venientem, ſe-  
mel, atque iterum miſſus ad Regem Franciæ, lega-  
tus exercitus Eccleſiaſtici contra Ducem Urbini,  
obiit Romæ die prima Nouembris nocte ſequenti  
anno 1520 non ſine veneni ſuſpicionē.

**INNOCENTIVS CIBO IANVENSIS**, Protonotarius Apoſto-  
licus ex Magdalena ſore Pontificis Nepos, Diacono  
ſanctorum Coſmæ, & Damiani; poſtea Sanctæ  
Mariæ in Dominica, & deinde Sanctæ Mariæ in  
Via lata, Archiepiſcopus Ianuænſis, & Brituricenſis,  
Præ-

Præsul Maffiliensis, Sancti Andreæ, Taurinensis, Vulteranus, Vintimiliensis, Britonoriensis, Saonensis, Marianensis, Alericiensis, legatus Bononiæ & Romandiolæ, ac S. R. E. Camerarius: decessit Romæ die 14. Aprilis, octava hora noctis antecedentis anno 1550.

## SECUNDA CREATIO.

*Die Veneris x. Septembris anno 1515. Romæ, ut in Diario: Ciacconus die 7. Septembris.*

THOMAS VLIER BRITANNVS, Archiepiscopus Eboracensis, Præsb. Tit. Sanctæ Cæcilie ob fœdus inter Pontificem, & Regem Angliæ initum, Episcopus Bathoniensis, Vellensis, Pacensis, Melinensis, legatus ad Regem Angliæ vna cum Laurentio Cardinali Campegio: obiit inglorius in Anglia die 28. Nouembris 1530.

## TERTIA CREATIO.

*Die Veneris 14. Decembris anno 1515. Bononia.*

HADRIANVS BOYS GALLVS, Episcopus Constantiensis Præsb. Tit. Sanctorum Petri, & Marcellini, deinde Sanctæ Sabinæ, ac Sanctæ Balbinæ, Sanctæ Mariæ in Vialata, Episcopus Albiensis, ac ad Regem Gallie

liae legatus obiit extra Curiam, Nuntius de obitu aduenit Romam die 16. Februarij 1526. apud Ciaccon. vocatur Guffer, alias Boisius, & dicitur obiisse anno 1523.

## QVARTA CREATIO.

*Die Mercurij prima Aprilis anno 1517. Romæ.*

IACOBVS GROJ, admodum Iuuenis, Ciuis, & electus Cameracensis, Diaconus Sanctæ Mariæ in Aquiro, Archiepiscopus Toletanus; obiit Vvormatiæ die 31. Decembris anno 1523. alii vocant Ioannem Guillelmum, alii Guillelmum Iacobum vt Ciacconus: in Bullis Leonis vocatur, tam Guillelmus, quam Iacobus.

ANTONIVS BOERIVS GALLVS ex Monacho Sancti Benedicti, Archiepiscopus Bituricensis, Præsb. Tit. Sanctæ Anastasiæ, hac die reseruatus in pectore, sed incertum adhuc mihi qua die fuerit publicatus: obiit Blesis die 27. Nouembris anno 1519. Ciacconus vocat Antonium de Prato, & asserit obiisse anno 1521. huic Leo indulgit, vt vestes Cardinalitias ad instar aliorum S.R.E. Cardinalium secularium in Regno Franciæ, & demùm in Vrbe deferre possit.

QVIN-

# QVINTA CREATIO.

Die 26. Iunij anni 1517. actum est in Consistorio de creandis viginti septem Cardinalibus, sed cum Cardinales respondissent creari tunc posse quindecim, vel sexdecim, reliquos verò posse creari per Bullam ad ipsius Pontificis beneplacitum publicandos, Leo in eodem Consistorio cepit nominare nonnullos novos Cardinales, deinde substitit, causa ignoratur, & prorogata est creatio ad aliud Consistorium, imposito interim omnibus silentio sub censuris. Die itaque prima Iulij 1517. creati sunt triginta, & unus Cardinales.

FRANCISCVS DE COMITIBVS ROMANVS, Archiepiscopus Complanus, Præsb. Tit. Sancti Vitalis, obiit in oppido Turrichii Veliternæ Diœcesis die Lunæ 5 Iunii 1521. in manuscr. in Diario Paridis legitur decessisse die 29. Iunii. Giacccon. ad diem tertiam Iunii obitum refert.

IOANNES PICCOLOMINEVS SENENSIS, Præsb. Tit. Sanctæ Sabinæ, deinde Sanctæ Balbinæ, Episcopus Aquilanus, Vmbaticensis, Albanus, Prænestinus, Portuensis, & Ostiensis; legatus ad Carolum V. ac ad Rempublicam Senensem, obiit Senis 21. Novembris anno 1537.

IOANNES DOMINICVS CVPPIS ROMANVS Ciuis, Archiepiscopus Tranen. Præsb. Tit. Sancti Ioannis ante Portam Latinam, deinde Sancti Apollinaris, ac Sancti Laurentii in Lucina, Episcopus Adrianensis,

mon-

Montispelufii, Maceratensis, Recanatensis, Camerinenfis, Neritonensis, Albanus, Prænестinus, Sabinus, Portuenfis, quam Ecclefiam optauit in generali Congregatione Cardinalium, Legatus in Marchia Anconitana, & ad Carolum V. venientem in Italiam, obiit Romæ die 10. Decembris nocte antecedente anno 1553.

NICOLAS PANDULPHINVS, Epifcopus Piftorienfis, Præsb. Tit. S. Cæfarij in Palatio, obiit die 5. Julij 1518. Additio ad Ciaconum monet hunc non effe vocandum Pandulphinum, aliàs de Capponibus.

RAPHAEL PETRVCIVS SENENSIS, Epifcopus Groffetanus, Caftellanus Caltri S. Angeli, Præsb. Tit. S. Sufannæ, Epifcopus Soanenfis, & Britorienfis, obiit Senis die 17. Decembris 1522.

ANDREAS DE VALLE ROMANVS, Epifcopus Melitenfis, Præsb. Tit. Sanctæ Agnetis in Agone, deinde Sanctæ Prifcæ, Epifcopus Gallipoletanus, Caiacenfis, Neocæftrenfis, Vmbriacenfis, Crotonenfis, Valuenfis, ac Sulmonenfis, Albanus, & demùm Præneltinus, obiit Romæ die 4. Augufti 1534.

BONIFACIVS FERRERIVS VERCELLENSIS, dictus de Iurea, Epifcopus Hipporegienfis, Præsb. Tit. Sanctorum Nerei, & Achillei, Epifcopus Albanus, Prænестinus, Sabinus, ac Portuenfis: obiit Romæ die Martis 2. Ianuarij 1543. Hic fuit detentus Papiæ à militibus exercitus Ecclefiaftici, dum Romam ad Conclauem proficifceretur, ideoque Sacrum Collegium ad alios octo dies ingreffum in Conclauem prorogauit.

IOANNES BAPTISTA PALLAVICINVS GENVENFIS, Epifcopus

Q

Ca-

Cauallicensis, Præsb. Tit. S. Apollinaris, Episcopus Horacensis, obiit in Caſtro fabricæ die 14. Auguſti nocte antecedenti anno 1524.

POMPEIUS COLUMNA ROMANVS, Episcopus Reatinus, Præsb. Baſilicæ Sanctorum duodecim Apoſtolorum, poſtea Sancti Laurentij in Damaso, Episcopus Interamnenſis, Potentinus, Cathaniensis Accerrenſis, Roſſanenſis, Aquilanus, Sarnenſis, ac Montis Martani, S. R. E. Vicecancellarius, Legatus in Pannonia, ac miſſus à Sacro Collegio ad Ciuitatem Vetulam, vt Hadrianum ex Hispania venientem ſalutaret: priuatur dignitate à Clemente VII. die 21. Nouembris anno 1626. & reſtituitur in priſtinum gradum ab eodem die vltima Auguſti anno 1529. Deceſſit Neapoli die 29. Iunij anno 1532. Ex Diario, & manuſcr. Ciacconus refert obitum ad menſem Iulij.

SCARAMUCCIA TRIVVTIVS MEDIOLANENSIS, Episcopus Comenſis, Præsb. Tit. Sancti Ciriaci in Thermis, Episcopus Viennensis, ac Plantinus deceſſit anno 1527.

DOMINICVS IACOBACCIVS ROMANVS, Episcopus Nucerinus, Præsb. Tit. Sancti Bartholomæi in Inſula, deinde Sancti Clementis, ac Sancti Apollinaris, Episcopus Caſſanus, Maſſanus, & Groſſetanus; obiit Romæ die 2. Iulij anno 1527. Ciaccon. 1528,

LAVRENTIVS CAMPEGIVS BONONIENSIS, Episcopus Seltrenſis, Præsb. Tit. S. Thomæ in Parione, poſtea S. Anaſtaſiæ, ac Sanctæ Mariæ Tranſtyberim; Episcopus Sarisburiensis, Cretenſis, Parentinus, Bononienſis, Oſcenſis Albanus, Præneſtinus, Sabinus,

Le-



Legatus ad Cæsarem, ac in Germaniam, & semel  
atque iterum ad Regem Angliæ, & pro Generali  
Concilio Vicentiæ indicto, & pro concomitando  
Carolo V. Bononia in Germaniam redeunte, obiit  
Romæ die 25. Iulij anno 1539.

LYDOVICVS DE BVRBONIO GALLVS, Episcopus Laudu-  
nensis, Præsb. Tit. Sanctorum Siluestri, & Martini  
in montibus, ac deinde Sanctæ Sabinæ, Archiepi-  
scopus Senonensis, Episcopus Conomanensis, crea-  
tur Episcopus Prænestinus à Iulio Tertio in secreta  
Cardinalium creatione, Legatus in Ducatu Sabau-  
diæ, obiit Lauduni die 10. Martij anno 1557.

HADRIANVS FLORENTIVS TREIECTENSIS, Episcopus Der-  
thufensis, Præsb. Tit. Sanctorum Ioannis, & Pauli,  
postea summus Pontifex Hadrianus Sextus.

FERDINANDVS PONZETTVS FLORENTINVS, Melphiten-  
sis Episcopus, & Thesaurarius Generalis, Præsb. Tituli  
Sancti Pancratij, Administrator Ecclesiæ Grossera-  
næ, obiit Romæ die 11. Septembris anno 1527. in  
manufer. Ciaccon. de mense Martij 1528.

ALOYSIVS DE RVBEIS FLORENTINVS, Protonotarius Apo-  
stolicus, Præbyter Tit. Sancti Clementis obiit Ro-  
mæ die Veneris 20. Augusti nocte subsequenti, an-  
no 1519. vt in Diario Paridis. Ciacconus die 20.  
Iulij.

SILVIVS PASSARINVS Datarius, & Protonotarius Apo-  
stolicus, Præsb. Tit. Sancti Laurentij in Lucina, dein-  
de Sancti Petri ad Vincula, Episcopus Cortonen-  
sis, Sarnensis, Assisicensis, Barchinonensis, Legatus in  
Vmbria, Decessit Romæ die 20. Aprilis 1529. Ciac-

conus in mense Maij.

FRANCISCUS ARMELLINVS PERYSINVS, Protonotarius Apostolicus, & Clericus Camere Apostolicæ, Præsb. Sanctæ Mariæ Transtiberim, Archiepiscopus Tarentinus, Episcopus Hieracensis, & Oppidenfis, S. R. E. Prouidecancellarius ob priuationem Pompeij Cardinalis Columnæ, ac deinde S. R. E. Camerarius, legatus in Marchia Anconitana in Mendicorum familiam adscitus, decessit Viterbij die 8. Ianuarij anno 1528. Ex Diario incerti: in eius tumulo legitur obiisse mense Octobris anno 1527., quo tempore Clemens Septimus detinebatur in Castro Sancti Angeli. Ciacconus verò scribit obiisse mense Septembris.

FRATER THOMAS DE VIO CAIETANVS, Generalis Magister Ordinis Prædicatorum, Præsb. Tit. S. Xytri, postea Sanctæ Praxedis, Archiepiscopus Panormitanus, & Caietanus, Legatus in Germaniam Leone Pontefice, ac in Hungariam sub Hadriano Sexto, obiit Romæ die 10. Augusti anno 1534. vt in Diario. Ciacconus die 9. Septembris.

FR. CHRISTOPHARVS NYMALIVS FOROLIVIENSIS, Minister Generalis Minorum, Præsb. Tit. Sancti Bartholomæi inter Pontes, postea Sanctæ Mariæ de Aracoli, Episcopus Ifernienfis, & Aletunensis, & Rigenfis, obiit Anconæ die 23. Martij 1528. ex Diario; Ciacconus die 21.

FR. AEGIDIVS VITERBIENSIS, Generalis Ordinis Eremitarum, Præsb. Tit. Sancti Matthæi, postea Sancti Marcelli, Patriarcha Constantinopolitanus, Episcopo-

scopus Viterbiensis, Castrensis, Lancianensis, Sutrinus, & Nepesinus, Iadrensis; Legatus in Hispanias, obiit Romæ die martis 12. Nouembris circa horam decimam noctis antecedentis anno 1532.

GVILLELMVS RAIMONDVS VICH, Protonotarius Apostolicus Hispanus, Præb. Tit. Sancti Marcelli, Episcopus Cephaludensis, obiit in Monasterio Casæ maris Ordinis Cisterciensis Verulanæ Diœcesis die 25. Iulij 1525.

FRANCOTTVS VRBINVS ROMANVS, Protonotarius Apostolicus, Leonis Amitinus Diac. Sancti Georgij in Velabro, postea Sanctæ Mariæ in Cosmedin, Episcopus Boianensis, & Ariminensis, obiit Romæ die Sabbati 10 Ianuarij anno 1534.

PAVLVS DE CÆSIS ROMANVS, Protonotarius Apostolicus, Regens Cancellariæ Diac. Sancti Nicolai inter Imagines, postea Sancti Eustachii, Episcopus Tuderinus, Narniensis, Hortanus, Ceruiensis Ciuitatis Castelli, Massanus, obiit Romæ die 4 Augusti hora 7. noctis sequentis anno 1537. Ex Diario: Ciaccon. in Paulo Terzio affirmat obiisse anno 1535.

ALEXANDER CAESARINVS ROMANVS, Protonotarius Apostolicus, Diaconus Sanctorum Sergii, & Bacchi, postea Sanctæ Mariæ in Via lata, Episcopus Brixiensis, Hieracensis, Conchenensis, Oppidenensis, Alexiensis, Hidruntinus, Pampilonensis, Albanus, ac Prænestinus, Legatus ad Carolum V., Regemque Francorum pro pace componenda, & rursus ad Carolum vna cum Cardinale Piccolomineo gratulaturus de Tuneto expugnato, ac à Sacro Cardinalium

cætu ad Hadrianum Sextum Cæsaraugustum desti-  
natus, obiit Romæ die 13. Februarii anno

1542.

IOANNES SALVIATVS FLORENTINVS Nepos Pontificis ex  
sorore, Prothonotarius Apostolicus, Diac. Sancto-  
rum Cosmæ, ac Damiani, Episcopus Firmanus, Fer-  
rariensis, Fanensis, Vultoranus, Sanctæ Severinæ,  
Vasienfis, Biterensis, Sancti Papuli, Olorensis, Al-  
banus, Sabinus, ac Portuensis, Legatus Parmæ, ac  
Placentiæ, & in Vrbe, ad Cæsarem, & Principes  
Germaniæ, dum Clemens detineretur, ac Legatus  
totius Christianitatis, obiit Rauennæ die 28. Octo-  
bris 1553.

NICOLAUS RODVLPHVS FLORENTINVS, Nepos Pontificis  
ex Sorore, Protonotarius Apostolicus, Diaconus  
Sanctorum Viti, & Modesti in macello Martyrum,  
deinde Sanctæ Mariæ in Cosmedin, ac Sanctæ Ma-  
riæ in Via lata, Archiepiscopus Salernitanus, & Flo-  
rentinus, Episcopus Vicentinus, Viterbiensis, Vr-  
beuetanus, Foroliuensis, Imolensis, Legatus in  
Prouincia Patrimonii, decessit Romæ Sede vacan-  
te, prima Februarii anno 1550.

HERCVLES RANGONVS MUTINENSIS Protonotarius Apost-  
olicus, & Papæ Cubicularius Diaconus Sanctæ Aga-  
thæ, Episcopus Cauensis, Mutinensis, Adriensis,  
Nazariensis, obiit in Castro Sancti Angeli mense  
Augusti 1520.

AVGVSTINVS TRIVVLTVS MEDIOLANENSIS, Protono-  
tarius Apostolicus, Papæ Cubicularius, Diaconus  
Sancti Hadriani, & deinde Sancti Nicolai in Carce-

re Tulliano, Episcopus Tolonensis, Bobienſis, Maſſilienſis, Aſtenſis, Baiocenſis, Nouarienſis, Vau-renſis, Regienſis in Calabria, Laodienſis, Archiepiſcopus Mediolanenſis, Legatus in Prouinciis Cam-paniæ, & Maritimæ, ac ad Regem Galliæ, obiit Ro-mæ die 30. Martii anno 1547. vt in Actis Conſif-torij, & manuſcr. Ciaccon. 20 Martii 1548.

FRANCISVS PISARVS VENETVS, Protonotarius Apoſto-licus, Diaconus Sancti Theodori, deinde Sanctæ Ma-riæ in Porticu, poſtea Præſb. Sancti Marci; Episco-pus Taruiſinus, Patauinus, Albanns, Tuſculanus, Portuenſis, Archiepiſcopus Narbonenſis, obiit die Lunæ 29. Iunii 1570.

ALPHONSVS INFANS PORTVGALLIÆ in octauo ætatis anno conſtitutus ea conditione, vt cum perueniſſet ad de-cimum quartum haberetur pro Diacono Cardinali, vt in literis Leonis VIII. idus Maii 1518. quibus illi concedit Diaconiam Sanctæ Luciæ in ſeptem ſo-lis tunc ſolo æquatam: fuit poſtea Diaconus Sancti Blaſii, Archiepiſcopus Vixboneſis, Episcopus Targi-tanus, Viſenſis, Alborenſis, & Equinatenſis, deceſſit Vlixipone menſe Aprili 1540. vt in Diario. Ciac-conus 1537.

## SEXTA CREATIO.

*Die 24. Martij anno 1518. Rome.*

ALBERTVS EX MARCHIONIBVS BRANDEVBURGENSES GERMANVS, Archiepiscopus Moguntinus, & Magdeburgensis, Administrator Alberstadenſis. Præsb. Tit. Sancti Chryſogoni, deindè Sanctorum Petri, & Pauli, ac Sancti Petri ad Vincula obiit Maguntia die 24. Septembris 1545. Hic fuit præfata die creatus, sed non publicatus, teste Blasio de Cæsena, qua autem die fuerit publicatus non aperit: rubrum pileum, suscepit die 29. Augusti eodem anno.

## SEPTIMA CREATIO.

*Die Veneris 28. Maij anno 1518.*

IOANNES A LOTHARINGIA Filius Renati Regis Hierusalem, & Siciliae, electus Metensis, Diaconus Sancti Honuphrii ad præces Regis Galliarum; Archiepiscopus Narbonensis, Episcopus Tullensis, Virdunensis Lucionensis, Valentinus, & Diensis, Rhemensis, Lugdunensis, Albienſis, Morinenſis, Matifconensis, ac Legatus in Lotharingia: obiit die 10. Maii 1550.

OCTA-

## OCTAVA CREATIO.

*Die Veneris 9. Augusti 1521. Roma idem Leo anno 1520. habuit vota Cardinalium super promotione duorum Cardinalium, scilicet Heraldus Episcopi Leodiensis ad preces Imperatoris, & Ioannis Archiepiscopi Tolosani ad preces Regis Galliarum.*

*Die Veneris 9. Augusti 1521. fuit creatus, & publicatus Heraldus de Marca, Episcopus Leodiensis, & Valentinus Presb. Tit. Sancti Chrysogoni, postea Legatus in Diœcesi, & Ciuitate Leodiensi, qui mortalitatem exiit die 16. Februarij anno 1528.*

IOANNES DE AVRELIA, Archiepiscopus Tolosanus: hic non fuit à Leone publicatus ob rerum varietates, & superuenientem Pontificis obitum: Clemens-Septimus intuitu Regis Francisci, & Ludouicæ eius matris pollicitus est die 21. Augusti 1526. se Cardinalatus dignitatem Ioanni delaturum in prima Cardinalium creatione. Die 26. Maii 1531: idem Clemens egit in Consistorio de publicando, & adscribendo eodem Ioanne in numerum Cardinalium, sed Sacrum Collegium assensum præbere recusauit; tamen à Clemente publicatus fuit die 21. Februarii anno 1533. post annos 12. decessit anno 1534.

Assumpsit etiam Leo ad dignitatem Cardinalitiam Antonium Sancti Seuerini, Baiulium Sanctissimæ Trinitatis Venusinæ Diœcesis absentem, quem tamen

R

non

non publicauit. Clemens Septimus literas Leonis confirmauit die 21. Nouembris 1527., & virtute earundem literarum Antonium decreuit esse Cardinalem, ac publicauit, dum in Ciuitate Vrbeuerana moraretur die 19. Februarii 1528. vide sub Clemente Septimo. De Ioanne, & de Antonio Ciacconus in Leone non loquitur: Antonium scribit creatum fuisse S. R. E. Cardinalem in prima Cardinalium creatione.

In secunda editione Ciacconi legitur fuisse designatum Cardinalem Petrum Quirinum Venetum Monachum Camaldulensem, non autem dicitur fuisse creatum, sed de illo familiares Leonis scriptores non meminere, nec in Bullis, aut Breuibz extat mentio.





# HADRIANVS SEXTVS.

*Hadrianus Florentius Presbyter Cardinalis Tit. San-  
ctorum Ioannis, & Pauli absens in Hispanijs die Io-  
annis 9. Ianuarij anno 1522. Summus Pontifex in Vati-  
cano renuntiatur: die 28. Augusti adueniens ex Ciui-  
tate Vetula pernoctauit in Ecclesia Sancti Pauli extra  
Vrbis mœnia, die sequenti ingressus est in Vrbem. Die  
Dominica xxxi. Augusti in Porticu B. Petri coronatur  
hora xij. migravit ad Dominum die Luna 14. Septem-  
bris inter decimam octauam, & decimam nonam ho-  
ram in festo exaltationis Sancte Crucis anno 1523.*

## CARDINALIVM CREATIO.

*Die Iouis x. Septembris 1523. Rome in Vaticano extra  
Consistorium, dum Pontifex ex aegritudine, qua deces-  
sit, decumberet literis sub Bulla expeditis creatur.*

**VILHELMVS ENCKENVONTIVS BRABANTINVS** Papæ Data-  
rius, & Episcopus Derthusensis, Presb. Sanctorum  
Ioannis, & Pauli, Episcopus Traiectensis, vulgò  
Traiectensis, decessit Rome die 30. Iulij nocte an-  
tecedente anno 1534.

## C L E M E N S V I I.

*Iulius de Medicis Florentinus Presb. Card. Tit. Sancti Laurentij in Damaso: die mercurij 18. Nouembris anno 1523. in Vaticano renunciatur Summus Pontifex. Die Iouis 26. Nouembris eodem anno coronatur ad gradus Basilica Sancti Petri: migravit ad Dominum die Veneris 25. Septembris hora decima octaua anno 1534. ex Blasio de Casena, & Honuphrio Panuinio, licet in Additione ad Ciacconum referatur tumulus cum die 26. & Cabrera asserat obitum incidisse in diem 24.*

## R E G I F R A N C O R V M.



**C**ARISSIME in Christo fili noster salutem, &c. sublato nuper de medio, sicut Deo placuit, fel. rec. Hadriano VI. immediato prædecessore nostro, Sedeque Apostolica Pastore carente, Sacrum Collegium Ven. Fratrum nostrorum S. R. E. Cardinalium, de quorum numero tunc eramus, peractis exequiarum solemnibus, spiritusque Sancti numine religiosissime inuocato, Conclaue apud S. Petrum, vbi Hadrianus obierat, de more ingressi, Nos vnanimi consensu in Pontificem Maximum elegerunt, qui licet tanto munere Nos indignos, & oneri impares esse cognoscamus, diuinæ tamen voluntati, cuius prouidentia

Ro.

Romana, & vniuersalis Ecclesia gubernatur, parentes, & consensui Patrum cedentes, pondus ipsum suscepimus, firma Spe, ac fiducia ducti, quod Dominus, & Saluator noster Iesus Christus, qui Nos, licet immeritos, vices suas in terris gerere voluit, Nos ea docere dignabitur, quibus iuxta pium propositum nostrum Rempublicam Christianam regere, defendere, & ampliare possimus, & ceteris in rebus nostro pastoralis officio, expectationique fidelium satisfacere. Quæ præcellerrimæ maiestati tuæ pro nostra in eam charitate significanda duximus, vt, quemadmodum tu Christianissimus, & electo Christi Vicario iucundus esse semper consueuisti, sic huiusmodi assumptione nostra, quæ omnibus communis futura est: lætari merito valeas; habitura est enim Maiestas tua Pontificem, qui paci, & tranquillitati Regum, & Principum Christianorum, totiusque Reipublicæ Christianæ, conseruationique, & restitutioni religionis eiusdem aduersus immanissimum Turcarum Tyrannum illam (vt credo nosti) totam occupare intentissimum, toto corde studebit, quique in omnibus, quæ ad gentem tuam pertinent, & cum Deo fieri possint nunquam defuturus est, vti Maiestas tua quotidie experiendo vera esse cognosceat. Datum &c. 1523. ante coronationem.

134  
PRIMA CREATIO.

*Die Veneris 3 Maij 1527. fuit habita congregatio Generalis coram Pontifice pro creandis Cardinalibus, & conclusum, ut crearentur tres in Vrbe presentes, videlicet Archiepiscopus Rauennatensis, Episcopus Perusinus, & Episcopus Firmanus, ac tres absentes videlicet Grimanus, Cornelius, & Fr. Marchionis Mantuani ex septem quatuor fuerunt eadem die nominati: ex Blasio de Casena Magistro Cerimoniarum.*

BENEDICTVS DE ACCOLTIS ARETINVS, nepos Petri Accolti Cardinalis viuensis, Archiepiscopus Rauennæ, Præsb. Tit. Sancti Eusebij, Episcopus, seu Administrator Ecclesiæ Cremonensis, Policastrensis, & Bonuinenensis, legatus Marchiæ Anconitanæ, de qua litteris illi mouit Hippolytus Cardinalis de Medicis: Die Lunæ 15. Aprilis 1535. detentus est in Castro Sancti Angeli, à quo die vltima Octobris fuit dimissus cum priùs se errasse, & deliquisse fuisset confessus, & solutis ducatis 59. mill. auri solis. obiit Florentiæ die 21. Septembris 1549.

AVGVSTINVS SPINOLA LIGVR, Episcopus Perusinus, Præsb. Tit. Sancti Cyriaci in Thermis, Episcopis Maurianensi, Æsino, Albiganensi, & cuilibet eorum iniunxit Clemens die 21. Octobris 1527., vt eidem Annulum Zaffiri, & Pileum rubrum, Cardinalatus insignia traderent, Episcopus Saonensis, & Aletrinensis, ac S. R. E. Camerarius, moritur die 18.

Octo-

Octobris nocte antecedenti 1537.

NICOLAVS GADDVS FLORENTINVS, Episcopus Firmanus Sancti Theodori Diaconus, & postea Præbyter Sanctæ Mariæ in Via lata, Episcopus Salatenfis, Archiepiscopus Cusentinus, obles pro Clemente Septimo mortuus est die 17. Februarii 1552. Huic Leo decimus pollicitus fuerat, se in prima Cardinalium creatione nominaturum inter Cardinales, in literis datis die 13 Octobris 1551.

HERCVLES GONZAGA, Episcopus Mantuanus, Diaconus Sanctæ Mariæ Nouæ, Episcopus Fanensis, & Suanensis, Archiepiscopus Tirasonenfis, legatus in Prouinciis Maritimæ, & Campaniæ, ac in Concilio Tridentino primus legatus, & Præsidens, ac pro comitando Carolo quinto, qui post susceptam Bononiæ Coronam Imperii, Ianuam proficiscebatur, decessit in vrbe Tridentina die 2. Martii 1563., non mense Maii, vt alii scribunt, Pileum illi transmisit Clemens die 9. Iulii 1527. eique Titulum Sanctæ Mariæ Nouæ Diaconalem attribuit.

MARINVS GRIMANVS VENETVS, Patriarcha Aquileiensis, publicatus initio Februarii 1528. Præsb. Tit. S. Vitalis, deindè Sancti Marcelli, ac Sanctæ Mariæ Transtiberim ac Episcopus Portuenfis; Episcopus Genetensis, legatus Vmbriæ, & ad Regem Francorum pro pace, & Parmæ, ac Placentiæ, & in Gallia Cispadana sub Paulo Tertio decessit Vrbeueteri die Martis 28. Septembris 1546. Clemens Grimaldo transmisit Pileum die 6. Februarii 1528. venit ad Pontificem in Ciuitate Vrbeuetana permanentem,  
à quo

à quo die 21. Ianuarii 1529. in Congregatione Cardinalium fuit receptus, & admissus ad osculum pacis, locus tamen eidem non fuit datus: quia ipse prætendebat attendendam esse datam suæ Bullæ sub die 3. Maii 1527., non autem publicationem initio Februarii 1528. & prælationem iuxta Bullam sibi deberi: in alia Congregatione habita die 27. Ianuarii fuit illidatus locus inter duos ultimos Cardinales, videlicet Cardinalem Grimaldum, & Cardinalem de Medicis ex Blasio de Cæsena.

## SECUNDA CREATIO.

*Die 21. Nouembris 1527. in Arce Sancti Angeli: Ciacconus sequentes Cardinales creatos asserit in prima creatione.*

ANTONIUS DE SANCTO SEVERINO NEAPOLITANUS Baiulius Sanctissimæ Trinitatis Venusinæ, creatus à Leone X. sub quibusdam conditionibus, quæ, quoniam fortasse adimpleta non fuerant, ipso Leone, & Hadriano Pontificibus, non habitus fuit pro Cardinali. Clemens Septimus die 21. Nouembris 1527. Leonis literas confirmavit, & pro sanctæ Ecclesiæ Cardinali haberi voluit, die verò 19. Februarii 1528. iterum declaravit Cardinalem; & publicavit cum Titulo Sanctæ Sufannæ; mense Martio 1528. dum Clemens Vrbeueteri moraretur insignitus fuit clericali charactere ab Alexandro Cardinali

Far-

Farnesio postea Paulo Tertio, ut ipse testatur. Die Dominica 16. Februarii 1528. in Castro Sancti Angeli rubrum illi galeum imposuit Laurentius Campegius Præsb. Tit. Sanctæ Mariæ Transtiberim in Vrbe legatus à Clemente iussus, & iterato pileum rubrum transmissum à Clemente per Rainerium Camerarium, aliaque Cardinalatus insignia tradidit Antonio idem Laurentius mense pariter Febuario die 24. in festo Sancti Matthiæ iussu eiusdem Pontificis, ne secundæ literæ datæ 19. Februarii contemni viderentur: fuit primò Præbyter Cardinalis Tit. Sanctæ Susannæ, deinde Sancti Apollinaris, postea Sanctæ Mariæ Transtiberim, Episcopus Prænæstinus, Sabinus, Portuensis, Episcopus Conuersanus, Archiepiscopus Cusentinus, & Tarentinus: Legatus de latere ad Carolum Quintum anno 1536 ex Ciuitate Neapolitana venientem ad Urbem: decessit Romæ 16. Augusti nocte sequenti 1543. In Diario Blasii de Cæsena legitur publicatus die 17. Februarii 1528. Ciacconus asserit creatum die 3. Maii 1527. vnâ cum tredecim aliis Cardinalibus: additio affirmat creatum à Clemente in secundâ Cardinalium creatione anno 1529. Videat lector scriptores non conuenire in tempore creationis, seu publicationis: Antonium nondum Clericum Cardinalitia dignitate decoratum, sæpius creatum, bis publicatum Cardinalem, semel atque iterum insignibus Cardinalitiis ornatum.

IOANNES VINCENTIVS, qui & Vincentius Carafa Neapolitanus. Archiepiscopus Præsb. Tit. Sanctæ Pu-

S den-



dentiana, deinde Sanctæ Priscæ, ac Sanctæ Mariæ Transiberim Episcopus Prænестinus Episcopus Administrator Anagninus, & Aceriorum, & Anglonensis: decessit Neapoli die 28. Septembris 1541. electionem Io. Vincentii confirmavit Clemens litteris in forma Breuis, ne de ea quæstio moueretur, ex quo celebrata esset in Castro Sancti Angeli, vbi à militibus Cæsarijans detinebatur. Ciacconus Ioannem Vincentium creatum asserit die 3. Maii, Bartholomæus Cioccarellus de Archiepiscopis Neapolitanis die 7. Maii, Paulus Iouius, & Honuphrius Panuinius tempus non adscribunt.

ANDREAS MATTHÆVS PALMERIVS NEAPOLITANVS, Archiepiscopus Matheranus Præsb. Tit. Sancti Clementis, Administrator Ecclesiæ Sarnensis, & Lucerinæ, Conferarensis, & Policastrensis, decessit Romæ in Palatio apud S. Petrum die 20. Ianuarii 1537. ex manuscr., & ita legitur in tumulo extemporaneo, qui fuit positus in Ecclesia B. Mariæ de Populo in sacello Petri Fuscari ex incerto tunc temporis Auctore, & Petro Paulo Gualterio. Panuinus affirmat decessisse Romæ die 11. Februarii 1537. Alii scribunt obiisse Mediolani die vltima Maii 1535., vt in addito ad Ciacconum, & in ipso Ciaccone.

ANTONIVS ANTONII DE PRATO Tusciz, Magnus Galliarum Cancellarius, defuncta Vxore, Archiepiscopus Senonensis Præsb. Tit. Sanctæ Anastasiæ, Episcopus Albiensis, & Meldensis Galliarum legatus transmissit eidem Pileum rubrum, & anulum Zaffiri Clemens die 4. Decembris 1527. supplicauerat pro Cardinali-

di-



dinalatu Franciscus Rex Galliarum, & Ludouica de Sabaudia Domina Engolismes, & Clemens assensum præbuerat gratiæ, vt autem Antonius certior esset ea dignitate Pontifex Bullam signari mandauit anno 1526. decimo quarto Calend. Decembris anno tertio, qua ei Cardinalatum pollicetur: obiit in Hantotlet die 9. Iulii 1535. cum Ciaccono scribunt aliqui fuisse natione Gallum, sed in inscriptione posita in Ecclesia Senonensi enuntiatur de Prato Tusciæ.

HENRICVS DE CARDONA HISPANVS, Archiepiscopus Montis regalis, Præsb. Tit. Sancti Marcelli transmissit eidem Pileum rubrum, & cætera Cardinalatus insignia Clemens die 23. Martii 1527. cum Romam ad Pontificem à Sicilia venisset exuto hic homine in Cælum sublatus est die 7. Februarii 1530., vt legitur in tumulo.

HIERONYMVS GRIMALDVS GENVENSIS, Episcopus Venefranus, Diac. Sancti Georgii in Velabro, Episcopus Administrator Albinganensis, Brugnaticensis, Stroncolanus, Archiepiscopus Barenfis, & Montis regalis, legatus de latere in Dominio Genuensium, mortuus est Genuæ die 27. Novembris 1543. Clemens die 6. Aprilis 1529 Collegio Cardinalium commisit, vt cognoscerent, quis deberet, vti Cardinalis in digniori loco sedere, Vincentius ne Carafa, an verò Hieronimus Grimaldus.

PIRRHVS GONZAGA Protonotarius, Episcopus Mutinensis, Diaconus Sanctæ Agathæ publicatus est die 10. Februarii 1528. obiit post recessum Clementis

ex Ciuitate Vibeuetana anno 1529. propè Mutinam, nuntius de obitu allatus est ad Curiam die 2. Februarii ex Blasio de Cæsena. Ciacconus tradit obiisse mense Aprilis eodem anno.

**SIGISMUNDVS PAPPACODA**, Episcopus Tropiensis hic fuit die 21. Nouembris ad Cardinalatum assumptus, & publicatus ex literis Clementis; & est vnus ex tribus Cardinalibus, qui Pontifici in Castro S. Angeli commoranti subsidium obtulerant, sed post publicationem Prorex Neapolitanus alium substitui impetrauit. Cardinalatus insignia illi tradita non fuerunt, nec habitus fuit pro Cardinali. Ciacconus non meminit; in additione refertur tumulus, in quo legitur Sigismundum in cætum Cardinalium adscitum, maluisse in Patria Episcopum viuere, & obiisse anno 1536.

## TERTIA CREATIO.

*Die 7. Decembris 1527.*

*Ex Bulla Cardinalatus.*

**FRATER FRANCISCVS QVIGNONES**, alias de Angelis, Patruus Francisci Ferdinandi de Quignones Comitjs de luna missus à Carolo V. ad Clementem VII. in Arce Sancti Angeli detentum, creatus est Cardinalis die 7. Decembris 1527., sed non fuit nisi post aliquot menses publicatus, die x. Ianuarij 1529.  
dum

dum Clemens morbo laboraret fuit eidem traditum Pileum rubrum, clausumque, & apertum os. Præfbyter Tit. Sanctæ Crucis in Hierusalem, Episcopus Cauriensis, & Hispalensis vnus ex tribus legatis ad Carolum venientem, pro suscipienda Imperii Corona, & rursus ad eundem legatus anno 1536. An autem fuerit Episcopus Prænestinus, pro vt asserit Ciacconus, incertum est. In prima legatione à Neapolione Vrsino Abbate Farsensi interceptum, ductumque ad Castrum Bracchiani Congregatio Sacri Collegii, in qua tunc negotia Sedis Apostolicæ terminabantur in libertatem restituendum curauit, obiit Verulis 27. Octobris 1540. ex Diario Petri Pauli Gualterii. Ciacconius Mense Septembris.

## QUARTA CREATIO.

*Die 20. Decembris 1527.*

*Ex Bulla Cardinalatus.*

FRANCISCUS CORNELIVS VENETVS, Præsb. Tit. Sancti Pancratii, Sanctæ Cæcilie, Sanctæ Praxedis, ac demum Sanctæ Mariæ Transiberim, Episcopus Albanus, ac Prænestinus, publicatus est Cardinalis mense Februario 1528. Clemens die 19. eiusdem mensis iniunxit Episcopo Polensi Sedis Apostolicæ Nuntio Venetiis commoranti, vt Cornelio traderet Pileum rubrum, & alia Cardinalatus insignia, & antequam tra-

traderentur concessit, eidem, ut posset uti Rocchetto, & rubro bireto, & quia de validitate creationis dubitabatur, ex quo tunc temporis non erat adscriptus militiæ clericali, concessit perinde valere (ut vocant) die 5. Maii 1528. fuit Episcopus Brixienfis. Viterbii expiravit die 26. Septembris nocte sequenti 1543. Cum Cornelius prætenderet se antefendum esse Francisco Quignones in sessionibus, & alijs actibus Cardinalitijs, ex quo in Consistorio resolutum fuerat die 3. Maii, ut ipse crearetur Cardinalis Congregatio Generalis Cardinalium respondit diem positum in Bulla Cardinalis Quignones, quare hunc esse Cornelio præferendum decrevit, ac prætulit die 26, Februarii 1529.

Hoc anno in regno Siciliae N. se pro Cardinali gerebat, qui iussu Clementis captus, pœnas luit. Ex literis eiusdem Clementis.

## QVINTA CREATIO.

*Die . . . menses . . . Anno*  
*publicatus 8. Iunij anno 1529.*

HIERONYMVS DE AVRIA GENVENSIS, defuncta Vxore, Diaconus Sancti Thomæ in Parione, deindè Sanctæ Mariæ in Porticu, Episcopus Hebienfis, Iacensis, Naulensis, Oscensis, & Tarasonensis (alii legunt Tarraconensis) mortuus est Genuæ 25. Martij 1548. Hic Cardinalis creatus est à Clemente priùs, quam  
 crea.

- crearetur Hippolytus de Medicis, teste Blasio de Cæsena, qui sic loquitur Die Lunæ 8. Nouembris 1529. fuit Consistorium secretum, in quo receptus est Doria, uti nouus Cardinalis, licet fieri debuisset Consistorium publicum pro eo admittendo, tamen propter multa impedimenta sic placuit Papæ &c. eisdem dedit locum in Consistorio post Cardinalem de Medicis, licet Papa subsisteret asserendo, quod illum prius creauerat, tamen Papa sic mandauit, & tolerauit. Honuphrius Panuinius & Ciacconus scribunt fuisse creatum die 19. Septembris 1529., sed error depræhenditur ex Breui Clementis Septimi dato Romæ die 15. Ianuarij 1529., quo Hieronymo Diacono Cardinali concedit facultatem sibi eligendi Episcopum, qui sibi rubrum pileum, & anulum Zaffiri, & cætera Cardinalatus insignia tradat: igitur antè diem decimam quintam Ianuarij fuerat Cardinalis declaratus, prout in literis Clemens ipse testatur: Blasius de Cæsena creatum tradit vna cum Gabriele Acromonte die 8. Iunii 1529., quo die fuit publicatus, cum ipse fuerit creatus antè Hippolytum de Medicis, creatum die x. Ianuarij 1529.

## SEXTA CREATIO.

*Die Dominica x Januarij 1529. Romæ**apud Sanctum Petrum.**Ex Bulla Clementis.*

HIPPOLYTUS MEDICES FLORENTINUS extra matrimo-  
nium natus, Diaconus Sanctæ Praxedis, & Auenionen-  
sis Archiepiscopus creatur, à Clemente in extremis  
laborante, circa primam noctis horam Cardinalis  
in idem Cubiculum, quo ægrotabat, conuocatis,  
eodemque statim loco, omnia Cardinalatus insignia  
tradidit, non obstante iuramento de non creando  
Cardinales donec ad certum numerum non fuissent  
reducti; hic, cum tempore creationis esset clericali  
tantum charactere insignitus, & Subdiaconatus, ac  
Diaconatus Ordines, licet sæpius monitus non su-  
scipisset, ne de viribus creationis dubitari continge-  
ret, ad beneficia, Ecclesias, & Cardinalatus dignita-  
tem restitutus est, die 30. Iulij 1534., postea Præsb.  
Sancti Laurentij in Damaso, Administrator Licien-  
sis, & Casalensis, Archiepiscopus Montis regalis, S.  
R. E. Vicecancellarius, legatus Umbriæ, ac cum  
Farnesio, & Quignonio ad Cæsarem pro Corona Im-  
perij suscipienda Genua venientem, & rursus ad  
eundem in Germania contra Turcas anno 1532.  
in scio Clemente mense Aprilis recessit ab Vrbe, ad  
quam iussu Pontificis rediit: obiit Itrij non sine ve-  
neni suspitione die 13. Augusti 1535. delatum est

145

cadauer ad Urbem die 17. Petrus Paulus Gualterius  
in Diario. Ciacconus die 5. Augusti.

## SEPTIMA CREATIO.

*Die Veneris 13. Augusti 1529. Rome, Ciacconus creatum afferit die Mercurij 8. Iunij.*

MERCURIUS GATTINARIA ALLOBROX, Magnus Cancellarius Caroli V. Imperatoris creatus Præsb. Tit. Sancti Ioanni ante portam latinam Ex Bulla Clementis. Scribit Pontifex Alexandro Episcopo Ostiensi, Francisco S. Crucis Præbytero, & Hippolyto Sanctæ Praxedis Diacono legatis ad Carolum vt Mercurio post eorum recessum creato, & publicato Cardinali tradant rubrum pileum, & reliqua Cardinalatus insignia die 14. Septembris 1529. Die Lunæ 15. Nouembris 1529. Bononiæ receptus est pro prima vice in Consistorio portatus in sede per suos familiares propter podagram, & in mantello breuiori, non autem Cappa, quàm ferre non poterat ob brachium sinistrum eodem morbo laborans, datus est ei locus post vltimum Præbyterum, post quos sedit in sede gestatoria, quo vero ad alias Cærimonias fieri consuevas Pontifex ob ægritudinem dispensauit, vt loquitur Magister Cæremoniarum, obiit Oeniponti die 5. Iunii 1530.

T

OCTA-

## OCTAVA CREATIO.

*Die 14. Martij creati, & die 19. publicati Bononie 1530.  
Ex libro Magistri Cereemoniarum.*

CAROLVS, suscepta Imperij corona, antequam Bononia discederet, supplicauit Clementi, vt aliquot familiares in coetum Cardinalium referret: die Veneris 9. Martij habitum est Consistorium, in quo relata est Cæsaris postulatio, sed nihil fuit conclusum: Die Lunæ 14. Martij iterum in Consistorio actum est de creandis Cardinalibus, & conclusum, vt quatuor crearentur, die Sabathi 19. Martij in Consistorio publicandi. hi sunt.

FRANCISCVS TVRNONIVS GALLVS, Archiepiscopus Bituricensis, Præsb. SS. Petri, & Marcellini, deinde Episcopus Sabinus, & O'tiensis, Sacri Collegij Decanus, Archiepiscopus Auxitanus, ac Lugdunensis: hunc ad commendationem Francisci Regis Galliarum creauit Clemens, prout fuerat pollicitus datis literis die prima Nouembri 1529.

BERNARDVS CLESIVS GERMANVS, Episcopus Tridentinus Ferdinandi Regis Romanorum Cancellarius, & orator Præsb. Tit. Sancti Stephani in Monte Coelio, Administrator Brixinensis ad postulationem Canonicorum: decessit die 29. Iulij 1539. ex tumulo Tridentino. Ciacconus refert obitum ad annum 1538.

LYDOVICVS DE GERREVODO DE CHALANT ALLOBROX,  
Epil-



Episcopus Maurianensis, Præsb. Sancti Casarii in Palatio, legatus in Ducatu Sabaudia, obiit anno 1536. Ex Massarello in creationibus Cardinalium: Ciacconus anno 1537.

FR. IOANNES LOSAYA HISPANVS Ord. Prædicatorum. Generalis Magister, à Confessionibus Caroli V., Episcopus Oxomen, Præsb. Sanctæ Susannæ, Episcopus Seguntinus, Archiepiscopus Hispalensis, & Generalis in Hispania Inquisitor, cum esset præsens in Curia, die 19 in publico Consistorio recepit rubrum pileum suscepit, & os clausum, apertumque fuit; petijt interesse Consistorio Carolus V. sed responsum fuit illi, publicè non posse, quia non fuerat illi parata sedes, priuatim posse. decessit die 22. Aprilis 1546. Hi tres ultimi Cardinales ad præces Caroli V. creati fuerunt. Ciaccon. affirmat fuisse, creatos die 19. Decembris 1530. octo Cardinales Præbyteros, inter quos recenset quatuor suprapositos.

ENNECVS DE ESTVNICA, ET MENDOZZA, Episcopus Burgenfis secreto creatus Bononia cum supradictis quatuor, & publicatus die 22. Aprilis 1532. Diaconus Sancti Nicolai in Carcere Tulliano. obiit in Hispanijs mense Maii 1535. in manuscr. Ciacc. 1538.

# NONA CREATIO.

*Die Mercurij 8. Iunij 1530. Romæ Ex libro Sacri Collegij.*

Post recitatas in Consistorio literas Regis Gallorum, creatus est Gabriel de Acromonte Gallus, Orator Regis, Episcopus Tarbiensis, Præsb. Tit. S. Ioannis ante Portam latinam, deinde Sanctæ Cæcilie, receptus est in publico Consistorio die x. eiusdem mensis Episcopus Pictauensis, Archiepiscopus Tholosanus; obiit in Gallijs 26. Martij 1534. Hunc Giacomus creatum asserit die 19. Decembris 1530. in quinta Cardinalium creatione.

# DECIMA CREATIO.

*Die 22. Martij 1531. Romæ. Ex literis Clementis.*

ALPHONSVS MANRICVS HISPANVS, Archiepiscopus Hispalensis, Præsb. Tit. Sancti Callixti, ut in Breuij deinde Præb. Basilicæ duodecim Apostolorum; obiit in Hispania circa mensem Octobris 1538.

IOANNES TAVERA HISPANVS, Archiepiscopus Compotellanus, Præsb. S. Ioannis ante Portam latinam, deinde Basilicæ xii Apostolorum, Archiepiscopus Toletanus, Generalis Inquisitor Hispaniarum, & Gu-  
ber-

bernator, absente Carolo Quinto, mortuus est 29.  
Septembris 1545. vt in manusc. Ciacconus 1544.  
alij die prima Augusti 1545.

Hos duos Ciacconus affirmat fuisse creatos die 19.  
Ianuarij 1530. in quarta Cardinalium creatione.

## VNDECIMA CREATIO.

*Die 22. Septembris 1531.*

ANTONIUS PVCCIVS FLORENTINVS, Episcopus Pistoriensis cum die 21. Iulij habita fuissent vota Cardinalium creatur Præsb. Tit. SS. Quatuor Coronatorum, postea sanctæ Mariæ Transiberim, Episcopus Albanus, Sabinus, Portuensis, & maior Penitentiarius, Episcopus Venerensis. Die Dominica 14 Octobris anno 1544. Balneoregij decessit.

## DVODECIMA CREATIO.

*Die 21. Februarij 1533. Bononiæ.*

Fuerat habitum Consistorium secretum die Mercurij 19. Februarij in Ciuitate Bononiæ, in qua etiam Carolus V. permanebat, actumque fuit de creandis sex Cardinalibus, nihil tamen fuit conclusum. Die Veneris 21. iterum actum est de creandis Cardinalibus, Vrgebat Cæsar, vt inter alios Archiepiscopus

pus

pus Barenfis, & Capuanus, ac Muscetulus crearentur. Sed Clemens, & Sacrum Collegium in Archiepiscopo Barenfi tantum ad præces Imperatoris assensum præbuit, fuit igitur creatus Stephanus, Gabriel Merinus Archiepiscopus Barenfis, Patriarcha Indiarum, Præsb. Tit. Sancti Vitalis, postea SS. Ioannis, & Pauli, Episcopus Giennensis, mortuus est die 28. Iulii 1535. Ciacconus mense Augusto.

IOANNES Archiepiscopus Tolosanus, Francisci Regis Christianissimi Consanguineus, de Regali progenie ortus, quem Leo X. in Cardinalem assumpsit, sed non publicavit. Fuit tandem publicatus hac die cum Titulo Sancti Martini in Montibus Vide sub Leone Decimo.

## DECIMA TERTIA CREATIO

*Die Veneris 7. Nouembris 1533. Massilie.*

IOANNES DE VENEVA GALLVS, Episcopus Lexauiensis, Præsb. Tit. Sancti Bartholomæi in Insula, obiit in Gallijs die 7. Augusti 1543. Add. ad Ciaccon. asserit obiisse Romæ Nonis Ianuarij.

CLAUDIUS DE GIVRY GALLVS, Episcopus Lingonensis, Præsb. Tit. Sanctæ Agnetis in Agone, Episcopus Ambianensis, & Pictauensis, decessit die 9. Augusti 1561. ex scriptoribus Gallicis.

PHILIPPVS Frater germanus Ducis Albanæ, Abbas Corbeiensis Sabaudus, Præsb. Tit. Sancti Martini in Montibus, deindè S. Mariæ Transiberim, Episcopus.

co-

copus Tusculanus, moritur Romæ die 21. Februarij 1550. huic concessit Paulus, vt gestare posset rubrum biretum, & alia ornamenta, & vestimenta, quæ gestare solent Cardinales non Regulares in Dominijs Regi Galliæ subiectis, ac in Ducatu Sabaudia anno 1535.

ODO, VEL ODOTTUS DE CASTIGLIONE GALLVS, Episcopus Belluacensis, Diaconus Sanctorum Sergij, & Bacchi, deinde sancti Hadriani, Administrator Ecclesiæ Tolosanæ. Pius Quartus Oddottum, vti hæreticum damnauit, & purpura priuauit die Mercurij vltima Martij 1563. die 16. Aprilis 1568. in Anglia expirauit.

Præter præfatos Cardinales Clemens Emmanuelem Philibertum Caroli Ducis Sabaudia ex Beatrice Infante Portugallia secundo genitum tertium ætatis annum vix ineuntem ex nunc, pro vt ex tunc, cum legitimæ ætatis fuerit elegit, seu promisit se electurum die 24. Martij 1530. anno septimo Pontificatus, qui tamen, defuncto primogenito Ducis, vxorem duxit.

GABRIELI pariter ex Marchionibus Salutarum Pontifex pollicitus est se creaturum in S. R. E. Cardinalem in prima creatione ex Breui dato die 18. Februarij 1528, qui sit adhuc incertum est mihi.

## PAVLVS TERTIVS.

*Alexander Farnesius Episcopus Ostiensis, & Decanus sacri Collegij creatur Summus Pontifex die 3. Octobris 1534. Die 3. Nouembris ad gradus Basilicæ B. Petri coronatur; migravit ad Dominum in Monte Quirinali in Palatio heredum Oliuerij Cardinalis Carasæ die x. Nouembris hora xiii. anno 1549.*

## CREATIONES CARDINALIVM.

## PRIMA CREATIO.

*Die Veneris 18. Decembris anno 1534. Ex Bulla eiusdem Pontificis, habitis die 16. Cardinalium votis, Romæ in Vaticano creauit unum Cardinalem, qui fuit.*

ALEXANDER FARNESIUS, ex filio Petro Aloysio, Nepos clericus Montis Flascionensis, & administrator Ecclesiæ Parmensis annum agens decimum quintum creatur Diaconus, cum denominatione Sancti Angelii in foro Piscium, quam Diaconiam vacare decreuit, sine tamen præiudicio Matthæi Episcopi Albanensis. Die 13. Augusti 1535. Diac. sanctorum Laurentij, & Damasi, Ex priore Diaconorum de consensu Cardinalium creatus est Prior Præbyterorum: die Veneris 14. Aprilis 1564. Ex Præbytero Episcopus Sabinus: die Veneris 12. Maij 1564. Tu.

Tusculanus : die Mercurij 7. Februarij 1365. Portuensis, ac Sanctæ Ruffinæ : die 9. Iulij 1578. Ostiensis, ac Veliternus, & Sacri Collegij Decanus, die 5. Nouembris 1580. Patriarcha Hierosolymitanus, cui cessit die vltima Februarii 1550.; ac S.R.E. Vicecancellarius : Archipræsb. S. Mariæ Maioris, ac Basilicæ Sancti Petri : Episcopus, seu Administrator Ecclesiæ Cauallicensis, Massanæ, & Populoniensis, Spoletanæ, Giennensis, ac secundum Ciacconum Vifensis : Archiepiscopus Montis regalis, ac Auenionensis : legatus de latere ad Ferdinandum Regem Romanorum anno 1539., Ad Cæsarem, Regemque Gallorum, vt vtrique gratularetur 1541., deinde pro pace 1543., Ad Cæsarem cum exercitu contra Protestantès 1546. ac legatus in Prouincia Patrimonii B. Petri in Tuscia, & Auenionensis, Gubernator Tiburis, Spoleti, & Firmi : hic, eo quod in tradendis Cardinalatus insignibus non fuissent seruatae antiquæ consuetudines, obtinuit perindè valere ( vt vocant ) super Cardinalatu die vltima Maii 1535. & vocatus ad Vrbem à Iulio Terzio dum Ciuitas Parmensis obsideretur à copiis Pontificis, & Cæsarianis in Galliam ad Regem profectus est; mortuus est Romæ die 2. Martij 1589.

**GVIDO ASCANIVS SFORTIA DE SANTAFLORA**, ex filia Constantia, nupta Bosio Comiti de Sancta Flora, Nepos, Clericus Clusinæ Diocesis, annum agens decimum quintum, Administrator Ecclesiarum Montislaſconensis, & Cornetanæ. Diaconus Sanctorum Viri, & Modesti in Macello Martyrum, postea Sancti

ti Eustachij, ac Sanctæ Mariæ in Via latâ; Ciacconus addit Sanctæ Mariæ in Cosmedin: S. R. E. Camerarius, Administrator Ecclesiæ Parmensis, Clusinae Lodonen, Patriarcha Alexandrinus, legatus Bononiæ, & exarchatus Rauennæ, ac Romandiolæ, & in Pannoniam contra Turcas: decessit die 7. Octobris 1564. Romæ sepultus.

Ciacconus hos duos affirmat fuisse creatos die 21. Maii. vnde id acceperit incertum.

## SECUNDA CREATIO.

*Die xx. Maij 1535. Pontifex in Congregatione recepit vota Cardinalium pro creandis septem Cardinalibus, & die sequenti 21. in secreto Consistorio publicati fuerunt, non sine magna Patrum discordia, & altercatione, apud Sanctum Petrum, ex Breue Pauli III., & Diario Gualterij.*

NICOLAUS A SCOMBERGH SVECCVS ex ordine Prædicatorum, Archiepiscopus Capuanus, Præbyter Tit. Sancti Xisti ex aliquibus 9. Septembris 1537. Ciacconus anno 1535.

IOANNES BELLAVS GALLVS, Orator Rêgis Gallorum; Archiepiscopus Parisiensis, Præbyter Tit. Sanctæ Cæcilie ex literis Pontificijs, deindè Præsb. Tit. S. Petri ad Vincula, Sancti Hadriani, ac Sanctæ Mariæ Transtiberim, Episcopus Albanus, Tusculanus, Portuensis, ac Ostiensis, & Decanus sacri Col-  
le-



legii à Paulo Quarto declaratus ( Ludouico Borbonio Episcopo Prænestino Cardinale antiquiore absente ) Administrator Burdigalensis , ac Cænomanensis , obiit Romæ die 16. Februarii 1560. Titulum Sancti Vitalis, Bellaio datum, vt scribitur in Ciaccono, non inueni .

HIERONYMVS GHINVCCIUS SENENSIS , Auditor Cameræ Apostolicæ, Episcopus Vigorniensis , Præsb. Tit. S. Balbinæ ; postea Sancti Clementis : Administrator Cauallicensis , Mileuitanus , ac Tropiensis . decessit Romæ die 3. Iulii 1541. Ex manuscr. , & ex Gualterio . Ciacconus mense Iunio .

IACOBVS SIMONETTA MEDIOLANENSIS , Episcopus Pifauriensis , Auditor Rotæ Sacri Palatii , Præsb. Sancti Cyriaci in Thermis , postea sancti Apollinaris , Episcopus Perusinus , Laudensis , Nepesinus , ac Sutrinus , & Cpmphanus , mortuus est Romæ die prima Nouembris 1539.

IOANNES FISCHERIVS Episcopus Roffensis , Præsb. Tit. Sancti Vitalis , dum in carcere detineretur ab Henrico VIII. Rege Angliæ , iussu eiusdem Regis securi percussus . Nuncius necis Romam delatus est die 26. Maii, quinque scilicet diebus post ipsius creationem, quare antequam crearetur Cardinalis vitam exuerat ; Vnde dubitare licet , an vera sint , quæ apud Ciacconum leguntur , Cardinalatus insignia ad Roffensem missa fuisse , quibus ille in carcere acceptis non est vsus ; eoque magis , quia illi Cardinalatus insignia tunc temporis non fuerant missa .

GASPAR CONTARENVS VENETVS Diaconus Sanctæ Ma-

156

riæ in Aquiro, postea Præbyter Sanctæ Balbinæ  
sancti Apollinaris, sancti Vitalis, ac sanctæ Praxe-  
dis, Episcopus Bellunensis, ac legatus ad Cæsarem  
destinatus, obiit Bononiæ die 24. Augusti 1542.,  
Ex Petro Paulo Gualterio, & Episcopo Thelesino:  
alii scribunt die prima Septembris eodem anno, li-  
cer non desint, qui obitum referant ad annum

1543.

MARINVS CARACCIOLVS NEAPOLITANVS, Protonota-  
rius Apostolicus hac die reservatus in pectore, &  
Cardinalis declaratus, sed publicatus die 31. Maii  
1535., qua Ciacconus creatum asserit, Diac. sanctæ  
Mariæ in Aquiro: legatus ad Cæsarem in Italia  
commorantem: Decessit Mediolani pro Carolo V.  
Gubernator, & produx die 28. Ianuarii 1538.

## TER TIA C R E A T I O.

*Die 20. Decembris 1536. actum est de creatione Cardi-  
nalem in secreto Consistorio, quod duravit usque ad  
noctem. Die 22. creati, & publicati fuerunt novem  
Cardinales: duo reservati fuerunt in pectore; alter  
arbitrio Pontificis, alter ad preces Imperatoris decla-  
randus: ex Gualterio.*

IOANNES MARIA DE MONTE SANCTI SABINI, Auditor  
Camerae Apostolicæ, Archiepiscopus Sipontinus,  
Præsb. Tit. sancti Vitalis, ac sanctæ Præxedis, pos-  
tea Episcopus Prænestinus, Administrator Papien-  
sis,

sis, & Polignanensis, legatus in Bononia, deinde in Prouincia Romadiolæ, quam à Bononiensi separauit. insuper in Parmensi, Placentina, ac Gallia Cispadana vnus ex legatis præsidentibus pro Concilio Tridenti celebrando, demùm Iulius Tertius.

IOANNES PETRVS CARAFA, Archiepiscopus Neapolitanus, Præsb. Tit. S. Pancratii, postea S. Sixti, sancti Clementis, ac sanctæ Mariæ Transiberim, Episcopus Albanus, Sabinus, Tusculanus, Portuenfis, Ostiensis, & demùm Paulus Quartus.

ENNIVS PHILONARDVS DE BAVCO, Episcopus Verulanus, & Præfectus Arcis Sancti Angeli, Præsb. Tituli sancti Angeli in foro Piscium, Episcopus Albanus, Administrator Ecclesiæ Feretranæ, legatus in Ciuitatibus Parmensi, Placentina, totaque Gallia Cispadana, & contrà Ducem Urbini pro recuperando Ducatu Camerini: desit esse inter mortales die Iouis 19. Decembris 1549. nocte præcedenti: Ciacc. 1550.

CHRISTOPHORVS IACOBACCIVS ROMANVS, Episcopus Cassianus, Rotæ Auditor, & Pontificis Datarius, Præsb. Tit. Sanctæ Anastasiæ, mox sancti Eustachii, appellatus legatus Vmbriæ, & ad Cæsarem anno 1537. pro pace cum Rege Galliarum ineunda: decessit Perusii die 7. Octobris 1540. Ciacc. mense Septembris.

CAROLVS EMARDVS GALLVS, Episcopus Matiscenensis, Francisci Regis Francorum orator, Præsb. S. Matthæi in Merulana, Episcopus Ambianensis: decessit 23.

Au.

Augusti 1540. ex Tumulo. Ciaceon. anno 1539.

IACOBVS SADOLETVS MVTINENSIS, Episcopus Carpentoratensis, Præsbyter Sancti Callisti, postea sanctæ Balbinæ, & sancti Petri ad vincula, legatus ad Regem Francorum pro sedandis discordiis inter ipsum, & Cæsarem subortis, decessit 18. Octobris 1547.

RODVLPHVS PIVS DE SABAVDIA ex Comitibus de Carpo, Episcopus Faentinus, Nuntius Sedis Apostolicæ apud Regem Francorum, Præsbyter Tit. sanctæ Pudencianæ, deindè sanctæ Priscæ, sancti Clementis, ac sanctæ Mariæ Transtiberim, Episcopus Albanus, Tusculanus, Portuensis, ac Ostiensis, vnus ex Inquisitoribus hæreticæ prauitatis anno 1555., Præsul Nolanus, Agrigentinus, & Salernitanus, legatus in Patrimonio Beati Petri in Tuscia, in Marchia Anconitana, & bis in Vrbe Romana, eiusque districto, Ad Regem Gallorum pro pace cum Cæsare, & ad ipsum Cæsarem, decessit Romæ die 2. Maii 1564.

REGINALDVS POLVS ANGLVS è Regio sanguine, Diac. sanctorum Nerei, & Achillei, deindè sanctæ Mariæ in Cosmedin, ac Præsbyter eiusdem Ecclesiæ, Archiepiscopus Cantuariensis, legatus sub Paulo Terrio pro rebus totius Christianitatis ad Reges, & Reginas Galliarum, & Nauarræ, ad Reginam Scotiæ, ad Gubernatricem Flandriæ, & in Angliam: Item, legatus ad Cæsarem in Hispanias, & Regem Galliarum pro pace. rursùs sub Iulio Terrio legatus ad Cæsarem, Regem Galliarum, & in Angliam, legatus in Prouincia Patrimonii Beati Petri in Tuscia: decessit.

cessit die 16. Nouembris 1558. Ciacconus attribuit eidem Titulum sanctæ Priscæ, de quo dubito, cum constet ex Actis consistorialibus, quod Reginaldus Polus in principio suæ creationis habuerit Diaconiâ sanctorum Nerei, & Achillei, qua dimissa, 21. Martii 1540. optauit Diaconiam sanctæ Mariæ in Cosmedin, & hanc, cum fuisset declarata Præsbyteralis die 11. Decembris 1555. retinuit. Titulum verò Præsbyteralem sanctæ Priscæ optauit Federicus Card. Cæsius die vltima Februarii 1550. quem dimisit 20. Septembris 1557., & Titulum sanctæ Priscæ optauit Ioannes Angelus Medices, quem retinuit, donec fuit factus Pontifex Pius IV. ad annum 1560., & tamen duobus annis antè, scilicet 1558. obierat Cardinalis Polus.

RODERICVS, SEV LVDovicVS BORGIA HISPANVS filius Ioannis Borgiæ Ducis Gandiæ ex Francisca de Castro, & de Pinos, Diac. sancti Nicolai in Carcere Tulliano, obiit mense Iulii 1537. nuntiatus est Romæ obitus die 6. Augusti.

HIERONYMVS ALEXANDER DE MOTA, Archiepiscopus Brundusinus, & Oritanus, Præsb. sancti Chrysogoni creatus hac die, & reseruatus in pectore, sed publicatus die 13. Martii 1538., legatus ad Ioannem Regem Hungariæ, ad Regem Boemiæ, in Germaniam ad Carolum V. pro vnione procuranda in Germania: decessit Romæ prima Februarii 1542.

NICOLAVS, SEV COLA CAIETANVS ROMANVS ex fratre Consobrino Pontificis nepos in 1111. anno circiter constitutus Protonotarius Apostolicus, Diaconus san-

sancti Nicolai in Carcere Tulliano, postea sancti Eustachii, Administrator Ecclesiæ Capuanæ, Compsanæ, Bisignanensis, & Corozopotensis, legatus ad Carolum V. reseruatus hac die in pectore, ex manuscr., & publicatus, & creatus die xiiii. martii 1538. vna cum Hieronymo Aleandro Cardinale Brundusino: mortuus est Romæ prima maii 1581. Ciacconus locat in quinta creatione, in qua asserit ipsum vnicè fuisse creatum.

## QUARTA CREATIO.

*Die 18. Octobris 1538. anno quarto, Roma in Congregatione generali, Ex Bulla creationis.*

PETRVS SARMIENTVS HISPANVS, Archiepiscopus Compostellanus, Præsb. Basilicæ xii. Apostolorum ad præces Imperatoris; obiit Lucæ 1541. Hunc Ciacconus affirmat creatum die 18. Decembris vna cum aliis quatuor Cardinalibus, Pontificatus anno V.

## QVINTA CREATIO.

*Die 20. Decembris 1538. Roma in secreto Consistorio.*

IOANNES ALVAREZ DE TOLETO HISPANVS, ex ordine Prædicatorum, Episcopus Burgenfis ad præces Imperatoris, Præsb. Tit. S. Mariæ in Porticu, deinde sancti

sancti Xisti, ac sancti Clementis, sancti Pancratii, ac sanctæ Mariæ Transiberim. Titulos sancti Pancratii, ac sancti Clementis vniuit Iulius Tertius die vltima Februarii 1550. Die 4. Decembris 1551. dissoluit vnionem, & Ioannes retinuit Titulum sancti Pancratii, Episcopus Albanus, & Tusculanus, Archiepiscopus Compostellanus, decelsit in Vrbe die 14. Septembris hora septima noctis sequentis anno 1557. Ciacconus scribit fuisse creatum cum Titulo sancti Xisti.

**PETRVS MANRICVS HISPANVS**, Episcopus Cordubensis, ad preces Imperatoris, Præsb. sanctorum Ioannis, & Pauli: Romæ moritur ex peste die 7. Octobris 1540. Ciacconus vocat Ennecum.

**ROBERTVS LVCSEMBVRGENSIS DE LENONCVRTIO GALLVS**, Episcopus Caralaunensis ad preces Regis Gallorum, cuius erat orator apud Carolum V. pro Ducatu Gheldriæ, Præsb. Tit. sanctæ Anastasiæ, deindè sancti Apollinaris, ac sanctæ Cecilie, quem Titulum sanctæ Cecilie ex præmutatione suscepit; cum esset Prior Præbyterorum & vacasset Ecclesia Albanensis, quam titulo optionis poterat consequi, consensit, vt eam optaret Franciscus Pisanus anno 1560., creatus est Episcopus Sabinus, Episcopus Matensis, Ebredunensis, Archiepiscopus Tolosanus, & Antisiodorensis. Metis obiit die 2. Februarii 1561.

**DAVID BETONIVS SCOTVS**, electus Mirapicensis, & Coadiutor Ecclesiæ sancti Andreæ, ad prece. Iacobi Scotorum Regis Præsb. sancti Stephani in Cælio



monte, legatus in Regno Scotia, in quo post obitum Regis Iacobi captus ab hæreticis, carceri mancipatur. Paulus pro eius liberatione Marcum Patriarcham Aquileiensem delegavit in Scotiam, sed obtinere non potuit: die 28. Maii 1547. constans Fidei Catholicæ defensor euolavit ad superos.

HIPPOLYTUS ALPHONSI Ducis Ferrariensis, ex Lucretia Borgia filius, Administrator Ecclesiæ Mediolanensis, creatus hac die ad preces Regis Galliarum, & publicatus die 5. Martii 1539. Diaconus sanctæ Mariæ in Aquiro, quo Titulo retento, die prima Martii 1564. transit ad ordinem Præbyteralem, deindè sanctæ Mariæ novæ, quam Ecclesiam vsque ad obitum retinuit: Trecorensis Episcopus, ac Ferrariensis, Sacerdotiis, & legationibus insignitus decessit die 2. Decembris 1572. in Ciaccone legitur creatus die 5. Maii 1539: errore Amanuensis, qui pro mense Martii scripsit mensem Maii, quo fuit publicatus.

PETRUS BEMBUS VENETUS Ordinis Hospitalis sancti Ioannis Hierosolymitani Prior Bononiensis, hac die creatus ad preces Reipublicæ Venetæ, & publicatus die 24. Martii, quo die Ciacconus creatum affirmat, Diac. sancti Cyriaci in Thermis, postea Præb. S. Chrysogoni, ac S. Clementis, Episcopus Eugubinus, & Bergomensis, obiit die 18. Ianuarii nocte sequenti 1547.



## SEXTA CREATIO.

*Die 12. Decembris 1539. In secreto Consistorio producto usque ad secundam noctis horam, non sine magna Patrum controuersia Pontifex creauit duodecim Cardinales quorum undecim publicauit: hi sunt.*

FEDERICVS FREGOSIVS GENVENSIS, Archiepiscopus Salernitanus, & Episcopus Eugubinus, Præsb. Tituli sanctorum Ioannis, & Pauli, in alio Breui enuntiatur, per ipsius obitum vacasse Ecclesiam sanctæ Mariæ in Porticu, moritur die 22. Iulii 1541.

ANTONIVS DE SANGVINE DE MEDON GALLVS, Episcopus Auriolensis, Præsb. sanctæ Mariæ in Porticu, deindè sancti Chrysogoni ad preces Francisci Regis Gallorum, Archiepiscopus Tolosanus; decessit die 25. Nouembris 1559. ex auctoribus citatis in Additione ad Ciacconum, qui scribit obiisse die 19. Decembris: in Gallia purpurata die Veneris 22. Decembris.

IOANNES PETRVS DE BAVMA BVRGVNDVS, Episcopus Gebennensis, Præsb. Sanctorum Ioannis, & Pauli, ad preces Regis Francorum, Archiepiscopus Bissunrinus: mortalitatem exiit die 4. Maii 1544. Ciacconus vocat Petrum.

ASCANIVS PARISIANVS TOLENTINAS, Episcopus Ariminensis, Pontificis Datarius, Præsb. Tit. sanctæ Pudentianæ, legatus Perusiæ, & Vmbriæ, Campaniæ, ac Maritimæ ac Terræ Pontis curui, & Castris, &

locis spectantibus ad Ascanium de Columna ; obiit Romæ die Mercurii 3. Aprilis 1549. Ciac. scribit fuisse legatum vnâ cum Marcello sanctæ Crucis ad Cæsarem : sed is fuit Petrus Paulus Parisius , de quo inferius .

VBERTVS GAMBARA BRIXIENSIS , Episcopus Serdonensis , Cameræ Apostolicæ Clericus , Præsb. sanctorum Siluestri , & Martini in Montibus , deindè S. Apollinaris , ac sancti Chrysogoni , Administrator Ecclesiæ Policastrensis , Parmæ , Placentiæ , ac Gallicæ Cispadanæ legatus : desit esse inter mortales die Iouis 14. Februarii anni 1549.

PETRVS PAVLVS PARISIVS CVSENTINVS , Episcopus Nuscanus , Auditor Cameræ Apostolicæ , Præsb. Tit. sanctæ Balbinæ , Episcopus Anglonensis , legatus ad Imperatorem vnâ cum Marcello sanctæ Crucis in Hierusalem Præsbytero . E vita excessit die Sabbati 9. Maii 1545.

MARCELLVS CERVINVS DE MONTE POLITIANO , Episcopus Neocastrensis , secretarius Pontificis , Præsb. S. Crucis in Hierusalem : Episcopus Regiensis , & Eugubinus ; legatus in Ciuitatibus Parmæ , ac Placentiæ , & in Gallia Cispadana , vnus ex legatis Præsidentibus in Concilio Tridentino sub Paulo Terrio 1545. , legatus , item ad Imperatorem cum Petro Paulo Parisio . Demùm Marcellus Secundus .

BARTHOLOMÆVS GVIDICCIONVS LVCANVS , Episcopus Apruntinus , Præsb. sancti Cæsarei in Palatio , postea sanctæ Priscæ , Episcopus Clusinus , ac Lucanus , maior Pœnitentiarius , Mortuus est die martis 4.

No-

Nouembris nocte antecedenti 1549. ex manuscr., & ex Diario Angeli Massarelli præsente in Vrbe: in rumulo legitur decessisse die 28. Augusti; licet Abbas Ferdinandus Vghellius in additione ad Giacc. in-nixus Tumulo Ciaccono non adhæreat.

DIONISIVS LAVREVS BENEVENTANVS, Magister Generalis ordinis seruorum, Præb sancti Marcelli, Episcopus Vrbinas, legatus in Campania, & maritima, diem obiit 17. Septembris 1542.

IACOBVS SABELLVS ROMANVS Papæ affinis, ac Cubicularius, in Vniuersitate Patauij studens Diac. sanctæ Lucie in septem zonis, deindè sanctorum Cosmæ, & Damiani, sancti Nicolai in Carcere Tulliano, ac sanctæ Mariæ in Cosmedin, deindè Præsbyter eiusdem Ecclesiæ, ac sanctæ Mariæ Transtiberim, Episcopus Albanus, Sabinus, Tusculanus, Prænestinus, ac Portuensis: Episcopus Administrator Neocastrensis, Eugubinus, Apruntinus, & Archiepiscopus Beneuentanus, Papæ Vicarius in Vrbe, eiusque districtu; legatus in Marchia Anconitana; moritur Romæ die 5. Decembris 1387. An fuerit Diaconus sanctæ Lucie in Silice, & Episcopus Albanus, ut asseritur in Ciaccono, incertum est apud me.

HENRICVS BORGIA VALENTINVS, Episcopus Squillacensis, Diac. sanctorum Nerei, & Achillei post obitum Roderici Cardinalis Borgiæ ab eodem Paulo creati in memoriam beneficiorum ab Alexandro sexto receptorum inter Cardinales adnumeratur, excessit è viuis die 16. nocte sequenti Septembris 1540.

MI-

MICHAEL DE SILVA PORTUGALLENsis, Episcopus Vifensis reſeruatus in pectore creatur, & publicatur die 2. Decembris 1541., qua die Ciacconus creatum affirmat ad preces Regis Portugalliae, Præſb. Baſilicæ xii. Apoſtolorum, deindè ſanctæ Praxedis, ſancti Marcelli, ſancti Pancratii, ac ſanctæ Mariæ Tranſtiberim : Episcopus Meſſanenſis, legatus in Marchia Anconitana, Ciuitate Bononiæ, & ad Carolum Quintum pro pace cum Rege Franciæ incunda. moritur die 5. Iunii 1556. in Diario legitur obiiſſe die 3. Iunii, & ad Eccleſiam ſanctæ Mariæ Tranſtiberim fuiſſe relatum.

## SEPTIMA CREATIO.

*Die vltima Maij 1542. Pontifex recepit Vota pro creandis Cardinalibus, prout die Veneris 2. Iunij creauit nouem, quorum duos ſibi reſeruauit in pectore, vt loquitur Petrus Paulus Gualterius in Diario: Ciacconus die ſexto-nonas Iulij hoc eſt die 2. Iulij fortè per errorem Amanuenſis.*

IOANNES HYERONIMVS MORONVS MEDIOLANENSIS, Episcopus Mutinenſis, Præſb. Tit. Sancti Vitalis, deindè ſancti Stephani in Cœlio Monte, ſancti Laurentii in Lucina, ac ſanctæ Mariæ Tranſtiberim; Episcopus Albanus Sabinus, Prænestiſtus, Tuſculanus, ac Oſtienſis, bis in Germaniam legatus, ac Genuam miſſus pro ſedandis Reipublicæ motibus.

E vi-

e viuis ereptus est die prima Dècembriſ 1580

MARCELLVS CRESCENTIVS ROMANVS , Episcopuſ Marſicanuſ , ſacri Palatii Auditor , Præſbyter Tituli ſanctorum Ioannis , & Pauli , poſteà ſancti Marcelli , Præful Compaſanuſ , legatuſ Bononiæ , & Præſidens in Concilio , deceſſit die prima Iunii 1552.

IOANNES VINCENTIVS AQUAVIVA NEAPOLITANVS , Episcopuſ Melphienſiſ , & Rapollanuſ , Arciſ ſancti Angeli Præſectuſ , Præſb. SS. Silueſtri , & Martini in Montibus , obiit die 2. Auguſti 1546.

POMPONIVS CÆCIVS ROMANVS Canonicuſ S. Ioannis Lateranenſiſ , Episcopuſ Nepeliſinuſ , Sutrinuſ , ac in Vrbe Vicariuſ , Præſb. Sancti Cyriaci in Thermiſ moritur die 3. Auguſti nocte ſubſequenti 1542.

ROBERTVS PVCCIVS FLORENTINVS , defuncta Vxore , Episcopuſ Piſtorienſiſ , Præſb. Tit. Sanctorum Nerei , & Achillei , poſteà SS. Quatuor Coronatorum Episcopuſ Melphienſiſ , & Rapollanuſ ; maior Pœnitentiariuſ , mortuſ eſt die 17. Ianuarii 1547. hora circiter duodecima .

THOMAS BADIA MUTINENſiſ ex ordine Prædicatorum Magiſter Sacri Palatii , Præſb. Card. ſancti Silueſtri , moritur hora noctiſ nona ante diem martiſ 6. Septembris 1547.

GREGORIVS CORTESIUS MUTINENſiſ ex ordine ſancti Benedicti Congregationiſ ſanctæ Iuſtinæ de Padua , Præſb. Tit. S. Cyriaci in Thermiſ : Episcopuſ Vrbinaſ , obiit ante diem 21. menſiſ Septembris 1548.

CHRISTOPHORVS MADRVTIUS GERMANVS , Episcopuſ Tridentinuſ , & Adminiſtrator Brixienſiſ , creatuſ hac

hac die, sed, reseruatus in pectore, & publicatus die 19. Decembris 1544. (Ciacconus scribit fuisse creatum die 3. Iulii eodem anno.) Præsb. Tit. S. Cæsarii, deinde S. Chrysogoni, ac S. Mariæ Transiberim, Episcopus Sabinus, Prænestinus, ac Portuenfis legatus in Marchia Anconitana, ac ad Carolum Quintum à Paulo Tertio missus. diem obiit 5. Iulii 1578.

Alter ex duobus in pectore reseruatis declarandus, ignoratur, an fuerit declaratus, & quatenus fuerit declaratus, quis ille sit.

## OCTAVA CREATIO.

*Die 19. Decembris anno 1544: Roma in sacris Ieiunijs.*

GASPAR DE AVALOS HISPANVS, Archiepiscopus Compostellanus, ad preces Imperatoris creatur Cardinalis: pileum rubrum fuit illi transmissum sine Titulo die 8. Augusti 1545. decessit sine Titulo anno eodem 1545.

GEORGIUS E COMITIBVS DE ARMANIACO GALLVS, Episcopus Ruthenensis, & Administrator Ecclesiæ Vabriensis, Regis Francorum apud Pontificem orator, ad eiusdem preces Præsb. sanctorum Ioannis, & Paoli, postea sancti Laurentii in Lucina, ac sancti Nicolai in Carcere Tulliano, Archiepiscopus Auenionensis, ac Tolosanus; legatus Auenionensis, mor-



mortuus est in Gallia die Iouis 5. Iunii 1585.

FRANCISCUS DE MENDOZA HISPANVS, Episcopus Cau-  
rienſis, ad preces Caroli V. Imperatoris Præſb. Tit.  
S. Mariæ de Araceli, qui inuentus est fuiſſe ſuppreſ-  
ſus à Clemente Septimo, ideò conceſſit eidem Pau-  
lus Titulum ſancti Ioannis antè portam latinam, poſ-  
teà ſancti Eusebii, Episcopus Burgenſis, Archiepiſ-  
copus Valentinus, obiit die 3. Decembris 1566.

IACOBVS DE ARMEBAVD GALLVS, Episcopus Lexouien-  
ſis, ad preces Regis Francorum, Præſb. Tit. Sancti  
Bartholomæi in Insula, ac ſanctæ Suſannæ; moritur  
in Galliis die 6. Iunii 1557.

OTHO TRVRCHESIVS GERMANVS, Episcopus Auguſta-  
nus, Præſb. S. Balbinæ, S. Sabinæ, ac S. Mariæ Tranſ-  
tiberim, Episcopus Albanus, Sabinus, Prænœſtinus,  
Episcopus Herbipolenſis, ac ſub Paulo Tertio totius  
Germaniæ Commiſſarius Generalis; moritur Romæ  
die 2. Aprilis 1573. Ciacconus 1583.

BARTHOLOMÆVS DE LA CŒVA HISPANVS, Protonota-  
rius Apoſtolicus, Præſb. Tit. S. Matthæi, S. Bartho-  
lomæi, ac S. Crucis in Hieruſalem, Episcopus Cor-  
dubenſis. obiit die vltima Iunii 1562.

FRANCISCVS SFONDRATVS CREMONENSIS, Archiepiſco-  
pus Amalphitanus, Præſb. SS. Nerei, & Achillei,  
ac S. Anataſiæ, Episcopus Caputaqueniſis, Laque-  
donenſis, ac Cremonenſis, legatus ad Cæſarem  
Peruſii, ac in Diœceſi Cremonenſi, & locis eius  
temporali dominio ſubiectis, moritur die vltima  
Iulii 1550.

Y

FE-

FEDERICVS CÆSIVS ROMANVS, Episcopus Tudertinus  
 Camerae Apostolicæ Clericus, Præsb. Tit. Sancti  
 Pancratii, deinde sanctæ Priscæ, Episcopus Præneste-  
 tinus, Tusculanus, ac Portuensis, Episcopus Cre-  
 monensis: an fuerit Albanus incertum mihi est: de-  
 cessit Romæ die 28. Ianuarii 1565.

DYRANTES DE DYRANTIBVS BRIXIENSIS, Episcopus  
 Cassanus, Præsb. Basilicæ duodecim Apostolorum,  
 Episcopus Brixienfis. Camerini, & Vmbriæ legatus,  
 moritur Brixia die 24. Decembris 1557.

NICOLAVS ARDINGHELLVS FLORENTINVS, Episcopus  
 Forosempronienfis, Pontificis Prælati Domestici,  
 Præsb. S. Apollinaris: Die Martis 23. Augusti 1547.  
 Romæ moritur.

ANDREAS CORNELIVS VENETVS, Episcopus Brixien-  
 sis, Camerae Apostolicæ Clericus, Diac. sancti Theo-  
 dori, ac sanctæ Mariæ in Dominica, legatus in Pro-  
 uincia Patrimonii, obiit die 30. Ianuarii 1551.

HIERONYMVS RICENAS DE CAPITATE FERREO ROMANVS,  
 Episcopus Niciensis, Pontificis Datarius, Diaconus  
 sancti Georgii ad Velabrum, legatus Prouinciæ Ro-  
 mandiolæ à legatione Bononiensi separata, legatus  
 ad Regem Francorum, ac Pontificis ad omnia pe-  
 ragenda Procurator, ac ad Regem Angliæ; moritur  
 Romæ die prima Octobris 1559.

TIBERIVS CRISPVS ROMANVS frater naturalis Constani-  
 tiæ Farnesiæ (teste Episcopo Thelesino, Episcopus  
 Sueffanus, Pontificis Prælati Domestici, ac in  
 Arce sancti Angeli Præfectus, Diaconus sanctæ Aga-  
 thæ;



thæ, deindè Præbiter sanctæ Mariæ Transtiberim,  
ac Episcopus Sabinus, Administrator Ecclesiarum  
Nepefinæ, ac Sutrinæ, Archiepiscopus Amalphita-  
nus; legatus Umbriæ, decessit Sutrii die 14. Octo-  
bris 1566.

## NONA CREATIO.

*Die Mercurij 16. Decembris anno 1545, ut in lite-  
ris Apostolicis datis hac die, mense, & anno. Ciacco-  
nus anno 1546.*

GEORGIUS DE AMBOSIA GALLVS, Archiepiscopus Ro-  
thomagensis, Præsb. Tit. Sanctorum Marcellini, &  
Petri, ad preces Regis Francorum, obiit in Galliis  
die 22. Augusti 1550. Ciacconus 1552.

HENRICVS, frater Ioannis Regis Portugalliæ, Archie-  
piscopus Elborensis, Administrator Bracharensis,  
Præsb. Tit. SS. Quatuor Coronatorum, Vlixiponen-  
sis Archiepiscopus, legatus in Portugalliæ, & Algar-  
biorum Regnis, & generalis Inquisitor, demum  
Rex Portugalliæ, die vltima Ianuarii anno 1580.  
decessit.

PETRVS PACECHVS HISPANVS, Episcopus Giennensis ad  
supplicationem Caroli V. Præsb. S. Balbinæ, Epi-  
scopus Albanus, Episcopus Saguntinus, obiit Romæ  
die 4. Martii 1560. Ciaccon. die 4. Februarii.

**RAINVCCIVS FARNESIVS** Nepos Pontificis ex filio, Administrator Ecclesiæ Neapolitanæ, Diacon. sanctæ Luciae in Silice, deinde sancti Angeli in foro piscium, & mox Præbyter eiusdem Ecclesiæ, sanctorum Quatuor Coronatorum, Episcopus Sabinus, Bononiæ Episcopus, Rauennæ Archiepiscopus, Patriarcha Constantinopolitanus, maior Pœnitentiarius, legatus in Prouincia Patrimonii, & in Marchia Anconitana, mortuus est Parmæ die 29. Octobris hora 16. 1565.

## DECIMA CREATIO.

*Die Mercurij 27. Iulij anno 1547.*

**CAROLVS GISIANVS DE LOTHARINGIA**, Archiepiscopus Metensis, Præsb. Tit. sanctæ Cæciliæ, ac sancti Apollinaris, in gratiam Regis Henrici Secundi legatus ad Galliam sub Paulo Quarto ad eundem Henricum, pro quo Vices gesserat Oratoris, sub Paulo Tertio, & pro Carolo Nono ad Regem Hispaniarum, legatus in Metensi, Tullensi, Virdunensi Diœcesibus, & in Lotharingia, & Barri Ducatibus, Episcopus Ebroicensis, Archiepiscopus Rhemensis, obiit Auenione die 26 Decembris 1574.

**IVLIVS DE RVVERE** frater germanus Guidobaldi Ducis Urbini, reseruatus in pectore, & nominatus die

9. Ianuarii 1548. Diac. sancti Petri ad Vincula, deinde Prior Diaconorum, de consensu Cardinalium; Episcopus Albanus, Sabinus, ac Prænестinus, Episcopus Vrbinas, Recanatensis, Vincentius, Archiepiscopus Rauennatensis, legatus Vmbriæ, obiit Forosempronii die 3. Septembris 1578. Ciacconus affirmat creatum die 9. Ianuarii 1549.

## VNDECIMA CREATIO.

*Die Luna 9. Ianuarij 1548., vt in literis Apostolicis.*

CAROLVS DE BORBONIO, Episcopus Xantonensis, Diaconus Ecclesiæ sancti Sixti, quæ erat Præbiteralis, ad preces Regis Francorum, deinde sancti Chrysogoni-Præbyter, Archiepiscopus Rothomagensis, Administrator Bellouacensis, Vicarius in Ciuitate Auenionensi, Comitatu Venaisino, & in illis, ac in Viennensi, Narbonensi, Arrelatensi, Ebredunensi, Aquensi, & Narbonensi Prouinciis legatus de Latere, ac in Prouincia Patrimonii, obtinuit vt in Consistorio, aliisque publicis, & priuatis actibus immediate post Tiberium Crispum Præbiterum sanctæ Agathæ locum haberet, causa mihi incerta est. Decessit die Mercurii 2. Maii anno 1590. ex Ciaccono priusquam libertate donaretur ab Eurico Rege Nauarræ, & postquam publica acclamatione fuerat renunciatus, Rex Galliarum, Carolus Decimus.

Ciac-

Giacconus scribit fuisse creatum die 27. Iulii : in Gallia purpurata legitur obiisse die Mercurii 9. Maii, cui credendum censebam.

## DVODECIMA CREATIO.

*Die 8. Aprilis anno 1549. Romæ.*

**HIERONYMVS VERALLVS ROMANVS**, Archiepiscopus Rossanus, deinde sancti Marcelli, Episcopus Caputaquensis, & ad Regem Francorum legatus, Romæ diem clausit x. Octobris 1555.

**IOANNES ANGELVS DE MEDICIS MEDIOIANENSIS**, Archiepiscopus Ragusinus, Præsb. Tit. S. Pudencianæ, sanctæ Anastasiæ, ac sancti Stephani in Cælio monte, Episcopus Cassanus, & Pulginas, in Romandiolæ legatus : demùm Pius Quartus.

**PHILIBERTVS FERRERIVS PEDEMONTANVS**, Episcopus Hipporegiensis, Præsb. Tit. S. Vitalis, mortuus est hora quarta noctis antè diem maris 14. Augusti 1549.

**BERNARDINVS MAFREIVS ROMANVS**, Episcopus Massanus & Pontificis à secretis, Præsb. sancti Cyriaci in Thermis, Archiepiscopus Theatinus, moritur Romæ die 16. Iulii 1553.

Duos in vltima promotione Cardinales in pectore refer-

seruatos Paulus obticebat, quos in Congregatione Cardinalium habita in Pontificio Cubiculo ad preces Alexandri Cardinalis Farnesii declarare morti proximus recusasse fertur, ideoque Bernardino de Cruce literæ, quas sub plumbo de Cardinalatu obtinuerat expediri, in prima post obitum Pontificis Cardinalium Congregatione, fuerunt laceratæ.

FINIS.







